

NAQQIUT

Siunnersuut 13. februaari 2019-imeersoq taarserpaa

(Siunnersuummi § 11, imm. 1 nr. 3-imi aamma § 44-imi oqaatsit atorneqartut “allanngutsaaliuilluni sungiusaaneq” ukuninnga taarserneqarpooq “piginnaanngorsarneq” aamma “piginnaanngorsaqqinneq”). Tamatuma saniatigut tamanna tunngavigalugu immikkoortut pineqartut annikitsumik allanngortinneqarput.)

Inatsisisatut siunnersummut nassuiaatit

Siunnersummut nassuiaatit nalinginnaasut

1. Aallaqqasiat

1.1. Siunnersummut tunuliaqutaasoq aamma siunertaa pingaardeq

Inuit Innarluutillit pisinnaatitaaffii pillugit Naalagaaffit Peqatigiit isumaqatigiissutaat inunnut innarluutilinnut tapersiisarneq pillugu Inatsisartut inatsisisaattut siunnersummut matumunnga pingarnertut tunngavigitinnejassasoq Naalakkersuisut isumaqarput.

Kalaallit Nunaanni innuttaasutut allatulli, inuit innarluutillit inuit pisinnaatitaaffiinik aamma tunngaviusumik kiffaanngissuseqarnermut pisinnaatitaaffinnik tamakkiisumik atuisinnaanerannik siuarsanissamut Inuit Innarluutillit pisinnaatitaaffii pillugit Naalagaaffit Peqatigiit isumaqatigiissutaat ikorfartuutaasussaavoq, illersuisussaavoq isumannaarisussaallunilu. Peqatigisaanik taassuma inunnut innarluutilinnut ataqqinninnerup piissusissamisoortumillu ataqqinassusaasa tapersorsorneqarnissaasa siuarsarneqarnissaat iluaqusissavaa.

Isumaqatigiissutip suliassaqarfinni tamaginni inuit innarluutillit naligiimmik periarfissaqarnissaannik Kalaallit Nunaat piussaaffilerpaa, matumanii ilinniartitaanermut, peqqinnissaqarfimmit sullississutinut, sulinissamut aamma politikkikkut aalajangeeqataanissamut assigiimmik periarfissaqarneq ilangullugit.

Inuit Innarluutillit pisinnaatitaaffii pillugit isumaqatigiissut inunnut innarluutilinnut suliassaqarfimmi najoqquṭassanik nutaanik eqqussivoq. Inuit innarluutillit innarluuteqarnertik kisiat naapertorlugu isiginiarneqarunnaartussaapput, kisianni innarluuteqarneq inuit innarluutillit ataasiakkaat inuiaqatigiillu naapeqatigiinneranni aporfittut isiginiarneqassalluni.

Inuit innarluutillit pisinnaatitaaffii pillugit Naalagaaffit Peqatigiit isumaqatigiissutaanni tunngaviusut nalinginnaasut makkuupput:

- 1) Inuup pissusissamisoortumik ataaqinassuseqarnera, inuttut nammineersinnaanera, matumani nammineq aalajangiinissamut kiffaanngissuseqarnera, aammalu inunniq allanik isumalluuteqannginnnera ilanngullugit.
- 2) Immikkoortitsinnginneq.
- 3) Inuiaqatigiinni tamakkiisumik sunniuteqarluartumillu peqataaneq akuutinnejnarnerlu.
- 4) Assigiinngissutsinut ataaqqinninneq aamma inuit innarluutillit inuit assigiinngisitaarnerannut ilaaginnarnerannik akuersaarneq.
- 5) Naligiimmik periarfissaqarneq.
- 6) Tikkuminassuseqartitsineq.
- 7) Inuit innarluutillit ineriartornissamut periarfissaannik ataaqqinninneq kiisalu kinaassutsimik attatiinnarnissaanut pisinnaatitaaffeqarnerannik ataaqqinninneq.

Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaanni tunngaviusuni ukkatarineqartut ilaat tassaavoq artikeli 9-mi nassuiarneqartoq tikikkuminassuseqartitsineq. Artiklip taassuma malitsigisaanik, inuit innarluutillit inuiaqatigiinni tikikkuminartuni inuunissaasa qulakteernissaanut naalagaaffik pisussaaffeqarpoq. Tikikkuminassuseqartitsineq atitoorujussuarmik paasineqassaaq, tassanilu ilaatinneqarlutik nammineq ornigunnermi, digitalikku, attaveqaqatigiinnermi aamma oqartussaaqatigiinnermi tikikkuminassuseqartitsineq.

Taamaalilluni naalagaaffiup qularnaassavaa, inuit innarluutillit innuttaasut allat naligalugit makkununnga isersinnaanissaat:

- avatangiisinut allat iserfigisinaasaannut, matumani angallassinermi periarfissat ilanngullugit
- paasissutissiissutinut attaveqatigiinnerinullu tamanut ammasunut imaluunniit tamanut tunniunneqartartunut, matumani paasissutissiinermi attaveqaateqarnermilu teknologit aaqqissuussinerillu ilanngullugit
- atortunut neqeroorutinullu allanut tamanut ammasunut tunniunneqartartunulluunniit.

2009-mi Danmarkip Inuit innarluutillit pisinnaatitaaffii pillugit Naalagaaffiit Peqatigiit isumaqatigiissutaat Kalaallit Nunaannut immikkut piumasaqaatitaqanngitsumik atuuttussangorlugu akueraa, 2012-milu isumaqatigiissutip atuutilernissaa Inatsisartut akuersissutigaat.

2014-imi septembarimi Danmarki Naalagaaffiit Peqatigiit inunnut innarluutilinnut komitéanni siullermeertumik misilitsippoq. Kalaallit Nunaat aamma Savalimmuit danskit nalunaarusiornerannut immersueqataapput, taamatuttaarlu misilitsinnermut danskit angalatitaannut ilaatinneqarlutik.

Misilitsinnermi inunnut innarluutilinnut suliassaqarfimmi Kalaallit Nunaat nunamut tamarmut iliuusissanut pilersaarummik suliaqarnissamik pisussaaffeqalerpoq, tassani inunnut

innarluutilinnut isumaqatigiissut naapertorlugu inunnut innarluutilinnut suliassaqarfip iluani inatsisit tulluarsarneqarnissaat misissorneqassalluni.

Isumaginninnermut suliaqarfip iluani, kiisalu suliassaqarfinni immikkuullarissuni allani Inatsisartut Inatsisaat manna malillugu tapersorsorneqarnikkut, inunnut innarluutilinnut inuttut pisinnaatitaaffit piviusunngortinneqarnissaat siunnersummi matumani kissaatigineqarpoq.

Inatsisartut inatsisisaattut siunnersuutip siunertai pingarnerit makkuupput:

- 1) innarluuteqarnerup malitsigisaanik ajornartorsiutit ikorsiivigineqarnissaannut siunnersuinermik tapersersuinermillu neqerooruteqarneq.
- 2) ataasiakkaat nammineersinnaanermut periarfissaannik siuarsaaneq aamma ulluinnarni inuunerannik oqilisaassineq taamaalillunilu inuunermi atukkanik pitsaanerulersitsineq.
- 3) ataasiakkaat ineriartornissamut periarfissaannik aammalu ataasiakkaanut tamanna ajornanngippat, nammineq ilippannartuinik atorluaanissamik siuarsaaneq.
- 4) inuit innarluutillit inuiaqatigiinni naligimmik periarfissaqarnissaat kiisalu innarluuteqarneq pissutigalugu assigiinngisitsinermik pineqarnerup akerlilerneqarnissaa, tassuuna sapinngisamik tamatigut sunniuteqarluartumillu inuiaqatigiinni peqataatinneqarnissaat akuutinnejarnissaallu qulakkiissallugu aamma
- 5) ataasiakkaat suliffeqarnissamut periarfissaqarnerannik siuarsaaneq.

1.2. Inatsisip piareersarneqarnerani tunaartarineqartut pingarnerit

Siunnersummi ilaigtut Inatsisartunit politikkikkut sulinuitit arlallit, kiisalu inatsisini atuuttuni misilitakkat aallaavigalugit ajornartorsiutit aalajangersimasut malitseqartinneqarput.

Tamatuma saniatigut inunnut innarluutilinnut suliassaqarfimmi suliaqartuuusunit aammalu kommunini sullisisunit aamma kommunini pisortaanit kissaatigineqartut inassuteqaatillu siunnersummi eqqarsaatigineqarput.

Naggataagut inunnit ilisimasalinnit aamma qanigisaasunit inunnut innarluutilinnut ikorsiisarneq pillugu inatsisit nutarterneqarnissaannut pitsaanerulersinnissaannullu kissaatigineqartut malitseqartinneqarput.

Nukissat kommunimeereersut pitsaanerpaamik atorluarneqarnissaannut nukittorsarneqarnissaannullu sinaakkutissiisumik siunnersuutip ilusilersorneqarnissaa Naalakkersuisunit pingartinneqarsimavoq.

Inunnut innarluutilinnut suliassaqarfimmi inatsisitigut sinaakkutit siunnersummi annertuumik nutarterneqarput, aammalu inuit innarluutillit tamarmik ataqqinassuseqartumik inuuneqarlutik inuttullu allatut pisinnaatitaaffeqarlutik periarfissaqartitaallutilu inuunissaannut tapersiinissamut kommunit Naalakkersuisullu periarfissaat nutaat pitsaanerusullu imaralugit.

2. Siunnersummi immikkoortut pingarnerit

Akisussaaffit suliassallu agguagaanerat ersarissuutillugit, inunnut innarluutilinnut tamaginnut sullissinerup aamma inatsisitigut isumannaatsuutsinerup nukittorsarneqarnissa, siunnersummi pingarnertut siunertaavoq. Ataasiakkaanik aamma tamakkiisumik isiginnilluni tapersiisarnissaq ukkatarineqarpooq, tamatumalu kingunerissavaa siunissami inuit innarluutillit angerlarsimaffiup avataaniittariaqartartut ikinnerulernissaat, kiisalu Inatsisartut inatsisaat manna malillugu tapersiivigineqarsinnaaneq, inunnut innarluutilinnut tamanut tapersiivigineqarnissamik pisariaqartitsisutut, atorneqarsinnaalissaq.

Inuit innarluutillit pisinnaatitaaffisa patajaallisarneqarnissaat aamma ingerlatsinermi oqartussaasut akornanni suleqatigiinneq, pingartumik communalbestyrelsit Naalakkersuisullu akornanni, ersarissarneqarpooq oqilisaavigineqarlunilu. Kommunalbestyrelsit siunnersummi inunnut innarluutilinnut taakkualu ilaquaannut amerlanerusunik pitsaanerusunillu tapersiinissamut periarfissaqalersinneqarput.

2.1. Sullinniakkat

Siunnersummi Kalaallit Nunaanni inuit innarluutillit tamarmik, Kalaallit Nunaanni najugallit tapersiivigineqarsinnaanerat periarfissiisutigineqarpooq. Tamatuma saniatigut Kalaallit Nunaanni innuttaasut, Kalaallit Nunaata avataani ulloq unnuarlu neqeroorutinut innersunneqarsimappata, tapersiiviginissaat periarfissinneqarpooq. Siunnersummi aammattaaq inunnut innarluutilinnut qanigisaasunut tapersiinissamut periarfissiisoqarpooq.

2.2 Sullissineq

2.2.1 Qulaajaaneq aamma iliuusissanut pilersaarut

Iliuusissanut pilersaarutip suliniutissanut anguniakkat aalajangersarpai sullissinermullu tunngaviulluni, qulaajaanerli inuup innarluutillip ajornartorsiutaanik, nukiinik ilaquaanilu piissutsinik allaaserinnippoq.

Qulaajaanerit iliuusissanullu pilersaarutit peqqissaartumik maleruagassiivigineqarnerat siunnersuutip nassatarivaa. Sullissinermi iliuusissanut pilersaarut sakkussatut pingaruteqartut ukkatarineqarpooq. Ullumikkut taamaaqataannik sullissinermut qulaajaanermullu sunik piumasqaateqartoqarnera pillugu ersarissunik communalbestyrelse maleruagassaqanngilaq. Taamaattumik kommunimit kommunimut inuit innarluutilillit pillugit suliat assigiinngitsumik paasissutissiisutigineqartarput suliarineqartarlutillu.

Siunnersuut naapertorlugu inuit innarluutillit pillugit suliani ataatsimoortumik isiginneriaaseqarluni suliniuteqarnissaq communalbestyrelsip qulakkiissavaa, aamma qulaajaanerup ingerlanerani piissutit arlallit nalilerneqartussat siunnersummi saqqummiunneqarput. Taamaallilluni qulaajaanerup nalilersussavai:

- 1) Timikkut tarnikkulluunniit innarluuteqarnerup annertussusaa.
- 2) Imminut isumassorneq.
- 3) Pissusilersorneq, atugarissaarneq ineriartornerlu.

- 4) Attaveqaqatigiinneq.
- 5) Ilaqtariinnermi pissutsit.
- 6) Inooqatigiinnermi pissutsit aamma inooqatigiinni inooqataaneq.
- 7) Peqqissutsumut tunngasut.
- 8) Suliffeqarneq aamma suliffeqarnissamut periarfissat.
- 9) Inuaqatigiinni peqataaneq.
- 10) Inatsisartut inatsisaat manna malillugu imaluunniit inatsisit allat malillugit tapersersuineq inummut ikorsiissutigineqareersoq.

Annertuumik innarluutillit ikiorserneqartarnerat pillugu Inatsisartut peqqussutaanni nr. 7, 3. november 1994-imeersumi atuuttumi, iliuusissanut pilersaarutit pillugit aalajangersagaqareerpoq. Siunnersuummi matumanii iliuusissanut pilersaarutit pillugit piumasaqaatit malunnaatilimmik annertusitinneqarput. Kommunalbestyrelse qaqgukkut iliuusissanut pilersaarutinik suliaqartassanersoq, iliuusissanut pilersaarutit sunik imaqassanersut, kiisalu iliuusissanut pilersaarutinik suliaqarnermut atatillugu pisortatigoortumik piumasaqaatit suut naammassineqarsimassanersut malittarisassiunneqarput. Taamaalilluni siunnersuut kommunini sullissinermut assigiinnik pisariillisakkanillu sinaakkusiivoq.

2.2.2 Oqaloqateqarneq

Siunnersuut naapertorlugu inuup innarluutillip taperserneqarnissaata aalajangiiffinginnerani pineqartumik oqaloqatiginnilluni peqataatitsinissamik kommunalbestyrelse pisussaaffilerneqarpoq. Inuup pineqartup sapingisaq naapertorlugu aalajangiiffisassatut takorloorneqartoq pillugu nammineq isummernerata paasiniarnissaa oqaloqatigiinnerup siunertaraa.

2.2.3 Ineriartortitsinissamut pilersaarut

Innuttaasut innarluutillit ulloq unnuarlu neqeroorummi inissinneqarsimasut minnerpaamik ukiumut ataasiarlutik ineriartortitsinissamut pilersaarusiunneqarnissartik pisinnaatitaaffigivaat. Ineriartortitsinissamut pilersaarummik ulloq unnuarlu neqeroorut suliaqartuussaaq. Iliuusissanut pilersaarutip siunertaa anguniagaalu aallaavigalugit, inummut innarluutilimmut perorsaanermi suliassat allaaserineqassapput, taamaaliornikkut qulakteerniarlugu iliuusissanut pilersaarummi anguniakkat anguneqarnissaat.

2.3 Tapersiinermi iliuusissat

Inuit innarluutillit pitsaanerusumik illersugaanissaannik pilersitsinissaq aamma inuaqatigiinni pisinnaatitaaffii pillugit pitsaanerusumik ilisimasaqalernissamik pilersitsinissaq tamatigoortumik politikkikkut kissaataavoq. Taamaammat tapersiissutit suut kommunalbestyrelsimit isumagineqartarnissaat pillugit erseqqinnerusunik aalajangersagalioqqullugit siunnersuutip Naalakkersuisut pisussaaffilerpai, matumanii lanngullugit:

- 1) Inuttut ikiorserneqartarneq isumassorneqarnerlu.

- 2) Atortorissaarutit ikiuutaasussat.
- 3) Ingiaqateqarneq.
- 4) Inigisap aaqqissuunnera.
- 5) Qamutit motoorillit.
- 6) Ataatsimoorussamik angallassisarnermik aaqqissuussineq.
- 7) Aningaasartuutaanerusut.
- 8) Suliffissanik sammisassanillu neqeroorutit.
- 9) Pikkorissarnerit ilinniartinneqarnerlu.

Tapersiinermi iliuusissat nalunaarutikkut malittarisassiunneqassasut siunnersummi siunnerfigineqarpoq. Atortorissaarutinut ikiuutaasussanut tunngatillugu malittarisassat inuaqatigiinni teknikkikkullu ineriarnermut ingerlaavartumik naleqqussarnissaannut periarfissiinissaq malittarisassat nalunaarutikkut aalajangersarneqarnissaasa siunertaraat.

Aammattaaq inuup innarluutillip taperserneqartarnera nammineq angerlarsimaffiani isumagineqartartillugu tapersiinissamik siunnersuut periarfissiivoq. Matumani assersuutigalugu eqqarsaatigineqarput aappaasut, aappaminnik innarluutilimmik namminneq angerlarsimaffimminni paarsisartut, aamma angajoqqaat meeqqamik innarluutillip isumassorneranik namminneq angerlarsimaffimminni isumaginnittut.

Taakkua saniatigut, inersimasut innarluutillit ulloq unnuarlu neqeroorummi isumannaallisakkami inissinneqarsinnaanerannut inatsisitigut tunngavissaq, siunnersuutip nutaatut imarivaa. Ulloq unnuarlu neqeroorutit isumannaallisakkat tassaapput najugaqarfii, igalaavisa matuisalu silarliit ulloq unnuarlu kaajalallugu parnaaqqatinnissaannut akuerisaasut. Tamanna tassaavoq immikkut suliniuteqarneq, eqqartuussivimmit eqqartuussissutigineqarsinnaasoq imaluunniit innuttaasup innarluutillip inissinneqarfissaatut pinerluttunik isumaginnittut aalajangiussinnaasaat.

2.4 Inunnut Innarluutilinnut Sullissivik Nunamut Tamarmut Atuuttoq

Inunnut innarluutilinnut sullissivimmik nunamut tamarmut atuuttumik pilersitseqqullugit (Inunnut Innarluutilinnut Sullissivik Nunamut Tamarmut Atuuttoq) siunnersuutip Naalakkersuisut pisussaaffilerpai, taassuma inunnut innarluutilinnut taakkualu qanigisaannut, kiisalu kommunalbestyrelsinut siunnersuinissaq ilitsersuinissarlu isumagissavai. Tamatuma saniatigut Inunnut Innarluutilinnut Sullissivik Nunamut Tamarmut Atuuttoq tapersiinissamut periarfissat pillugit siunnersuisassaaq, piginnaanngorsarneqarnermik piginnaanngorsaqqinnejarnermillu neqerooruteqassalluni aammalu innarluuteqarneq aamma tapersiissutinut periarfissat pillugit pikkorissaanernik aallartitsisassalluni. Sullissivik tamatuma saniatigut suliani immikkut pisariusuni kommunit sullillugit qulaajaanernik ingerlatsisinnaavoq aammalu iltsersuutaasunik oqaaseqaateqarsinnaalluni.

Inunnut Innarluutilinnut Sullissivimmik Nunamut Tamarmut Atuuttumik atuineq kommuninut atuisutut akiliuteqarnermik kinguneqassanngitsoq politikkikkut kissaatigineqarsimavoq. Innuttaasut sullissivimmut innersuuttarnissaasa tunuarsimaarfigineqarsinnaanera pinaveersaartinneqarnissaa politikkikkut kissaatigineqarmat tamatumunnga tunuliaqutaavoq.

Kingusinnerusukkut tamanna pisariaqartoq paasineqassappat, sullissinerit akileqquneqarsinnaanerannut inatsisitigut tunngavissaq siunnersuutip imarisaasa ilagivaat. Taamaattorli aallaaviuvoq sullissivimmik atuineq Inatsisartut inatsisaata atuutilernerani atuisunut akeqassanngitsoq.

2.5 Nakkutilliineq

Nakkutilliisarneq pillugu malittarisassat siunnersuutip imarisaasa ilagivaat, matumani kommunalbestyrelsip inunnut aamma ingerlatsinermut sammititamik nakkutilliinissaat, kiisalu Naalakkersuisut nakkutilliinissaat ilanngullugit. Naalakkersuisut nakkutilliinermik ingerlatsiveqarnissaannik siunnersuutip pisussaaffilerpai. Ulloq unnuarlu neqeroorutini ingerlatsinermut sammisumik nakkutilliineq, kiisalu kommunit inunnut innarluutilinnut suliassaqarfimmi ingerlatsinerannut allaffissornerannullu nakkutilliineq Nakkutilliinermik ingerlatsiviup pingaarnertut suliarissavaa.

Siunnersuut naapertorlugu kommunini inunnut innarluutilinnut suliassat pillugit paassisutissanik naapertuuttunik tamaginnik nakkutilliinermik ingerlatsivik pissarsisinnaavoq, aammalu communalbestyrelse qulaajaanernik aallartitsissasoq iliuusissanullu pilersaarutinik suliaqassasoq, aamma suliat naammassereersut nutaamik suliarineqartussanngorlugit qaqqeqqinnissaannik peqqusisinhaalluni.

Aammattaaq najugaqarfissatut neqeroorutit oqaloqatigalugit, najugaqarfissatut neqeroorutini pitsaassuseqartitsiinnarnissaq aammalu pitsaassutsinik ineriertortitsinissaq siunertaralugit nakkutilliineq ingerlanneqassaaq.

2.6 Inunnut innarluutilinnut politikki

Inunnut innarluutilinnut pisinnaatitaaffiit patajaallisarnissaat siunertaralugu aalajangersakkat arallit communalbestyrelsit Naalakkersuisullu suliniuteqarnissanik pisussaaffiliisut, siunnersummi ilanngunneqarput.

Inunnut innarluutilinnut politikki ataqtigiissoq communalbestyrelsit ilusilersussavaat, pitsaassusissanut malitassat allaganngorlugit suliarissallugit kiisalu inunnut innarluutilinnut siunnersuisooqatigiinnik pilersitsissallutik, taakku communalbestyrelsip inunnut innarluutilinnut politikiata inerisarnissaanut suleqataallutik peqataassallutik.

Inatsisartut inatsisaanni matumani aalajangersakkat naapertorlugin communalbestyrelsip oqartussatut pisussaaffiisa naammassinissaat annertuumik imaluunniit arlaleriarluni sumiginnarpagu imaluunniit qarsupippagu, Naalakkersuisut communalbestyrelse

pinngitsaaliisummik akiliinissamik pisussaaffilersinnaagaa siunnersuummi periarfissinneqarpoq. Inatsisartut inatsisaanni aalajangersakkat sunniuteqarluartumik maleruarneqarnissaasa qulakkeernissaat aalajangersakkap siunertaraa.

3. Pisortanut aningaasatigut allaffissornikkullu kingunissai

Inuit innarluutillit pillugit inatsimmi nutaami Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaat aamma innuttaasut innarluutillit, taanna malillugu pisinnaatitaaffii tunaartarineqarput. Innuttaasut innarluutillit arlalinnik nutaanik pisinnaatitaaffeqalernerat, tamatumalu aamma malitsigisaanik allaffissornikkut aningaasaqarnikkullu arlalinnik sunniuteqarnissaa inuit innarluutillit pillugit inatsisip nutaap kingunerissavaa.

3.1 Sullinniakkat

Siunnersuutip §§ 6-7-anni, Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaanni nassuaassutinut naapertuuttumik, siunnersuummi sullinniarneqartut nassuarneqarput. Siunnersuummi aalajangersakkani ukioqqortussutsit tamarmik pineqarlutik ilaalerput, inatsisimmi atuuttumi taamaanngitsoq. Taamaattoq utoqqalinersiaqartitsinerup aaqqissuuteqqinnejnarneranut atatillugu tamanna atuutsinnejnereeropoq, tamannalu isumaqarpoq utoqqalinersiallit innarluutillit inuit innarluutillit allat assigalugit assigiimmik pisinnaatitaaffeqalermata. Tamatuma saniatigut sullinniakkat annertuumik tarnimikkut imaluunniit timimikkut innarluutilinniit inuit ataavartumik timikkut, tarnikkut, silassorissutsikkut imaluunniit malugisaqarsinnaanikkut pisinnaanikillisimasunut allanngortinnejnepoq. Taamaattoq, ataatsimut isigalugu amerlanerusut aalajangersakkani ilaalerissaat tamatuma kingunerissangilaa, tassami taakku inatsisini atuuttuni ilaataareermata.

3.2 Inunnut Innarluutilinnut Sullissivik Nunamut Tamarmut Atuuttoq

Inunnut Innarluutilinnut Sullissiviup Nunamut Tamarmut Atuuttup pilersinneqarnerani, inunnut innarluutilinnut neqeroorutit annertuumik pitsangorsarneqarnissaat kiisalu kommunit inunnut innarluutilinnut suliassaqarfimmi suliniuteqarnerannik tapersiisarnerup pitsangorsarneqarnissaat siunnerfigineqarpoq. Suliniutit, IPIS-imit isumagineqarnikut, sullissiviup suliassaasa ilaattut ilaatilerlugit, ullumikkut inunnik innarluutilinnik sullissivimmut ilanngutsinneqarput. Siunnersuummi sullissiviup suliassai annertusitinneqarput, pingartumik kommuninut siunnersuinermut tapersersuinermullu tunngatillugu. Inunnik innarluutilinnik sullissivimmi suliarineqartut aningaasanut inatsimmi aningaasaliissutinit aningaasalersorneqassasut naatsorsuutigineqarpoq. Piffissaq qanittoq isigalugu inuit innarluutillit sullissivimmiinnerannut kommunit akigititamik akiliisalernissaannik atuutsilsersoqarnissaat eqqarsaataanngilaq. Taamaattoq tamanna naapertuuttoq pisariaqartorlu paasinarsissagaluarpat, akigititamut akiliuteqartarnissamik atuutsilsersinnaanermut inatsimmi tunngavissaq ilanngunnejnepoq. Tamatuma pisariaqartinneqarnera pilissappat, apeqqut kommuninut isumaqatiginniinarnermi qaquinnejnepoq.

Sullissiviup suliassaasa annertusinerannut atatillugu sulisut amerlinerannut aningaasartuuteqarnerulernissaq naatsorsuutigineqartariaqarpoq, missiliorlugu ukiumut piffissaq tamaat sulisartussat 3 nalinganik. Tamatumunnga allaffissornermut ingerlatsinermullu aningaasaqarnikkut kingunissai, angalanerit ilanngullugit, ukiumut 2,1 mio. kr.-inut missiliorneqarput.

3.3 Nammieq angerlarsimaffimi isumassorneqarnerup isumaginissaanut tapersiisarneq
Inummut, inuup innarluutillip nammieq angerlarsimaffimini najugaqartup ulluinnarni isumassorneqarneranik isumaginnittumut, kommunalbestyrelse aningaasanik tapiisassasoq siunnersuummi inassutigineqarpoq. Paaqqutarinninneq isumassuinerlu ima annertutigippat, inuup isumassuisuusup, isumassuinermi paaqqutarinnermilu saniatigut piffissaq tamaat sulinissaa ajornarluni, tapiissutit tunniunneqartassapput. Nalunaaquuttap akunnerisa akilerneqartussat annertussusaat communalbestyrelsip aalajangersartassavaa.

Akissarsianut atugassarititaasut, naatsorsorneqarneri naleqqussarneqarnerilu pillugit siunnersuut aqqutigalugu maleruagassanik erseqqinnerusunik Naalakkersuisut aalajangersaaqqullugit pisussaaffilerneqarput. Ataatsimut isigalugu naatsorsoruminaappoq aningaasartuuteqarnerusoqassanersoq imaluunniit aningaasartuutikinnerusoqassanersoq. Peqatigisaanik aningaasaqarnermut kingunissaanut apeqquaassaaq maleruagassat aalajangersimasut kingusinnerusukkut qanoq suliarineqarumaarnersut.

3.4 Oqilisaassineq

Oqilisaassinermut inissanik kommunit neqerooruteqassasut siunnersuutikkut pisussaaffiliunneqarpoq. Inuup innarluutillip sapinngisamik sivisunerpaamik nammieq angerlarsimaffiminiiginnarnissamut periafissaqarnissaata qulakkeerneqarnissaa aalajangersakkami siunertarineqarpoq. Ulloq unnuarlu paaqqinniffit oqilisaassinermut inissanik neqerooruteqartarnermut naleqqussartinneqassasut taamaalilluni siunnerfigineqarpoq. Piffissaq sivikinnerusoq isigalugu naatsorsuutigineqartariaqarpoq kommunit oqilisaassinermut inissanut aningaasartuuteqarnerulissasut, tassami kommunit maannamut oqilisaassivissanik neqerooruteqarnissamut tunuarsimaarpallaarsimapput, taamaalillunilu inunnik innarluutilinnik inuuneq naallugu ulloq unnuarlu neqeroorutini inissiisarnerit ikilisinnerisigut nukissat pitsaanerpaamik atorneqarsinnaassagaluarlutik. Inuit innarluutillit 200-t ulluni unnuanilu 3-ni, ukiup sisamararterutaata ingerlanerani oqilisaassinermit pisariaqartitsissasut naatsorsuutigineqarpoq. Ilaqtariinni oqilisaassisartuni inisseqqanermut akigititaq ulloq unnuarlu 1.030 kr.-qarpoq, ulloq unnuarlu neqeroorutini nammieq pigineqarlutik ingerlanneqartuni ullormut unnuamullu akigititaq 3.200 kr.-iulluni. Namminersorlutik Oqartussat ulloq unnuarlu neqeroorutaanni agguaqatigiissillugu akigititaq 3.200 kr.-qarpoq. Inuit innarluutillit 200-t affaat ilaqtariinni oqilisaassiffiusuni inissinneqarnissaminut neqeroorfigineqarsinnaasut naatsorsuutigineqarpoq, naatsorsoraanni ukiumut 1.236.000 kr.-nik aningaasartuuteqarneruffiusussamik. Inuit innarluutillit affaasa appaat namminersortuni imaluunniit Namminersorlutik Oqartussat ingerlataanni

neqeroorfigineqassasut naatsorsuutigineqarpoq, ukiumut 3.840.000 kr.-nik aningaasartuuteqarneruffiunerussaaq. Aningaasartuutaanerusussat katillugit 5.076.000 kr.-ussapput.

Ulloq unnuarlu paaqqinniffinni oqilisaassinermut neqeroorutit tamakkiisumik atuisunut inissanik 5-inik pisariaqartitsissapput, taakkulu sanaartornissamut aningaasaliissutinik 3,0 mio. kr.-nik naleqassasut naatsorsuutigineqarpoq.

3.5 Nuunnissamut ikorsiissutit

Meeqqamut innarluutilimmut angajoqqaatut akisussaasunut najugaqarfiup nuunneqarneranut aningaasartuutinut matussutissanik aningaasatigut tapersiinissamut kommune siunnersuummi inatsisitigut tunngavissaqalersinneqarpoq. Aalajangersagaq kommunimut pisussaaffiliinngilaq, kisianni tamanna pisariaqartoq naliliisoqarpat periarfissaalluni.

Ulloq unnuarlu neqeroorutit immikkut ittumik ukkataqarlutik sullisisut ukiuni aggersuni amerliartuinnarnissaat ilimagineqarpoq. Ulloq unnuarlu paaqqinnittarfiiit immikkut ittumik ukkataqarlutik sullissineruleriorerat ilutigalugu, tapersorseqarnermik immikkut ittumik tunineqarnissaq siunertaralugu, inuit innarluutillit ulloq unnuarlu neqeroorutini angajoqqaanit qanigisanillu ungasissumiittuni akulikinnerusumik inissinneqartarnissaat naatsorsuutigineqartariaqarpoq. Taamaattumik angajoqqaat qanigisaasulluunniit meeqqamik qanigisamilluunniit ulloq unnuarlu neqeroorummi inissinneqartup qanittuanut nuunnissamik kissaateqarnissaat naatsorsuutigineqassaaq.

Tamanna tunngavigalugu kommunalbestyrelsit katillugit ukiumut 0,5 mio. kr.-nik aningaasartuuteqarnerunissaat missilorneqarpoq.

3.6 Illersorti

Inuit innarluutillit amerlasuut pisinnaasakillisimanerat ima annertutigisarpoq, sutigulluunniit namminneq soqtigisaminnik isumaginnissinnaanatik, taamaattumillu aamma kommunimut attaveqarnissartik isumagisinnaanagu. Peqatigisaanik amerlasuut ilaquaqanngillat imaluunniit nukissakitsunik ilaquaqarsinnaallutik. Inuit taakkua – pingaarnertut inatsisitigut isumannaatsuunissaat eqqarsaatigalugu – illersortimik pisariaqartitsipput, kommunip oqaloqatigineranik, naammagittaalliuummik suliaqarnermik il.il. ikuuussinnaasumik. Taamaattumik illersortinut, illersortinik arlaannaannulluunniit attuumassuteqanngitsunik inuttaqartumik, aaqqissuussinermik pilersitsinissamik kommunit pisussaaffilerneqarput.

Inuit innarluutillit 1.400-nik amerlassuseqartut affaasa missaat illersorteqarnissamik pisariaqartitsissasut naatsorsuutigineqarpoq, affai illersortitut atorneqarsinnaasunik ilaquaqartut imaluunniit ilisarisimasaqartut naatsorsuutigineqarluni.

Illersortit inummut innarluutilimmut ataatsimut illersukkaminnut ukiumut 5.000 kr.-nik missiliukkamik aningaasarsiaqartinneqartussaassapput, aningaasartuutaanerusussat ataatsimut

katillugit 3,5 mio. kr.-inik annertussuseqassallutik. Tassunga ilanngutissapput pilersitsinerup nalaani ilinniartitsinermut ataasiartumik aningaasartuutit 1 mio. kr.-iusut kiisalu ukiuni tulliini ilinniartitsinermut ingerlaavartumik aningaasartuutit ukiumut 0,5 mio. kr.-iusut.

Illersortitut suliaqarneq assersuutigalugu meeqqat atuarfianni ilinniartitsisunit, politiinit, palasinit, inuit innarluutillit kattuffiinit aallartitanit il.il. isumagineqarsinnaassaaq.

3.7. Tikeraarluni angalasarnerit

Siunnersuutip kapitali 12-ani, § 55-imi meeqqat innarluutillit meeqqap angerlarsimaffiata avataani ulloq unnuarlu neqeroorutiniittut nunaminnut tikeraarsinnaatitaanerat nassuiardeqarpoq. Meeqqat ukioqanngitsuniit 18-inut ukiullit aallaaviatigut ukiumut marloriarlutik tikeraarsinnaatitaapput. Siunnersuut aqqtigalugu tikeraarsinnaanerit tikeraarnermik 1-mik ilaneqarput, matumani meeqqap angajoqqaatullu akisussaassuseqartut akornanni attaveqatigiinnerup ingerlatiinnarnissa pisariaqartut nalilerneqarpat. Meeqqanit innarluutilinnit inissinneqarsimasunit 50-iusunit meeqqat 30-t missaat ukiumut ataasiarlutik immikkut angalasinnaalernermik atuilissasut naatsorsuutigineqarpoq. Meeqqat tamakkerlutik angalanissamik pisariaqartitsinavianngillat, tassami angajoqqaatut akisussaassuseqartut ilaat illoqarfimmi ulloq unnuarlu neqerooruteqarfiusumi najugaqartarmata. Tamarmik ingiaqateqarnissamik pisariaqartitsassasut nalilerneqarpoq. Taamatut tikeraartitsisarnerit amerlinerat meeqqap ingiaqataatalu angalanerinut najugaqarnerinullu kommuninut 1 mio. kr.-nit missaannik aningaasartuutaanerunermik kinguneqassaaq.

3.8 Nakkutilliineq

Kommunit inunnut sammititamik nakkutilliinerannut kiisalu Namminersorlutik Oqartussat kommunit inunnut innarluutilinnut suliassaqarfimmi ingerlatsinerannik nakkutilliinerannut piumasqaatit annertuumik sakkortusarneqartut §§ 62-imiit 68-imut ersippoq.

Taamaalluni kommunalbestyrelse inunnik innarluutilinnik najugaqarfissatut neqeroorutini najugalinnik inummut sammititamik nakkutilliissaaq. Najugaqarfissatut neqeroorumiinnermi inuup timikkut, tarnikkut inooqatigiinnikkullu pisariaqartitai naammassineqartuarnersut kommunalbestyrelsip nakkutilliinermini ilaatigut qulakkiissavaa. Tamatuma saniatigut kommunalbestyrelse nakkutilliinerminit nalunaarusiortassaaq aammattaarlu qitiusumi nakkutilliinermik ingerlatsiviup paasissutissanik pisariaqartunik pissarsisarnissaa nakkutigissallugu.

Ataatsimut isigalugu kommunini ataasiakkaani ukiumut piffissaq tamaat sulisartussat 0,5 missaat pisariaqartinneqassasut naatsorsuutigineqarpoq, tamassumalu assigaa ukiumut piffissaq tamaat sulisartussat katillugit 2,5-it, angalanernullu aningaasartuutaanerusussat 2 mio. kr.-iusut. Tamatuma saniatigut 0,75 mio. kr. Namminersorlutik Oqartussat nakkutilliinerannut immikkoortinneqassapput, taakkulu ukiumut piffissaq tamaat sulisartussap 1-p nalinganik naleqarpoq angalanernut aningaasartuutit ilanngullugit.

3.9 Nalinginnaasumik allaffissornikkut sunniutaasussat

Kommunit siunnersuinissamut ilitsersuinissamullu pisussaaffeqarnerat siunnersuummi erseqqissarneqarpoq, peqatigisaanillu kommunit qanigisaasunut siunnersuinissamik ilitsersuinissamillu pisussaaffeqarnerat nutaatut aallartinneqarluni. Tamatumma saniatigut ataasiakkaat aammalu qanigisaasut ulluinnarni iliuuseqarsinnaalernissaat siunertaralugu, pikkorissaanernik ilinniartitsinernillu neqerooruteqarnissamut kommunit pisussaaffilerneqarput. Siunnersuutip atuutilernerani sulisunik amerlanerusunik pisariaqartitsisussaavoq.

Malittarisassat maanna atuuttut malillugit kommunalbestyrelse tunngaviusumik ilaatinneqarsinnaanermik nalilersuisassaaq, tassani aalajangerneqassalluni innuttaasoq annertuumik innarluuteqarnersoq, taava siunnersuummi massumani suliamut tunngasumik sullinniakkat nassuiarneqarnerannut ilaasumik innuttaasoq innarluuteqarnersoq nalilerneqassasoq siunnerfigineqarpoq.

Tapersiinissaq, ulloq unnuarlu neqeroorummiinnissaq kiisalu tapersiinerup allanngortinneqarnissaa aamma unitsinnejarnissaa pillugit aalajangiinermut atatillugu, inuk innarluutilik minnerpaamik ataasiarluni oqaloqatigineqassasoq, siunnersuummi kommunit pisussaaffilerneqarput. Taamaalilluni innuttaasoq siusinnerusukkut pisartunit annertuneroqisumik, innuttaasup pisariaqartitaasa nalilersorneqarneranni akuutinneqartassaaq. Tamanna allaffissornikkut sulisut amerlisariaqarnerannik kinguneqassasoq nalilerneqarpoq.

Inuit innarluutillit sukumiinerusumik annertuumillu qulaajaavagineqarnissaannut kommunit siunnersuummi pisussaaffilerneqarput. Qulaajaaneq nutaatut iliuusissanut pilersaarummik kinguneqassaaq.

Kommune taamaalilluni inunnut innarluutilinnut tapersiinermi iliuusissat pillugit aalajangiinermut atatillugu qulaajaanermik suliaqartassaaq, matumani inuup ataavartumik timikkut, tarnikkut, eqqarsartaatsikkut imaluunniit malussarissutsikkut pisinnaanikillismaneranik nassuaaneq aamma inuup innarluutillip imaluunniit pineqartumik angajoqqaatut sinniisup imaluunniit angajoqqaatut akisussaasut oqaloqatigineqarneri ilanngullugit. Inuup innarluutillip annertuumik innarluutillit pillugit peqqusummut atuuttumut ilaalernissaanik, qulaajaanissamik iliuusissatullu pilersarusiorissamik piumasaqaatitaqarfiunngitsumi, kommunip naliliisarnera, aalajangersakkap taarserpaa.

Siunnersuummi sullissinermut piffisanut atorneqartunut killissaliussanik aalajangersaanissamut communalbestyrelse inatsit aqqutigalugu pisussaaffeqlissaaq. Piffissap sullissinermut atorneqartartup sivikinnerulersinnissa siunnersuummi siunertaavoq. Kommunit tamarmik sullissinermut piffissaliussanik aalajangersaasalerpata, tamanna kommunimi allaffissornikkut sulisunik pisariaqartitsinerup annertusinissaanik pisariaqartitsissaaq. Sullissinermut sulisut amerlisinneqarnissaanik pisariaqartitsineq kommunimit kommunimut nikerassaaq, ilaatigut inuit innarluutillit amerlassusaat assigiinngimmata, ilaatigullu inuit innarluutillit amerlassusaannut sanilliullugu maannakkut sulisoqarneq assigiinngitsuummat.

Pisussaaffiit ataatsimut amerlinerat allaffissornikkut annertuumik aningaasartornerunermik kinguneqassaaq. Taamaattoq allaffissornerup annertusinera erseqqissumik nalileruminaappoq. Kommunit allaffissornikkut suliassaqarnerulissasut taakkulu ukiumut piffissaq tamaat sulisartussat 8 nalinganik naleqassasut imaluunniit aningaasartuutaanerusussat 4 mio. kr.-iunissaat naatsorsuutigineqarpoq.

3.10. Inunnut innarluutilinnut siunnersuisooqatigiit, inunnut innarluutilinnut politikki aamma pitsaassusissanut malitassat

Kommunit tamarmik inunnut innarluutilinnut siunnersuisooqatigiinnik pilersitsereerput imaluunniit pilersitsileruttorlutik aammalu kommunit tamarmik inunnut innarluutilinnut politikkeqarput imaluunniit suliaqaleruttorlutik. Taamaattumik suliassaqarfinni taakkunani kommunit aningaasartuuteqarnerunissamik pisussaaffilerneqanngillat. Kisiannili kommune ataasiinnaq inunnut innarluutilinnut suliassaqarfimmi sullissinernut tamanut pitsaassusissanut malitassanik ineriartortitsisimavoq. Pitsaassusissanut malitassanik taamaattunik siunissami ineriartortitsinissaannut kommunit pisussaaffilerneqarput, matumalu kingunerisaanik kommuninit 5-sunit 4-it allaffissornikkut suliakkersorneqarnerulissapput. Siunnersuutip malitsigisaanik ukiumut tamakkiisumik sulisunut 3-nut naapertuuttumik allaffissornikkut suliakkersorneqassasut aammalu 1,5 mio. kr.-nik aningaasartuuteqarnerulissasut naatsorsuutigineqarpoq.

3.11. Inatsisip nalunaarutillu atuutilersinneqarnerannut piviusunngortinneqarnerannullu aningaasartuutaanerusut

Inatsimmi aalajangersakkat arlallit Naalakkersuisut maleruagassanik ersarinnerusunik suliaqaqqullugit tunngaviliippuit. Taakku ilaat aningaasaqarnermut kinguneqartussaapput, matumani assersuutigalugu qanigisaasunut paaqqutarinninnikkut isumassuinikkullu inummut innarluutilimmut nammineq angerlarsimaffimminni suliaqartunut, sulinikkut isertitassatut annaasanut taartisisitsisarnermut maleruagassat ersarinnerusut, kommunit kisitsisit atorlugit nassuaatinik nalunaarusiortussaatitaanerat il.il. Taamaattumik inatsisip maleruagassaanik nalunaarutit aqqutigalugit atuutilersinneqarneranut piviusunngortinneqarneranullu aningaasaqarnermut kingunissaanut sillimmatinik immikkoortitsisoqarpoq.

Aningaasartuutaanerusussat mio. kr.	2019	2020	2021	2022
Inunnut innarluutilinnut Sullissivik Nunamut Tamarmut Atuttoq	2,1	2,1	2,1	2,1
Oqilisaassivimmieq	5,1	5,1	5,1	5,1
Nuunnissamut ikorsiissutit	0,5	0,5	0,5	0,5
Illersorti	4,5	4	4	4
Allaffissornikkut kingunerisassat nalinginnaasut	4	4	4	4

Inunnut innarluutilinnut siunnersuisooqatigiit, inunnut innarluutilinnut politikkat aamma pitsaassusissanut malitassat	1,5	1,5	1,5	1,5
Tikeraarluni angalasarnerit	1,0	1,0	1,0	1,0
Nakkutilliinerup patajaallisarnera	2,75	2,75	2,75	2,75
Piviusunngortitsinermi allaffisornermut malitseqartitsinermullu aningaasartuutanerusussat	1,5	2	1,5	1,5
Inatsimmik nalunaarutinillu pivi-usunngortitsineq	3,1	3,6	3,1	2,1
Katillugit	26,1	26,6	25,6	24,6
Sanaartornermut aningaasartuutit	1,5	1,5		

4. Inuussutissarsiortunut aningaasaqarnikkut allaffissornikkullu kingunerisassai

Siunnersuut inuussutissarsiortunut aningaasaqarnikkut imaluunniit allaffissornikkut kinguneqassanngilaq.

5. Avatangiisinut, pinngortitamut inuillu peqqissusaannut kingunerisassai

Siunnersuut avatangiisinut pinngortitamullu sunniuteqassanngilaq.

Siunnersuutip kingunerisaanik inuit innarluutillit taakkualu qanigisaat atugarissaarnerulissapput. Tamanna inuit peqqissusaannut iluaqutaassaaq.

6. Innuttaasunut kingunerisassai

Siunnersuutip malitsigisaanik inuit innarluutillit pisinnaatitaaffii patajaallisarneqassapput.

Inuit innarluutillit tamarmik, meeqqat taamatullu inersimasut, nammieq nukimminnik sapinngisamik pitsaanerpaamik atuinissamut periarfissaqarlutik, pitsaasumik toqqisisimasumillu inuunermanni atugaqarnissaat siunnersummi aalajangersakkat aqqutigalugit siunertarineqarpoq. Tamanna aqqutigalugu meeqqat innarluutillit pitsaasumik meeqqat atuarfianni atuarnissamut aamma ilinniartitaanermut periarfissaqassapput, taamaalillutillu inersimasunngorunik ulluinnarni pitsaasumik inuuneqarnissamut kiisalu immaqa sulilernissamut, pitsaanerpaanik periarfissaqassallutik.

Inunnut innarluutilinnut suna pitsaanerunersoq, ilutigisaanillu akimmiffiit inuit innarluutillit akimmiffigisinnaasaasa sapinngisamik akimmiffigiuunnaarnissaannut inuiaqatigiit pisussaaffeqarnerat piviusunngortinnejarluni, taamaalillutik inuiaqatigiinni sapinngisamik tamakkiisumik peqataallutillu ilaatinneqalernissaat qulakkeerneqassammat Inatsisartut inatsisaanni ukkatarineqarpoq.

7. Kingunerisassat annertuut allat

Siunnersuut allanik annertuunik kinguneqassanngilaq.

8. Oqartussanut kattuffinnulu il.il. tusarniaaneq il.il.

Siunnersuut piffissami 4. oktober 2018-imiit 8. november 2018-imut tusarniutigineqarpoq.

Tamatuma saniatigut siunnersuut piffissami tassani Naalakkersuisut tusarniaanermut nittartagaanni tamanut saqqummersinneqarpoq.

Tusarniaanermut akissuteqaatit tiguneqartut suliarineqarnerat ilanngussaq 1-imiuttoq takuuq.

Tusarniaanermut akissuteqaatit siunnersummut oqaaseqaatitaqartut, oqaasertaat tamakkiisuutillugit naqinneqarput aammalu siunnersummut ilanngussaq 1-imi attuumassuteqarnera malillugu oqaaseqarfingineqarlutik. Tusarniaanermut akissuteqaatinut oqaaseqaatit uingasumik allassimapput.

Siunnersuummi aalajangersakkanut ataasiakkaanut nassuaatit

§ 1-imut

Inatsisartut inatsisaata siunertaata pingaarnerup siunertaasalu allanneqarnerat aalajangersakkami taaneqarput.

Nr. 1-imut

Siunertaasoq siulleq tassaavoq innarluuteqarnerup malitsigisaanik ajornartorsiutit ikiorsiiviginiarlugit inuit innarluutilit siunnersuinermik tapersiinermillu neqeroorfigineqarnissaat. Tunngaviusumik siunnersuinermik tapersiinermillu paasinninneq annertunerusumik nassuarneqassaaq, taamaalillunilu pitsaaliuilluni siunnersuisoqarsinnaalluni tapersiisoqarsinnaallunilu.

Nr. 2-mut

Siunertaasup aappaa tassaavoq ataasiakkaat nammineernissamut periarfissaasa imaluunniit ulluinnarni inuunerisa oqinnerulersinnissaat, aammalu inuunermi atugaasa pitsanngorsarnissaasa siuarsarneqarnissaat. Taamaalilluni Inatsisartut inatsisaat malillugu tapersiineq, ikiorserneqartup nammineq nukimminik atuisinnaanissaanut iluaqutaassaaq, tamannalu aqqutigalugu ulluinnarni inuuneranik oqinnerulersitsilluni, pineqartorlu spinngisamik annertunerpaamik nammineersinnaalersillugu.

Nr. 3-mut

Siunertaasut pingajuat tassaavoq ataasiakkaat ineriartornissaminnut periarfissaasa siuarsarnissaat namminnerlu periarfissaqarfimminik - spinngisartik tamaat - atorluaanissaat. Inunnut annertuumik tarnikkut pisinnaasakillisimasunut, assersuutigalugu tarnikkut ineriartornermikkut akornutilinnut, Inatsisartut inatsisaat malillugu tapersersuinerup ilaata siunertarivaa qulakkiissallugu pineqartup ineriartortinnejarnissa, taamaalilluni ulluinnarni inuuniarnermini nammineq pisinnaasaasa periarfissaasalu annertusarneqarnissaat siunertarineqarluni.

Inunnut annertuumik timikkut innarluutilinnut tapersersuinerup siunertarivaa inuup isumassorneqarnerata sungiusarneqarneratalu qulakkeerneqarnissa, taamaalilluni pisinnaasaasa ataavartillugillu pitsanngorsarnissaat, tamannalu aqqutigalugu inuup inuttut inerikkiartornissaminut inuunerissaarnissaminullu periarfissaasa ineriartortinnejarnissa.

Nr. 4-mut

Siunertaasut sisamaat tassaavoq inuit innarluutilit inuiaqatigiinni naligiimmik periarfissaqarnissaat, kiisalu innarluuteqarneq pissutigalugu assigiinngisitsinermik pineqarnerup akerlilerneqarnissa, tassuuna spinngisamik tamakkiisumik sunniuteqarluartumillu inuiaqatigiinni peqataatinnejarnissaat ilanngunneqarnissaallu qulakkeerniarlugu. Inatsisartut inatsisaat malillugu tapersiinermi taamaalilluni ilaatigut inuup innarluutilip spinngisamik ulluinnarni suliassat nalinginnaasut suliarisinnaanissaannut

periarfissaqarnissaa aammalu inuiaqtigiinni sammisani nalinginnaasuni peqataanissaa qulakkeerneqassaaq. Aalajangersagaq taamaalilluni aamma Inuit Innarluutillit pisinnaatitaaffii pillugit Naalagaaffiit Peqatigiit isumaqtigiissutaanni inuit innarluutillit kulturikkut pisuni, sukisaarsaarnermut neqeroorutini, sunngiffimmi sammisani timersornermilu allat assigalugit peqataanissamut pisinnaatitaanerisa akuersaarnissaa pillugu artikeli 30-mut ataqatigiissillugu isigineqassaaq.

Nr. 5-imut

Naggataagut Inatsisartut inatsisaat malillugu tapersiinermi, ataasiakkaat ilinniagaqarnissamut aamma suliffissaqartinneqarnissamut periarfissaasa siuarsarneqarnissaat siunertarineqarpoq. Tapersiisoqassanersoq, tapersiineq qanoq ittoq tunniunneqassanersoq tapersiinerlu qanoq aaqqissuunneqassanersoq pillugit tamanna aalajangiinermi pingaartinneqassaaq. Siunertaasoq taanna, assersuutigalugu atortorissaarutinut ikuutaasussanut sorlernut tapersiisoqarnissaanut sunniuteqarsinnaavvoq. Aammattaaq ilaatigut innuttaasup suliffeqalernissaa aammalu suliffeqarfeqarfimmut attuumassuteqartuaannarnissaa siunertaralugu, oqartussaasoq tamakkiisumik isiginnittumik, ataqatigiissumik ataqatigiissagaasumillu innuttaasumut suliniuteqarnissamut pisussaaffeqartoq isiginiaassallugu pingaaruteqarpoq. Tassunga atatillugu oqartussaasup inatsisinut allanut ataqatigiissaarinissamik qulakkeerinninnissaa naleqqussinnaassaaq, taamaalilluni Inatsisartut inatsisaat manna malillugu tapersiineq, siunertaasumut sunniuteqarluarnerpaamik iluaqutaasinnaaniassamat. Aalajangersakkami tessunga tunngasortaa, inuunerup ingerlannissaanut aningaasarsiorsinnaatitaanermut, inuit innarluutillit suliffeqarnissamut suliffissaqartinneqarnissamullu pisinnaatitaaffeqlernerisa akuersarneqarnera pillugu Inuit innarluutillit pisinnaatitaaffii pillugit Naalagaaffiit Peqatigiit isumaqtigiissutaanni artekili 27-mi allassimasut eqqarsaatigalugit isiginiarneqassaaq.

Inatsisartut inatsisaat manna malillugu tapersiineq, assersuutigalugu inummut innarluutilimmuit suliffeqarnermi ikuutaasinnaasunut atortorissaarutinut ikuutaasussanut tapersiineq imaluunniit qamutinut motoorilinnut tapersiineq, taamaalilluni inuk angerlarsimaffimmi ilinniarfimmilu imaluunniit suliffimmi akornanni ingerlasinnaanissamut periarfissaqalernerata, Naalagaaffiit Peqatigiit inuit innarluutillit pillugit isumaqtigiissutaanni artekili 27-ip piviusunngortinnissaanut peqataasinnaavvoq.

§ 2-mut

§ 2-mi aalajangersakkat siunnersuutigineqartut Inatsisartut inatsisaannut tunngaviusumik ataatsimoortumik sinaakkusiissapput. Oqartussaasut tamarmik Inatsisartut inatsisaanni aalajangiisinnaatitaaffilerneqartut, killissaliussamut taakkununnga naapertuuttumik allaffissornikkut aqutsissapput. Tamatuma ilaatigut kingunerisaanik, oqartussaasut, matumanik kommunit aamma Naalakkersuisut ilanngullugit, inuit innarluutillit inuttut pisinnaatitaaffiisa aammalu tunngaviusumik pisinnaatitaaffiisa illersorneqarnissaat piviusunngortinnejarnissaallu pillugit Inatsisartut inatsisaanni siunertaasumut naapertuuttumik aalajangiisassapput. Kisianni tamatuma aamma kinguneraa oqartussaasut allanik suliaqarnerminni, matumanik Inatsisartut inatsisaat malillugu tapersiinerminik suliaqarnermi,

Inatsisartut inatsisaat malillugu sulianik sullisisunik ilinniartitsinerup aamma pikkorissaanerit aaqqissuunneqarneranni, aammalu isumaginninnermut suliassaqarfimmi ineriertortitsinissamik pilersaarusiornermi, inuit innarluutillit inuttut pisinnaatitaaffii aammalu tunngaviusumik kiffaanngissuseqarnermut pisinnaatitaaffii aallaavigissagaat ataaqqissallugillu.

Imm. 1-imut

Inuk innarluutilik inuit pisinnaatitaaffiisa aammalu tunngaviusumik kiffaanngissuseqarnermut pisinnaatitaaffiisa tamarmiusut allatulli atorsinnaanissaannut tamakkiisumik pisinnaatitaaffeqartoq, aammalu Inatsisartut inatsisaat manna tamatuma qularnaarnissaanut tapertaassasoq, imm. 1-imi aalajangersakkami aalajangersarneqarpoq. Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaanni artekili 1-imi siunertani isiginnittaaseq aalajangersakkami aallaavagineqarpoq. Inatsisartut inatsisaanni isumaginninnermut suliassaqarfip iluani, aammali suliassaqarfinni allani, Inatsisartut inatsisaat manna malillugu tapersiisarnikkut, inuit innarluutillit inuttut pisinnaatitaaffiisa piviusunngortinneqarnissaat kissaatigineqarpoq.

Inatsisartut inatsisaat malillugu taannaannaq isigalugu tapersiinissamut aamma suliarinninnermut atatillugu aalajangersagaq pingaaruteqarpoq, aammali isumaginninnermi suliassaqarfimmi oqartussat suliaqarnerannut allanut atatillugu atitunerusumik isiginninnermut pingaaruteqarluni. Assersuutigalugu inuttut eqqiluisaarnissap qulakkeerneqarnissa, imaluunniit inuup innarluutillip nerisarnissa Inatsisartut inatsisaat malillugu inunnut innarluutillinnut tapersiinermi pisariaqartitsinerit pingaaruteqartut ikiorsernissaat siunertaasimasinnaavoq. Taamatut ataqtigiinnerni pingaaruteqarpoq kommune pisariaqartitsinernut pingaaruteqartunut taamaattunut tapersiinissaq pillugu aalajangiisoq, aammalu sulisut tapersiisummik ikuuttut, inuup inuttut pisinnaatitaaffii ukkatarissagaat. Tamanna ilaatigut tapersiineq qanoq ittoq aalajangiiffiqeqassanersoq, aammalu tapersiineq qanoq tunniunneqassanersoq, inuup akuutinneqarneratigut ersersinnejarsinnaavoq. Tamatuma saniatigut siunertanut aalajangersakkami, tapersiinermi inuup pisariaqartitaanut pingaaruteqartuinnaanngitsunut, kisianni aamma tapersiinermi assersuutigalugu inuup inuaqtigiinni peqataanissaanut pisinnaatitaaffeqarnerata qulakkeerneqarnissa, matumani politikkimut tunngasut ilanggulligit, qulakkeerneqassasoq oqartussaasunut pisussaaffiliunneqarpoq. Oqartussaasut atitunerusumik isigalugit isumaginninnermut suliassaqarfimmi sulinerannut tunngatillugu, aalajangersakkami siunnersuutigineqartumi inuit innarluutillit pisinnaatitaaffiisa sunut tamanut tunngasuni qulakkeerneqarnissaannut oqartussaasut pisussaaffilerneqarput. Taamaalilluni assersuutigalugu inunnut innarluutillinnut suliassaqarfimmi allannguutissat pillugit siunnersuutini, inuit innarluutillit akuutinnissaannut kommune pisussaaffeqarpoq. Tamanna assersuutigalugu, kommune allanngortitsinissamik eqqarsaateqarpat, najugaqtigiiffimmi najugaqartut akuutinnerisigut naammassineqarsinnaavoq. Pisussaaffeqarneq ilaatigut inunnut innarluutillinnut siunnersuisooqatigiit aamma kommunit inunnut innarluutillinnut siunnersuisooqatigiinnik inunnut innarluutillinnut politikkimik inerisaanermi akuutitsinissaannut pisussaaffeqarnerat pillugit § 69-imi aalajangersakkami siunnersuutigineqartumi oqaatigineqarpoq.

Aalajangersakkami inuit pisinnaatitaaffiinut aamma tunngaviusumik kiffaanngissuseqarnissamut pisinnaatitaaffeqarnernut innersuussinermi, pingaartumik pisinnaatitaaffit Inuit Innarluutillit pisinnaatitaaffii pillugit Naalagaaffit Peqatigiit isumaqatigiissutaata ataani illersugaasut, siunnerfigineqarput. Tassani immikkut pingaarutilittut taaneqarsinnaapput:

- Assiiginngisitsinnginnissaq
- Naligiimmik periarfissaqarneq
- Tikkuminassuseq
- Meeqqat innarluutillit ineriaroqqinnissamut periarfissaasa ataqqineqarnerat aamma kinaassutsimik piginarnissaanut pisinnaatitaaffiannik ataqqinninneq
- Iluanaarniutigineqarnissamut, persuttarneqarnissamut aamma atornerlunneqarnissamut illersugaaneq
- Timikkut tarnikkullu innarligassaannginnerup ataqqineqarnissaanik pisinnaatitaaffeqarneq
- Nammineerluni inuuneqarsinnaatitaaneq aammalu inuiaqatigiinni akuutinnejqarsinnaatitaaneq
- Inuttut nikerarsinnaassuseq
- Killiligaanani oqaaseqarsinnaanermut isummanillu anitsisinnaanermut kiffaanngissuseqarneq
- Inuttut inuunerup ataqqineqarnissaa
- Angerlarsimaffiup aamma ilaqttat ataqqineqarnissaat
- Kulturikkut pisunut peqataasinnaatitaaneq

Taamaattoq aalajangersagaq pisinnaatitaaffinnut Inuit Innarluutillit pisinnaatitaaffii pillugit Naalagaaffit Peqatigiit isumaqatigiissutaata ataaniittunik illersuinissamuinnaq killeqanngilaq, kisianni aamma nunani tamalaani isumaqatigiissutit allat malillugit inuit pisinnaatitaaffii aamma tunngaviusumik kiffaanngissuseqarluni pisinnaatitaaffeqarnerit, Kalaallit Nunaanni atuuttut ilaatinneqarlutik, matumani pingaartumik, kisianni taakkuinnaanngitsut, Inuit pisinnaatitaaffii pillugit Europamiut isumaqatigiissutaat (EMRK), Inuit pisinnaatitaaffii pillugit Europami naalagaaffit isumaqatigiissutaat pillugu inatsisip Kalaallit Nunaannut atortuulersinnejqarnissaanik peqqussut nr. 814, 18. september 2001-imeersoq ilanngullugit.

Matuma siulianiittunut nangissutigalugu Inatsisartut inatsisaat malillugu tapersiineq, inuup inuttut pisinnaatitaaffii aammalu tunngaviusumik kiffaanngissuseqarluni pisinnaatitaaffii ataqqillugit tapersiisoqassaaq. Inatsisartut inatsisaat malillugu tapersiinissaq pillugu oqartussaasut aalajangiinissaannut aammalu aalajangiinerup pinissaata tungaanut oqartussaasut sullissinerannut aalajangersagaq pingaaruteqarpoq. Taamaalillutik ilaatigut inuit innarluutillit nammineq inuunertik pillugu aalajangiisoqartillugu akuutinnejqarnissaat oqartussaasut qulakkiissavaat, aammalu ilaatigut inuit attaveqaqatigiinnermut periarfissaasa piviusumik qulakkeernerisigut, piviusumik akuutinnejqarnissaat qulakkiissallugu. Tamanna ilaatigut oqaloqateqarneq pillugu § 23-mi aalajangersakkani siunnersuutigineqartuni oqaatigineqarpoq.

Aalajangersagaq aamma oqartussaasut ilumut ingerlatsinerannut pingaaruteqarpoq. Tamanna Inatsisartut inatsisaat malillugu siunnersuinerup, ilitsersuinerup tapersiisarnerullu ingerlanneqarnerani atutissaaq. Tapersiineq inuup inuttut pisinnaatitaaffii ataqqillugit qanoq piviusumik tapersiissutigineqassanersoq, oqartussaasup tassani ukkatarissavaa. Tamanna ilaatigut innuttaasup tapersiinerup aaqqissuunneqarnerani akuutinneqarnerani, aammalu tapersiinermut atatillugu pissaanermik atuinissap pisariaqalernissaata pinngitsoorniarneqarnissaani ersersinneqarsinnaavoq.

Imm. 2-mut

Tapersiineq ataasiakkaat pissusissamisoortumik ataqqinassuseqarnerat, inuttut nammineq aalajangiisinjaanerat, matumani nammineq aalajangiinissamut kiffaanngissuseqarnerat, aammalu inunnut allanut attuumassuteqannginnerat ilanggullugit, ataqqillugu aammalu nukitorsarlugu tapersiisoqassasoq imm. 2-mi aalajangersakkami aamma siunnersuutigineqarpoq. Aalajangersakkami imm. 2 imm. 1-im aalajangersagaq eqqarsaatigalugu isiginiarneqassaaq, tassanilu aalajangersagaq assigalugu oqartussaasut aalajangiinernik suliaqarnerannut, ingerlatsivinnerannullu kiisalu pilersaarusiornermi aammalu suliassani allani nalinginnaasuni, pingaaruteqarluni.

§ 3-mut

Imm. 1-imut

Inuk innarluutilik ataqtigiissagaasumik, ataqtigiissumik aamma tamakkiisumik isiginnittumik, inummut aammalu inuup inuuneranut tunngassutillit tamaasa mianerineralugit, tapersiivigineqarsinnaatitaasoq imm. 1-im aalajangersakkami aalajangersarneqarpoq.

Aalajangersakkap kingunerisaanik oqartussaasoq, Inatsisartut inatsisaat malillugu aalajangiinissamut imaluunniit siunnersuinissamut ilitsersuinissamullu pisinnaatitaatinneqartoq pisussaaffeqlernerup kingunerisaanik oqartussaasoq inuup pisariaqartitaanik, nukissanik ajornartorsiutaanillu tamakkiisumik nalilersuinissamut pisussaaffeqlupoq. Tamakkiisumik nalilersuinissaq isumaqlupoq, oqartussaasoq aamma inummut innarluutilimmuinnaq tunngaassuteqanngitsunut isummersussasoq. Tamakkua assersuutigalugu tassaasinnaapput isumaginninermi ajornartorsiutit, inuup ilinniagaqarneq suna ingerlanneraa imaluunniit aallartissallugu kissaatigineraa, inuup suliffissaqarnikkut inisisimanera kiisalu periarfissai aammalu peqqissutsikkut inisisimanera. § 23-im aalajangersagaq siunnersuutigineqartoq malillugu innuttaasup ataasiarluni arlaleriarluniluunniit oqaloqatigineqarnera tassunga ilaatillugu ingerlanneqassaaq. Oqartussaasup tapersiineq suna tapersiissutigineqassanersoq aammalu tapersiineq qanoq tapersiissutigineqassanersoq pillugu aalajangiinerani, oqartussaasup inuup tamakkiisumik naliliiffigineqarnera aallaavigissavaa. Tapersiinerup inatsisit allat malillugit tapersiinermut ataqtigiissinnejarnissa, inuullu pisariaqartitaasa sapinngisamik pitsaanerpaamik naammassiniarnissaasa qulakkeerneqarnissa tamatumunnga siunertaavoq.

Oqartussaasup Inatsisartut inatsisaat manna malillugu qanoq tapersiisoqassanersoq pillugu, inuup tapersiivigineqarnissamik pisariaqartitai, inatsisit allat malillugit naammassineqarsinnaasut, aammalu allatut tapersiinerit, inatsit manna aammalu inatsisit allat malillugit tapersiissutigineqartut isumaliutersuuteqarnermini ilaatisagai pisussaaffeqarnerup ilaatigut kingunera. Innuttaasunut ataasiakkaanut ataqtigiiqassumik ataqtigiiqasgaasumillu suliniuteqarnerup anguneqarnissaa siunertaavoq. Taamaattumik Inatsisartut inatsisaat manna malillugu tapersiineq, inatsisit allat malillugit suliniuteqarnernut annertunerpaamik tunngavissiissaq. Taamaattumik oqartussaasup, suna tapersiissutigineqassanersoq aammalu tapersiineq qanoq tapersiissutigineqassanersoq aalajangiinermini, tapersiineq qanoq tapersiinermut inuup inatsisit allat malillugit tigusartagaanut ataqtigiiqassumik ataqtigiiqassumillu pillugu isummersussaaq. Ilaatigut kommunimi ingerlatsiviit assigiinngitsut akornanni aammalu oqartussaasut akornanni iluminni ataqtigiiqassumut oqartussaasoq tassani akisussaaffeqarpoq. Inatsisit allat malillugit tapersiinissamut periarfissat pilligit, imaluunniit oqartussaasoq sorleq inatsisit allat pilligit innuttaasumut siunnersuisinnaanersoq ilitsersuisinnaanersorlu, siunnersuinissamut ilitsersuinissamullu pisussaaffeqarneq aamma tassaniippoq.

Imm. 2-mut

Tapersiinissaq pillugu aalajangiinermi innuttaasunut ataasiakkaanut inunnut innarluutilinnut suna pitsaanerpaanersoq tamakkiisumik naliliineq aallaavigalugu oqartussaasoq aalajangiissasoq, imm. 2-mi aalajangersakkami aalajangersarneqarpoq. Tapersiinissaq pillugu aalajangiisoqartillugu, oqartussaasup inuup tapersiivigineqarnissamut pisariaqartitai, nukissai aamma ajornartorsiutai, piviusumik aallaavigineqartassasut erseqqissarneqassasoq aalajangersakkami siunertaavoq. Ilaatigut § 23-mi aalajangersagaq siunnersuitigineqartoq malillugu innuttaasup oqaloqatigineqarnissaa tassunga sakkussaavoq. Aalajangersagaq aamma imm. 1-im i aalajangersakkamut, oqartussaasup tamakkiisumik isiginnittumik tapersiisarnissaanik pisussaaffiliisumut, ataqtigiiqassumut isiginiarneqassaaq. Taamaallilluni tapersiinermi innuttaasut ataasiakkaat inissisimanerat aallaavigineqassaaq, aammalu oqartussaasup aalajangiinermini innuttaasumut sapinngisamik pitsaanerpaamik tapersiinissaq qulakkiissavaa.

Oqartussaasup aalajangiinermini mianerisassat tunngavilersukkut allat suli ilaatisinnaavai. Tamanna assersuutigalugu tassaasinnaavoq tapersiinissamut periarfissat suut innuttaasup nunaani tapersiissutigineqarsinnaanerisa eqqarsaatigineqarnissaat.

Imm. 3-mut

Pissutsini inunnut innarluutilinnut tunngasuni, inuup nammineq isumai aallaavigineqartassasut aalajangersakkami siunertaavoq ersersissallugu, kisiannili inuup ukiui, inerissimassusaa aammalu silatussutsimigut pisinnaaneqarnera mianeralugit tamanna pissaaq.

Pissutsit inummut tunngasut aalajangiiffigineqaraangata, inuk innarluutilik suliamut tunngatillugu suliani naapertuuttunik ilisimatinneqartassaaq. Inuk peqataaniarnersoq aammalu isummersuutiminik saqqummiussiniarnersoq nammineq kajumissutsini malillugu aalajangissavaa.

§ 4-mut

Imm. 1-imut

Aalajangersakkami matumani imm. 1-imu inuit annertuumik innarluutillit ikiorserneqartarnerat pillugu Inatsisartut peqqussutaanni § 1, imm. 3-mi tunngaviusoq ingerlatiinnarneqassasoq siunnersuutigineqarpoq. Inuup taassumalu angajoqqaatut sinnisuata imaluunniit angajoqqaatut akisussaasuisa tamanna kissaatigalugu oqaatigippatigit, inuk innarluutilik sapinngisamik nammineq angerlarsimaffimminiiginnarsinnaanissamut tapersiivigineqarsinnaatitaasoq taamaalilluni siunnersuutigineqarpoq. Taamaattoq inuup nammineq imaluunniit allat atugarissaarnerat nammineq angerlarsimaffimmiiginnarnermi navianartorsiortinneqassanngitsut pissutaatinneqassaaq.

Allat assigalugit inissamik killilersugaanngitsumik toqqaasinnaatitaaneq, inuit innarluutillit tunngaviusumik inuttut pisinnaatitaaffigaat. Inuup tamanna kissaatigippagu, inuk innarluutilik nammineq najukkamini nunaqarfimmini/illoqarfimmini angerlarsimaffimmini najugaqaannarsinnaanissaanut tapersiivigineqarnissaa annertuumik pingartinneqassaaq. Inuup assersuutigalugu pitsaanerusumik piukkunnaatilimmillu ikiorneqarsinnaaffimminut ulloq unnuarlu neqeroorummut nuussinnaanerani tamanna aamma atutissaaq. Taamatut pisoqarnerani inuup tapersiivigineqarluni nammineq angerlarsimaffimminiiginnarnissaa pingaaruteqarpoq, pissutigalugu inuup piukkunnaateqartumik paassisutissiiviusumillu tunngaveqartumik aammalu sullisisuni suleqatigalugu, inuup nammineq angerlarsimaffimminiiginnarnissani kissaatiginerlugu aalajangertussaammagu. Inuup nammineq imaluunniit allat atugarissaarnerat, inuup nammineq angerlarsimaffimminiiginnarnerani navianartorsiortinneqassanngitsoq pissutigineqassammat erseqqissarneqarpoq. Allat atugarissaarnerat tassaatinneqarpoq qanigisaasut, inuit inummut tapersiisut aammalu allat inuup avatangiisaanniittut, matumani sanilit il.il. Inuk Inatsisartut inatsisaat manna malillugu tapersiivigineqarluni nammineq angerlarsimaffimminiiginnarpas, inuup nammineq atugarissaarnera imaluunniit allat atugarissaarnerat navianartorsiortinneqarnersoq, oqartussaasoq naliliisussaavoq.

Imm. 2-mut

Imm. 2-mi aalajangersagaq siunnersuutigineqartoq nutaajuvoq aammalu imm. 1-imu aalajangersakkamut siunnersuutigineqartumut tapertaliunneqassalluni. Inuup pisariaqartitai naammassisinnaaniarlugit inuup innarluutillip nammineq angerlarsimaffimmini naammattumik tapersorsorneqarnissaa ajornarpas imm. 2-mi aalajangersarneqarpoq, inuk tulluartumik najugaqarfissatut neqeroorummi tapersiivigineqarsinnaatitaasoq. Oqaatsimi najugaqarfissatut neqeroorummi innersuunneqarput Inatsisartut inatsisaanni kapitali 9-mi §§ 46, 47, 48, 49

aamma 50 malillugit najugaqaqatigiiffiit, najugaqarfiiit illersugaasut aamma ulloq unnuarlu neqeroorutit. Najugaqarfissatut neqeroorummi, Inatsisartut inatsisaanni tapersiinissamut siunertaasut eqqarsaatigalugit, inuup innarluutillip immikkullarissumik pisariaqartitsinera naammassineqassaaq. Taamaattumik inuup innarluutillip kommunip avataani najugaqarfissatut neqeroorummiinnissa pisariaqarsinnaavoq. Aalajangersakkap aamma malitsigaa, inuk innarluutilik najugaqarfissatut neqeroorummi, inunnik innarluutilinnik sullitaqartumi, aammalu assersuutigalugu utoqqaat illuanniinngitsoq, sapinngisaq malillugu neqeroorfingineqassasoq.

§ 5-imut

Aalajangersagaq inuit annertuumik innarluutillit ikiorserneqartarerat pillugu Inatsisartut peqqussutaanni atuuttumi § 1, imm. 2-mik ingerlatitseqqinneruvoq.

Tamatuma kingunerisaanik illuutit tamanit ornigarneqartartut tamarmik sapinngisamik inunnut innarluutilinnit atoruminartunngortinneqassapput, matumani inissialiortiternerit aamma ilanngullugit.

Nutaanik illuliortiternernut tunngatillugu siunnersuutip kingunerisaanik illuliornermut maleruagassat il.il. naleqqussarneqassapput, taamaalluni tamanit orninneqarsinnaasuni illuliornernut akuersisummik tunniussinnginnermi, illuliassaq inunnit innarluutilinnit atorneqarsinnaanngorlugu aaqqissuunneqarsinnaanersoq pillugu isummertoqassalluni.

Tamanna aamma assartuussissutinut tamanit atorneqartartunut atuutissaaq.

§ 6-imut

Imm. 1-imut

Imm. 1-mi aalajangersakkatut siunnersuut Inatsisartut inatsisaat malillugu siunnersorneqarnissamut, ilitsorsorneqarnissamut, tapersiivigineqarnissamut il.il. sullinniakkat nassuarneqarneranik imaqrpoq. Inatsisartut inatsisaat malillugu ikiorserneqartussatut sullinniarneqartut annertuumik innarluutillit ikiorserneqartarerat pillugu Inatsisartut peqqussutaannut sanilliullugu annertusitinneqassasut siunnersuutigineqarpoq, taamaalluni ukiussarititaasunut killiliussisoqarunnarluni. Inuit innarluutillit utoqqalinersiaqarneq pillugu Inatsisartut inatsisaat malillugu utoqqalinersiaqalernissamut ukiunut killiliussaq sinnerlugu utoqqaassusillit, tamatuma kingorna aamma Inatsisartut inatsisaat manna malillugu ikiorserneqarnissamut pisinnaatitaassapput.

Imm. 2-mut

Inatsisartut inatsisaanni sullinniarneqartut tassaapput inuit innarluutillit. Tamanna ima paasineqassaaq inuit ataavartumik timikkut, tarnikkut, eqqarsartaatsikkut imaluunniit malussarissutsikkut pisinnaasakillisimasut, aporfiillu assigiinngitsut sunnivigeqatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut. Sullinniakkat

killissalorsorneqarnerat Inuit Innarluutillit pisinnaatitaaffii pillugit Naalagaaffiit Peqatigijit isumaqatigiissutaanni artekili 1-imni allassimasut assigaat. Taamaalilluni aalajangersakkap atuunnerani inuup innarluuttaa avatangiisini akimmiffiit nalaanneranni pilertarpoq. Tamanna peqatigisaanik isumaqarpooq, innarluuteqarnermik paasinnittariaaseq allanngorartusoq aammalu inuiaqatigiinni ineriarneq ilutigalugu allanngoriartortussaasoq.

Inuup ulluinnarni inuunermini periarfissaasa isigineqarneranni, allanut sanilliullugu inuup pisinnaasai annikillisimanersut - pisinnaasakillisimanersoq - inatsisartut inatsisaanni sullinniarneqartut killissalorsorneqarneranni taamaalilluni ukkatarineqassaaq, matuman iuiaqatigiinni inooqataaneq ilanngullugu.

Innarluuteqarneq timikkut, tarnikkut, eqqarsartaatsikkut imaluunniit malussarissutsikkut pisinnaasakillisimanermik pissuteqarsinnaavoq. Timikkut innarluutinut ilaatigut taakkuupput qamutinik kaassuartakkanik atuisut, inuit pitsorluttut aamma inuit avatiminnik ataatsimik arlalinnilluunniit amigaatillit. Tarnikkut pisinnaasakillisimaneq assersuutigalugu sivisumik uteqattaartumillu isumatsassimangaarnermik, annilaanganermik nappaateqarnermik imaluunniit skizofreniimik nappaateqarnermik pissuteqarsinnaavoq. Eqqarsartaatsikkut pisinnaasakillisimanermut assersuutissaapput inuit ineriarnermikkut akornutillit, tamatumunnga ilanngulligit Down's syndromillit. Malussarissutsikkut pisinnaasakillisimasunut assersuutitut tikkuarneqarsinnaapput tappiitsuuneq, isigiarsuttuuneq, tutsarlttuuneq, tusilarneq, tusilartuullunilu tappiitsuuneq aamma malugisaatsikkut ajornartorsiuteqarneq, assersuutigalugu qaratsakkut ajoquusersimaneq pissutigalugu malugisaatsikkut ajornartorsiuteqarneq.

Innarluutillit ikiorserneqartarnerat pillugu Inatsisartut peqqussutaat malillugu tapersiivigineqarnissamut sullinniarneqartut killissalorsorneqarnerannut atuuttumut sanilliullugu § 6, imm. 2-mi aalajangersagaq siunnersuutigineqartoq annertusititsinermik malitseqassaaq. Killissalersuinermi siunnersuutigineqartumi inuit innarluutillit, peqqussut atuuttoq naapertorlugu annertuumik innarluuteqartutut isigineqanngitsut, tapersiivigineqarnissamut siunnerfigineqartuni pineqartunut ilaaliissapput. Tamanna isumaqanngilaq taakkua Inatsisartut inatsisaat malillugu tapersiivigineqarnissamut ataatsimut isigalugu pisinnaatitaalissasut, tassami tapersiineq inuup tapersiivigineqarnissamut pisariaqartitsineranik, aammalu inatsisartut inatsisaat malillugu tapersiinikkut ikorsiivigineqarsinnaasumik inuk pisinnaasakillisimanersoq, piviusumik inummullu tunngasutigut nalilersuineq tunngavigalugu pisartussaammat. Siunnersuinermut ilitsersuinermullu tunngatillugu, inuit innarluutillit tamarmik tamatumunnga pisinnaatitaassasut siunnersuutigineqarpooq. Sullinniarneqartut amerlineqarnissaannut siunnersuut aqqutigalugu Inuit Innarluutillit pisinnaatitaaffii pillugit Naalagaaffiit Peqatigijit isumaqatigiissutaannut naapertuuttumik inatsisitigut inissisimalersitsisoqarpooq.

Imm. 3-mut.

Imm. 1-imi Kalaallit Nunaanni najugaqartuunissamik piumasaqaat
socioqunneqarsinnaassasoq, imm. 3-mi aalajangersagaq naapertorlugu
siunnersuutigineqarpoq.

Imm. 1 naapertorlugu Kalaallit Nunaanni najugaqarnissamik piumasaqaat
socioqunneqassappat, piumasaqaatit uku naammassisariaqarput:

- 1) Pineqartoq tassaassaaq inuk innarluutilik.
- 2) Inuk Kalaallit Nunaata avataanut inissinneqarsimassaaq.
- 3) Kalaallit Nunaata avataanut inissiinissaq Kalaallit Nunaanni kommunalbestyrelsimit
aalajangiunneqarsimassaaq.

Aalajangersakkami qulakkeerneqarpoq §§ 49-50-imi Kalaallit Nunaata avataani ulloq unnuarlu
neqeroorumiinnej pillugu aalajangersagaq, aamma innarluuteqarnertik pissutigalugu
tamatumalu malitsigisaanik tapersiivigineqarnissamik pisariaqartitsisut Kalaallit Nunaata
avataaniinnissamik neqeroorfigineqartunut aamma atutissasoq. Aammattaaq najoqqutassat §
56, imm. 3, aamma § 57, imm. 3 malillugit tikeraarluni angalasarneq pillugu
aalajangersarneqartut, taakkununnga aamma atutissasut aalajangersakkami
qulakkeerneqarpoq. Aalajangersagaq inatsisinik atuuttunik ingerlatitseqqinneruvoq.

§ 7-imut

Imm. 1-imut

Aalajangersakkami nutaajusumi, innarluuteqarneq pissutigalugu inatsisartut inatsisaat manna
malillugu tapersiivigineqarnissamik aammalu Meeqqat tapersorsorneqarnissaannut Inatsisartut
inatsisaat malillugu tapersiivigineqarnissamik pisariaqartitsisunut, tamakkiisumik
isiginnittumik, ataqtigiiisagaasumik naammattumillu meeqqanut tapersiinissap
qulakkeerneqarnissaa siunertaavoq. Taamaalilluni pingaarnertut meeqqanut innarluutilinnut,
ilutigisaanillu inooqatigiinnermi ajornartorsiuteqarnermik misigaqartartunut aalajangersagaq
pingaaruteqarpoq.

Meeqqat Inatsisartut inatsisaat manna aamma Meeqqat tapersorsorneqarnissaannut Inatsisartut
inatsisaat malillugit tapersiivigineqarnissamut sullinniarneqartut imm. 1-imi
aalajangersarneqarpoq, taamaalillutik Inatsisartut inatsisai marluusut tamaasa malillugit
pisariaqartunik tapersiivigineqartassallutik. Tamatuma pinissaa communalbestyrelsip
akisussaaffigaa. Aammattaaq tapersiinerup ataqtigiiisagaanissaa communalbestyrelsip
akisussaaffigaa. Taamaalilluni meeqqap Meeqqat tapersorsorneqarnissaannut Inatsisartut
inatsisaat malillugu tapersiivigineqarnissaa, aammalu tapersiissutaasup meeqqap
pisariaqartitaasa naammassinissaannut naammattumik annertussuseqarnissaa,
communalbestyrelsip qulakkeersimanngippagu, meeqqap pisariaqartitai Meeqqat
tapersorsorneqarnissaannut Inatsisartut inatsisaat malillugu naammassineqassasut
innersuussutigalugu, Inatsisartut inatsisaat manna malillugu tapersiinissaq
communalbestyrelsip itigartitsissutigisinnaanngila. Meeqqap Meeqqat
tapersorsorneqarnissaannut Inatsisartut inatsisaat malillugu tapersiivigineqarnissamut

pisariaqartitsinera, meeqqap innarluuteqarnera pissutigalugu annertunerulersimasinnaasoq, kommunalbestyrelsimit eqqumaffigineqarnissaa tassunga tunngatillugu pingaaruteqarpoq.

Inatsisartut inatsisaat manna aamma Meeqqat tapersorsorneqarnissaannut Inatsisartut inatsisaat malillugu meeqqanut tapersiivigineqarnissamik pisariaqartitsisunut tunngatillugu, pisut ilaanni tapersiivigineqarnissamut pisariaqartitsinerup inatsisit suut ataanniisaneranik ersarissumik immikkoortitsiniarneq ajornarsinnaavoq. Taamatut pisoqartillugu, tapersiivigineqarnissamik pisariaqartitsineq Inatsisartut inatsisaat alla malillugu ikorsiivigineqassasoq innersuussutigalugu, kommunalbestyrelsip tapersiinissaq itigartinngisaannassavaa. Akerlianik tunaartarineqartussat tassaassapput, suut meeqqamut pitsaanerpaanersut aamma qanoq iliorluni meeqqap pisariaqartitaanik piviusunngortitsisumik meeqqamillu pitsaanerpaamik ikorsiisumik tapersiisoqarsinnaanersoq.

Imm. 2-mut

Imm. 2-mi aalajangersakkami siunnersuutigineqartumi, Inatsisartut inatsisaat manna malillugu tapersiinerup aammalu, Meeqqat tapersorsorneqarnissaannut Inatsisartut inatsisaat malillugu imaluunniit inatsisit allat malillugit meeqqamut taassumalu ilaquaanut imaluunniit isumassuisuinut allanut suliniuteqarnerup aallartinneqartup, imminnut attaqatigiinnissaasa ataqatigiissaarnissaannut qulakkeernissaannullu kommunalbestyrelse pisussaaffeqarpoq. Kommunip ingerlatsiviisa assigiinngitsut akornanni iluminni ataqatigiissaarisoqarnissaas suleqatigiittoqarnissaalu aalajangersakkami piumasaqaatigineqarpoq. Kommunalbestyrelse piviusumik ataqatigiissumik suliniuteqarnermk qanoq qulakkeerinnittassanersoq, aalajangersakkami aalajangerneqanngilaq. Inatsisartut inatsisaat marluusut tamaasa malillugit meeqqanut tapersiinissaq pillugu sullisisunit aalajangersimasunit suliassat suliarineqartarnerinik kommunalbestyrelsip ataatsimoortitsineratigut imaluunniit ingerlatsivinni assigiinngitsuni sullisisut akornanni aalajangersimasunik suleqatigiiffeqalersitsinikkut ataqatigiissaarisartoqartisilernikkut tamanna assersuutigalugu pisinnaavoq. Kommunalbestyrelsit kaammattorneqarput tapersiinissamut perarfissaminnik, taakkuninngalu ineriartortitsinerminnik naleqquttumik annertussusilimmik ataqatigiissaarissasut.

§ 8-mut

Imm. 1-imut

Inunnut innarluutilinnut Inatsisartut inatsisaat malillugu pisariaqartunik tapersiinissamut perarfissaqassasoq, taamaattoq tak. § 9 ulloq unnuarlu neqeroorutinut tunngasoq, aammalu inuit innarluutillit pisariaqartumik tapersiivigineqartassasut kommunalbestyrelsip isumagissagaa imm. 1-imi siunnersuutigineqarpoq. Aallaaviatigut kommunalbestyrelse tassaassasoq Inatsisartut inatsisaat malillugu tapersiissutissatut perarfissanut pilersuinissamik akisussaasuussasoq aalajangersakkami aalajangersarneqarpoq.

Kommunalbestyrelsip tapersiinissamut perarfissanik, assersuutigalugu najugaqarfissatut neqeroorutinut tunngatillugu, kommuninit allanit pilersinneqarsimasunik ingerlanneqartunillu

atuiulluni pilersuisussaatitaanini naammassisinnaavaa. Tamanna pingaartumik najugaqaqtigiffinnut aamma najugaqarfinnut illersugaasunut tunngatillugu naleqqutissaaq, tassani taamaalilluni annertunerusumik ataatsimik ukkataqarluni aammalu piukkunnaateqarnerusumik sullinniakkani ikinnerusuni innuttaasunut piukkunnaateqarnerusumik tapersiinissaq qulakkeerneqarsinnaalluni.

Inuup tamanna pisariaqartippagu, Inatsisartut inatsisaat manna naapertorlugu taperserneqarnissaata qulakkeerneqarnissa kommunalbestyrelsip inissiisup akisussaaffigimmagu aalajangersakkap nassataraa. Kommunalbestyrelsip pisussaaffik tamanna piviusunngortissinnaavaa ilaatigut makku aqqutigalugit:

- 1) Inatsisartut inatsisaata sullinniagaanik kommunimi tapersiinissamut periarfissat pillugit innuttaasunut nalinginnaasumik paasitsitsiniaaneq,
- 2) tamanna naapertuuttutut isigineqarpat, Inatsisartut inatsisaanni kapitali 6 naapertorlugu siunnersuinermut ilitsersuinermallu atatillugu, tapersiinissamut periarfissat allat pillugit ilisimatitsineq, aamma
- 3) kommunalbestyrelsip inatsisit allat naapertorlugit siunnersuineranut ilitsersuineranullu imaluunniit tapersiineranut atatillugu Inatsisartut inatsisaat naapertorlugu tapersiinissamut periarfissanik ilanngutsitsineq.

Aalajangersagaq siunnersuutigineqartoq ataatsimut isigalugu inatsisinik atuuttunik ingerlatitseqqinneruvoq.

Imm. 2-mut

Imm. 2-mi aalajangersagassatut siunnersuut annertuumik innarluutililit ikiorserneqartarnerat pillugu nalunaarummi § 40, imm. 1-imik ingerlatitseqqinneruvoq, kommunini ataasiakkaani najugaqaqtigiffiit najugaqarfiillu illersugaasut amerlassutsimikkut naammattut pigineqarnerisa qularnaarnissaannut kommunalbestyrelsik pisussaaffiliisoq. Aalajangersakkut inatsisitigut inissisimanermik allanngortinnissaq siunertaanngilaq.

§ 9 -mut

Imm. 1-imut

Inunnut innarluutilinnut ulloq unnuarlu neqeroorutini inissat naammattut isumaginissaannut Naalakkersuisut pisussaaffilerneqassasut, aalajangersakkut siunnersuutigineqarpoq.

Imm. 2-mut

Inunnut innarluutilinnut, § 48 naapertorlugu ulloq unnuarlu neqeroorutini najugaqartunut, sannaviit illersugaasut, illersugaasumik suliffeqartitsinissamik, sammisaqartitsinissamik, katerisimaqaqartitsisarnissanillu neqerooruteqartassasasut Naalakkersuisut pisussaaffigissagaat imm. 2 aqqutigalugu siunnersuutigineqarpoq. Naalakkersuisut ulloq unnuarlu neqeroorutinut akisussaanerat eqqarsaatigalugu siunertamut naapertuuttutut isigineqarpoq, Naalakkersuisut aammattaaq suliffiit illersugaasut, kiisalu

sammisaqartitsinissamik, katerisimaaqateqartitsisarnissanillu neqeroorutit
neqeroorutiginissaannut pisussaaffeqarnissaat.

Imm. 3-mut

Aalajangersakkap suliffeqartitsinissamik, sammisaqartitsinissamik,
katerisimaaqateqartitsisarnissanillu neqeroorutit pillugit nalunaarutit ilusilerlugu
malittarisassanik aalajangersaanissaannut Naalakkersuisut pisussaaffilerpai.

§ 10-mut

Imm. 1-imut

Aalajangersakkami imm. 1-imi siunnersuutigineqarpoq Naalakkersuisut qitiusumik Inissiinissamut innersuussisarfik (Qitiusumik Inissiinissamut innersuussisarfik) pilersitsinissamut ingerlatsinissamullu pisussaaffilerneqassasut. Qitiusumik Inissiinissamut innersuussisarfeqarnissamut isuma tunuliaquataasoq tassaavoq, § 18 malillugu ulloq unnuarlu neqeroorutini Naalakkersuisunit pilersinneqartuni, ulloq unnuarlu neqeroorutinut suliassaqarfimmi nukissat pitsaanerpaamik atorluarneqarnissaasa qulakkeerneqarnissaasa, kiisalu innuttaasup aamma ulloq unnuarlu neqeroorutip akornanni imminnut naapertuuttuunissaasa qulakkeernissa.

Imm. 2-mut.

Inissiinissamut qitiusumi innersuussisarfimmik aaqqissuussineq pillugu malittarisassanik aalajangersaanissaannut aalajangersakkap Naalakkersuisut pisussaaffilerpai, matumanit ulloq unnuarlu neqeroorutinut aamma Inunnut innarluutilinnut Sullissivik Nunamut Tamarmut Atuuttumut innersuussisarnerit ilanggullugit.

§ 11-mut

Imm. 1-imut

Kommunalbestyrelsinut kiisalu inuit innarluutillit taakkualu qanigisaanut, ilaatigut siunnersuinermik, ilitsersuinermik aamma inunnut innarluutilinnut piginnaanngorsarnissaannut piginnaanngorsaqqinnissaannullu suliassaqarfinni arlalinni erseqqinnerusumik aalajangersagaasuni, sullisisussatut suliaqartussamik Naalakkersuisut Inunnut innarluutilinnut Sullissivimmik Nunamut Tamarmut Atuuttumik ingerlatsissasut imm. 1-imi aalajangersarneqarpoq.

Imm. 1-imi Inunnut innarluutilinnut Sullissiviup Nunamut Tamarmut Atuuttup atuuffit arallit isumagisassatut pisussaaffigisai allattorneqarput.

Nr. 1-imut

Imm. 1, nr. 1 malillugu, inuit innarluutillit taakkualu qanigisaat Inunnut innarluutilinnut Sullissivimmuk Nunamut Tamarmut Atuuttumut siunnersorneqarnissamik

ilitsersorneqarnissamillu ujartuisinnaapput. Aalajangersagaq manna malillugu siunnersuinermi ilitsersuinermilu, ilaatigut inatsisip massuma paasineqarnissaa imaluunniit atorneqarnissaa pillugu saaffiginnissutit pineqartunut ilaasinnaapput.

Tassunga atatillugu kommunalbestyrelsip tapersersuinissaq pillugu aalajangiineranut Inunnut innarluutilinnut Sullissivik Nunamut Tamarmut Atuuttoq naammagittaalliorssinnaanermut periarfissaq pillugu aamma siunnersuisinnaavoq.

Inuk innarluutilik taassumaluunniit qanigisai Inuit Innarluutillit illersuisuat pillugu Inatsisartut inatsisaat naapertorlugu Inuit Innarluutillit illersuisuannut pisinnaatitaaffit naammagittaalliorssinnaanermullu periarfissat pillugit ilitsersorneqarnissamik ujartuisinnaapput, taamatullu aalajangiinermut naammagittaalliornissamut ikiorneqarnissamik nalinginnaasumik periarfissaqarneq tamanna pillugu Inunnut innarluutilinnut Sullissivik Nunamut Tamarmut Atuuttup siunnersuisoqarsimaneranik unitsinneqassanngilaq. Akuttunngitsumik Inunnut innarluutilinnut Sullissivik Nunamut Tamarmut Atuuttoq oqaloqatigiinnikkut katsorsaasarernut kiisalu inuuniarnikkut atugarisanut peqqissutsimullu sulianut annerusumik paasisaqarnerulersussaassaaq, taamaammallu aalajangersagaq aalajangiinermut naammagittaalliornissaq pillugu siunnersorneqarnissap periarfissaaneranik imaqarluni, tamannalu Inuut Innarluutillit illersuisuat pillugu Inatsisartut inatsisaanni nalinginnaasumik periarfissanut ilanngunneqarpoq.

Nr. 2-mut

Siunnersuineq ilitsersuinerlu Inunnut innarluutilinnut Sullissivik Nunamut Tamarmut Atuuttup kommunalbestyrelsimit imm. 1, nr. 2, malillugu sullississutigisinnaasaa, assersuutigalugu Inatsisartut inatsisaanni matumanit aalajangersakkat nassuiardeqarnerannut imaluunniit atuuffissaannut tunngassuteqarsinnaavoq.

Nr. 3-mut

Inunnut innarluutilinnut Sullissivik Nunamut Tamarmut Atuuttoq inunnut innarluutilinnut pisariaqartitsisunut piginnaanngorsarneqarnermik piginnaanngorsarneqaqqinnermillu neqerooruteqassaaq. Piginnaanngorsaaneq tassaavoq inunnut inunnguuseralugu innarluuteqartumut imaluunniit inuunermi siusissukkut ajoquersimanerup kinguneranik innarluuteqartumut suliniutigineqartoq, piginnaanngorsaqqinnerlu tassaalluni inunnut ajoqueteqalersimasunut suliniut. Piginnaanngorsaaneq taamaammat pikkorissutsimik nutaamik ilinniarnermik tunngassuteqarpoq, piginnaanngorsaqqinneqarnerli pikkoriffinnik pigereenikuusimasanik kingumut ilinniaqqinnerulluni.

Neqeroorutit ataasiakkaatigut aalajangersimasumik nalilersuineq malillugu neqeroorutigineqassapput aammalu timikkut imaluunniit tarnikkut pisinnaasat annikillisimanerisa malittai annertuut ikorsiiviginissaannut iluaqutaassallutik. Timikkut imaluunniit tarnikkut pikkoriffiit piginnaanngorsarneqarnissaat piginnaanngorsaqqinneqarnissaalluunniit siunertalarugu aammalu ulluinnarni sapinngisamik

pitsaasumik pisinnaasaqalernissaq anguniarlugu inuit ataasiakkaarlutik sungiusarnissamik imaluunniit sungiusarteqqinnejarnissamik pisariaqartitsisut neqeroorfigineqassapput.

Nr. 4-mut

Nr. 1-2 aamma nr. 5 naapertorlugit Inunnut innarluutilinnut Sullissivik Nunamut Tamarmut Atuuttoq innarluuteqarneq aammalu inunnut innarluutilinnut tapersiisarneq pillugu, kiisalu inunnut innarluutilinnut tunngasut pillugit ilisimasanut nalinginnaasunut ilisimasaqarfittut atuutissaaq, ilaatigut sullissiviup siunnersuinermik atuartitsinermillu atuuffeqarnissaata tunngavissinnissaa siunertaralugu.

Nr. 5-imut

Inunnut innarluutilinnut Sullissivik Nunamut Tamarmut Atuuttoq inuit innarluutillit taakkualu qanigisaasa ikiorserneqarnissaat siunertaralugu, inuup innarluuteqarnerata malitsigisaanik aporfitt anigorniarnissaannut, aammalu sapinngisamik inuit innarluutillit inuiaqatigiinni naligiimmik periarfissaqarnissaat, kiisalu innarluuteqarneq pissutigalugu assigiinngisitsinermik pineqarsinnaanerup akerlilerneqarnissaanut, tassuuna sapinngisamik tamatigut sunniuteqarluartumillu inuiaqatigiinni peqataatinneqarnissaat ilanngunneqarnissaallu qulakteerniarlugu, pikkorissaanernik neqerooruteqassaaq. Pikkorissaanerit ilaatigut tapersiissutitut iliuusissat atorneqarnissaannut tunngassuteqarsinnaapput, imaluunniit innarluuteqarneq pillugu nalinginnaasumik paasinninnissamut tunngassuteqarsinnaallutik. Tamatuma saniatigut Inunnut Innarluutilinnut Sullissivik Nunamut Tamarmut Atuuttoq kommunini sulisunik ilinniartitsilluni pikkorissaasinjaavoq.

Nr. 6-imut

Inunnut innarluutilinnut Sullissiviup Nunamut Tamarmut Atuuttup kommunit ilisimasanik imaluunniit ilinniarsimasunik isumalluutinik, qulaajaanerup ingerlannissaanut pisariaqartunik peqarsimanngippata, immikkut pisuni, kommune qulaajaanerup ingerlannissaanut ikiorsinnaavaa. Suliatut immikkut pisariusutut suut isigineqarnersut, kommunimi pineqartumi isumalluutaasut aallaavigalugit nalilersorneqassamat oqaatigineqassaaq.

Nr. 7-imut

§ 61, imm. 4 naapertorlugu ulloq unnuarlu neqeroorut inuup innarluutillip ulloq unnuarlu neqeroorummiinnerata unitsinnejarnissaa pillugu communalbestyrelsip aalajangiinera akerlilerlugu oqaaseqaateqarpat, Inunnut innarluutilinnut Sullissivik Nunamut Tamarmut Atuuttoq pissutsinik nalilersuilluni oqaaseqaateqassaaq.

Inunnut innarluutilinnut Sullissivimmit Nunamut Tamarmut Atuuttumit oqaaseqaat communalbestyrelsimit pisussaaffiliinngilaq. Ulloq unnuarlu neqeroorut ulloq unnuarlu neqeroorummiinneq unitsinnejartariaqanngitsoq isumaqarpat, taamaallaat communalbestyrelse sullissivimmit oqaaseqaammik piniarnissamik pisussaaffeqarpoq. Taamaalilluni sullissiviup oqaaseqaataa apeqqutaatinngagu, angerlartitsinissaq pillugu

kommunalbestyrelse aalajangiisinnaavoq. Kommunalbestyrelsip aalajangiinera naammagittaalliuutigineqassappat, sullissiviup oqaaseqaataa pingaaruteqartutut ilaatinneqartariaqarpoq.

Imm. 2-mut

Imm. 2 Naalakkersuisut Inunnut innarluutilinnut Sullissivimmik Nunamut Tamarmut Atuuttumik communalbestyrelsip atuinerminik akiliisarnissaanut maleruagassanik aalajangersaasinnaaneranut imaqarpoq. Aallaaviusorli tassaavoq inatsisip atuutilerneranit sullissivimmik atuisunik akiliisitsisoqartassangnitsoq, tak. nalinginnaasumik nassuaatini imm. 2.4.

§ 12-imut

Imm. 1-imut.

Inunnut innarluutilinnut Sullissiviup Nunamut Tamarmut Atuuttup sulami aalajangersimasumi communalbestyrelsimit siunnersuineranut ilaatillugu, inuk pillugu paasissutissat, matumanit inuk pillugu paasissutissat mianernartut, suliap suliarineqarneranit pingaaruteqarpata, communalbestyrelsip Inunnut innarluutilinnut Sullissiviup Nunamut Tamarmut Atuuttumut ingerlateqqissinnaagai imm. 1-imi aalajangersarneqarpoq. Tamanna siunnersuineq pillugu suliani taamatullu piginnaanngorsarneq piginnaanngorsaqinnerluunniit pillugu suliani naleqqussinnaavoq. Paasissutissat suliamut pingaaruteqartut kisimik ingerlateqqinneqarsinnaapput.

Imm. 2-mut

Inuk pillugu paasissutissanik ingerlatitseqqiinermi, pingartumik inuk pillugu paasissutissat mianernartut ilanngullugit, aallaaviatigut inummit innarluutilimmit, taassuma angajoqqaatut sinniisuanit imaluunniit angajoqqaatut akisussaasuinit akuersisummik pinissaq pisariaqartoq imm. 2-mi erseqqissarneqarpoq. Inatsisartut inatsisaat massuma inuk pillugu paasissutissat suliarineqartarneranit inatsisip Kalaallit Nunaannut atuutsinnejalernissaa pillugu peqqussummi §§ 6-imi aamma 7-imi inuk pillugu paasissutissat suliarineqartarneranit maleruagassani pineqartunut ilaanera aalajangersakkami erseqqissarneqarpoq.

Imm. 3-mut

Imm. 2 malillugu akuersinissaq pillugu piumasaqaateqarnermut ilanngunneqanngitsoq imm. 3-mi aalajangersarneqarpoq.

§ 13-imut

Najugaqaqtigiiffik najugaqarfissatut neqeroorutitut ingerlatiinnarneqassasoq § 13-imi siunnersuutigineqarpoq. Najugaqaqtigiiffik toqqisisimanartumik atugaqarluni nammineq inigisatut neqeroorutaassaaq, tassani inuit nammineq inigisaminni najugaqassagaluarunik annertuallaamik tapersiivigineqarnissamik pisariaqartitsisut, tapersorsorneqarsinnaassallutik.

Imm. 1-imut

Kommunalbestyrelsip najugaqaqatigiiffinnik pilersitsinissamut pisinnaatitaanera ingerlateqqinneqassasoq imm. 1-imi siunnersuutigineqarpoq. Kommunalbestyrelse najugaqaqatigiiffinnik ingerlatsisuuusoq aammalu najugaqaqatigiiffiup atorunnaarsinneqarnissaa pillugu aalajangiisinnaasoq aalajangersakkami erseqqissarneqarpoq.

Aammattaaq najugaqaqatigiiffik ulluunerani najugaqartunut tapersersuinissamik neqerooruteqassasoq aalajangersakkami erseqqissarneqarpoq. Tapersersuineq tassaasinnaavoq:

- 1) timikkut naleqquttumik ikiuineq, matumani eqqiaaneq, atisanik errorsineq, nerisassiorneq aamma uffarneq ilanggullugit,
- 2) ilitsersuineq, matumani ullup ingerlanissaata pilersaarusiornera pillugu ilitsersuineq, soorlu nerisassiornermi atugassanik pisiniarneq, nakorsiarnissamut piffissanik inniminniineq, il.il. aamma
- 3) ulluinnarni suliassanik naammassinnissinnaalernissaq siunertaralugu pisinnaasanik ineriartortitsinermik ikorsiineq.

Qulaani taagorneqartut tamakkiisuunngillat.

Tapersiinerup siunertaraa inuk innarluutilik imminut ikiorsinnaalernissaq siunertaralugu ikorsiinissaq, inuk nammineq piumasaqaatini aallaavigalugit inuulersinnaaqquillugu. Inuup tarnikkut, timikkut aamma inuit akunnerminni pissusiinut tunngatillugu pisinnaasaminik ingerlatsiinnarsinnaanera imaluunniit pitsannguisinnaanera siunertaavoq. Pisut ilaanni inuup pisinnaasaasa ineriartortinneqarnissaat ukkatarineqartassaaq, pisunilu allani inuup kinaassutsiminik misigisaqalernissa taassuminngalu attassinissaa aamma nammineq iliuuseqarnerulluni inuunerminik ingerlatsisinnaanera ukkatarineqartassaaq.
Tamatigut inuup maanna inuunermini pissutsit atugai apeqquataillugit ikiuinerup siunertarivaa.

Imm. 2-mut

Imm. 2-mi aalajangersagaq siunnersuutigineqartoq, inuit annertuumik innarluutillit ikiorserneqartarnerat pillugu nalunaarummi § 40, imm. 2-mik ingerlatitseqqiineruvoq. Aalajangersakkami inatsisini inissisimanerup allanngortinneqarnissaa siunertarineqanngilaq.

Aalajangersagaq pisuni communalbestyrelsip najugaqaqatigiiffinni inissanik naammattunik pilersitsisimannginnerani atorneqarsinnaavoq. Naalakkersuisulli communalbestyrelsip najugaqaqatigiiffisanik allanik pilersitsinissaa pillugu pisussaaffiliinnginnerani communalbestyrelsip pineqartup aamma Naalakkersuisuisut akornanni oqaloqatigitoqareersimanissaa naatsorsuutigineqarpoq.

Imm. 3-mut

Naalakkersuisut najugaqaqatigiiffiit pillugit malittarisassanik aalajangersaanissaannik pisussaaffilerneqassasut imm. 3-mi siunnersuutigineqarpoq, matumani aaqqissugaanera, pisortaqarnera kiisalu najugaqaqatigiiffimmi sulisunut pisortanullu pineqaatissinneqarsimannnginnermik upternarsaammik aamma meeqqanik pinerliisimannginnermut upternarsaammik piumasaqaateqartarneq ilanngullugit.

§ 14-imut

Najugaqarfiit illersugaasut neqeroorutitut ingerlatiinnarneqassasut § 14-imi siunnersuutigineqarpoq. Najugaqarfiit illersugaasut toqqisisimasumik atugaqarluni nammineq inigisatut neqeroorutaassapput, tassani inuit ulloq unnuarlu tamaat tapersorsorneqarnissamik pisariaqartitsisutut nalilerneqarsimasut tapersorsorneqarsinnaassallutik.

Imm. 1-imut

Kommunalbestyrelsip najugaqarfinnik illersugaasunik pilersitsinissamut pisinnaatitaanera ingerlatiinnarneqassasoq imm. 1-imi siunnersuutigineqarpoq. Taamatuttaaq communalbestyrelse najugaqarfinnik illersugaasunik ingerlatsisuussasoq, aammalu najugaqarfiup illersugaasup atorunnaarsinneqarnissaa pillugu aalajangiisinhaassasoq, aalajangersakkami erseqqissarneqassasoq siunnersuutigineqarpoq.

Imm. 2-mut

Imm. 2-mi aalajangersagaq siunnersuutigineqartoq inuit annertuumik innarluutillit ikiorserneqartarerat pillugu nalunaarummi § 43, imm. 2-mik ingerlatitseqqiineruvoq. Aalajangersakkami inatsisini inissisimanerup allanngortinnejarnissaa siunertarineqanngilaq.

Aalajangersagaq pisuni communalbestyrelsip najugaqarfinni illersugaasuni inissanik naammattunik pilersitsisimannginnerani atorneqarsinnaavoq. Naalakkersuisulli communalbestyrelsip najugaqarfinnik illersugaasunik allanik pilersitsinissaa pillugu pisussaaffiliinnginnerani communalbestyrelsip pineqartup aamma Naalakkersuisuisut akornanni oqaloqatigiittoqareersimanissaa naatsorsuutigineqarpoq.

Imm. 3-mut

Naalakkersuisut najugaqarfiit illersugaasut pillugit malittarisassanik aalajangersaanissaannik pisussaaffilerneqassasut imm. 3-mi siunnersuutigineqarpoq, matumani aaqqissugaanera, pisortaqarnera taakkualu ilinniagaqarsimanissaat, sulisut katitigaanererat kiisalu najugaqarfnni illersugaasuni sulisunut pisortanullu pineqaatissinneqarsimannnginnermik upternarsaammik aamma meeqqanik pinerliisimannginnermut upternarsaammik piumasaqaateqartarneq ilanngullugit.

§ 15-imut

§ 13 naapertorlugu najugaqaqatigiiffinnut aamma § 14 naapertorlugu najugaqarfinni illersugaasunut, kommunalbestyrelsinit pilersinneqarsimasunut ingerlanneqartunullu pitsaassutsit pitsaassusissaat qanoq ittut atorneqassanersut pillugit, malittarisassanik aalajangersaanissaannik Naalakkersuisut pisussaaffilerneqassasut aalajangersakkami uani inatsisikkut tunngavilerneqarpoq.

Kommunalbestyrelsit najugaqaqatigiiffinnik aamma najugaqarfinnik illersugaasunik pilersitsigaangamik ingerlatsigaangamillu piumasaqaatit pitsaassutsillu qanoq ittut pillugit malittarisassanik erseqqarissunik naammassisqaarnissaat pillugu aalajangersasoqarnissaa pitsaassutsinut malitassat siunertaraat. Tamatuma saniatigut sullissinerup qaffasissuseqarnera qanoq ittoq innuttaasut naatsorsuutigisinnaaneraat pitsaassutsinut malitassat ersersissavaat paasinarnerulersillugillu.

Pitsaassutsinut malitassat ilaatigut ataani taaneqartunut aalajangersakkap atorneqarnissaa naatsorsuutigineqarpoq:

- 1) Najugaqarfissatut neqeroorutip illuutaanut
- 2) Najugaqarfissatut neqeroorutip sulisuisa pisinnaasaannut
- 3) Najugaqarfissatut neqeroorutip sullitanik pineqartunik sullissinermini periaatsinik aalajangersaanissaani, matumani ilanggullugit:
 - a) najugaqartut ilinniagaqarnissaannut, suliffeqarnermut, sammisaqarnermut periarfissaannut, kiisalu
 - b) najugaqartut sappingisamik imminnut ikiorsinnaanngornissaminnut aamma nammineersinnaassuseqarnerulernissaminnut aamma attavissarsiorsinnaanissaminnut ineriertortitsinissaminnut periarfissaannut.

§ 16-imut

Innuttaasup kommunimi allami inissinneqarnissaa pisariaqarsimatillugu, innuttaasumut innarluutilimmut kommune angerlarsimaffiusoq, innuttaasup najugaqaqatigiiffimmiiinneranut imaluunniit najugaqarfimmi illersugaasumiinneranut akiliisussaatitaasoq pillugu tunngaviusoq aalajangersakkami siunnersuutigineqartumi erseqqissarneqarpoq.

Innuttaasup innarluutilip kommunimi allami najugaqaqatigiiffimmiiinnissamik imaluunniit najugaqarfimmi illersugaasumiinnissamik neqeroorfigineqarnissaanut periarfissaq, qanittumiinnissamut tunngaviusoq eqqarsaatigalugu isigineqassaaq. Inuit innarluutilit nammineq angersimaffimminti nammineersinnaanngitsut pissutaatinneqassaaq, taamaattumillu innuttaasup nunaani sumiiffimmut sappingisamik qaninnerpaamiittumi najugaqaqatigiiffimmiiinnissamik imaluunniit najugaqarfimmi illersugaasumiinnissamik neqeroorfigineqassasut.

Aalajangersakkap kommunit najugaqatigiiffinni aamma inissiani illersugaasuni inissanik pisariaqartumik amerlassusilinnik pilersitsinissamut pilersuisussaatitaanerannik, takukkit siunnersummi § 13, imm. 2, aamma § 14, imm. 2, pisussaaffianngilai, kisianni taamaallaat kommunip angerlarsimaffigisap akiliisussaatitaanerata erseqqissarnissaa siunertarineqarpoq. Tassani pingaartumik eqqarsaatigineqarput, *immikkut ittumik pisoqartillugu* innuttaasup kommunimi allami inissinneqarnissaa pisariaqarsimatillugu, assersuutigalugu innuttaasup piffissami naleqquttumi inissinneqarnissamik neqeroorfigineqarnissaa ajornarsimappat, imaluunniit pisumi aalajangersimasumi atortunik imaluunniit immikkut ittunik ilisimasanik pisariaqartunik neqerooruteqarnissaq periarfissaqarsimanngippat.

Aalajangersagaq kommunit akunnerminni akiliisussaatitaanerinut erseqqissaatittut isigineqassaaq, tassami Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni inunnut innarluutilinnut suliassaqarfiup kommuninut tamakkiisumik 1. januaari 2011-mit tunniunneqarsimanera isiginiarneqarsimanngimmat.

Imm. 2-mut

Inuk kommunimi allami najugaqaqtigiiffimmi najugaqarfimmiluunniit illersugaasumi najugaqarnissaanik neqeroorfigineqarpat, nuunnermi aningaasartuutit matussusernissaannut kommunalbestyrelse tapersiinissamik neqerooruteqassasoq aalajangersakkami siunnersuutigineqarpoq. Inuup innarluutillip kommunimi allami najugaqaqtigiiffimmut imaluunniit najugaqarfimmut illersugaasumut atortunik imaluunniit immikkut ittunik ilisimasanik neqeroorsinnaasumik nuussinnaanissaanut qulakkeerinninnissaq aalajangersakkap siunertarivaa.

§ 17-imut

Aalajangersakkami nutaajusumi siunertaavoq kommunimi najugaqarfissatut neqeroorutini, pikkorissuseqartumik ingerlatsinerup aammalu immikkut ilisimasaqarnerup annertusitinnissaata qulakkeerneqarnissaa siunertaralugu, kommunini ataasiakkaani kommunimi suleqatigiinnissamut ataatsimiititaliamik pilersitsisoqarsinnaassasoq.

Imm. 1-imut

Imm. 1-imi kommunip najugaqaqtigiiffiinit aamma najugaqarfifiinit illersugaasunit tamanit imaluunniit aalajangersimasunit, sinniisunik communalbestyrelsit suleqatigiinnissamut ataatsimiititaliamik pilersitsisinnaanerat inatsimmi tunngavissalerneqarpoq. Aammalu najugaqaqtigiiffinni aamma najugaqarfinni illersugaasuni najugaqartut pillugit tamakkiisumik isiginnittumik suliniuteqarnerup ataqtigiissaarneqarnerani ilanngutitinnissaannut naleqquttutut isigineqartut, ingerlataqarfinit allanit sinniisut ilanngutitinneqarsinnaapput.

Najugaqarfissatut neqeroorutit akornanni suleqatigiinnerup siuarsarneqarnissaa aalajangersakkami siunertaavoq pingaaruteqartoq, taamaattumik kommunimi

najugaqaqatigiiffiit aamma najugaqarfiiit illersugaasut tamarmik sapinngisamik suleqatigiinnissamut ataatsimiitaliam sinniisoqassasut imm. 1-im i siunnerfigineqarpoq.

Suleqatigiinnissamut ataatsimiitaliaq aamma inunnut innarluutilinnut ingerlatsivimmit, meeqqanut inuuusuttunullu ingerlatsivimmit, ilinniarfinnit, aamma peqqissutsimut suliassaqarfimmit sinniisoqarsinnaavoq. Allattukkat tamakkiisuunngillat, taamatullu suleqatigineqartartut pineqartut sinniisuunissaat piumasaqaataanngilaq. Aalajangiisuusoq tassaavoq, suleqatigiinnissamut ataatsimiitaliaq sulianut naleqquatumik ilisimasalinnik aamma inunnik, inuit innarluutillit pillugit tamakkiisumik isiginnittumik suliniuteqarnermi ilaasunik ilaasortaqassasoq, taamaalilluni oqalliffissaq pilersinneqassaaq, tassani misilitakkani ilisimasanillu avitseqatigiittoqarsinnaassalluni.

Suleqatigiinnissamut ataatsimiitaliamut siunertaavoq immikkoortut assigiinngitsut akornanni suleqatigiinnerup ataqtigiaissaarinerullu siuarsarneqarnissaat, kiisalu inunnut innarluutilinnut ataasiakkaanut tamakkiisumik isiginninnerusumik suliniuteqarnerup qulakkeerneqarnissaa. Suleqatigiinnissamut ataatsimiitaliam inuit innarluutillit periaatsimut ataatsimoortumut ineriartortuarnerusumik naapitsisarnermik misigisaqartarnissaannut peqataanissaat siunertaavoq. Suleqatigiinnissamut ataatsimiitaliam ilaatigut sullissiviit peqataasut akornanni ataatsimut isigalugu suleqatigiinneq kiisalu suliani aalajangersimasuni ataqtigiaissarineq, oqallisigineqarsinnaapput.

Sullissiviit akuusut aamma sulianut naleqquatumik ilisimasallit assigiinngitsunik suliallit akornanni, suliad ingerlanerannik kiisalu ilisimasat misilitakkallu paasissutissiissutigineqartarnerannik ingerlaavartumik pitsangorsaaniarsarissasut ilaatigut siunnerfigineqarpoq.

Imm. 2-mut

Inunnik paasissutissanik suliariinnittarneq pillugu inatsisip Kalaallit Nunaanni atuutilersinneqarnera pillugu peqqussummi §§ 6-imiiit 8-mut aalajangersakkant Inatsisartut inatsisaat manna ilaammat, aalajangersakkami imm. 2-mi erseqqissarneqarpoq.

Imm. 3-mut

Imm. 2, naapertorlugu akuersinissaq tunniukkumaneqanngippat imaluunniit allanik piissuteqartumik akuersinissaq piniarneqarsinnaanngippat, suliami pisut, matumani inuup inatsisitigut isumannaatsuunissaa eqqarsaatigalugu, inuk pillugu paasissutissat pisariaqartinneqarpata paarlaasseqatigiissutigineqarsinnaasut aalajangersakkami imm. 3-mi aalajangersarneqarpoq, matumani inuk pillugu paasissutissat mianernartut ilanngullugit.

Imm. 3 imm. 2-mut ilanngunneqanngitsunut tunngassuteqarpoq, taamatuttaarlu aamma inuk pillugu paasissutissanik mianernartunik suliariinnittarneq pillugu Kalaallit Nunaannut atuutilersinneqarneranut peqqussummi tunngaviusunik ingerlatitseqqinnerulluni.

§ 18-imut

Aalajangersakkami inatsit atuuttoq ingerlatiinnarneqassasoq siunnersuutigineqarpoq, tassanili siunnersummi Annertuumik innarluutillit ikiorserneqartarerat pillugu Inatsisartut peqqussutaaneersoq taaguut paaqqinniffik, taagummik pitsaanerusumik ulloq unnuarlu neqeroorummik taarserneqassasoq aalajangerneqarsimalluni.
Ulloq unnuarlu neqeroorut tassaavoq inuit timikkut tarnikkulluunniit pisinnaasamikkut annertuumik ataavartumillu annikillisimanaerat pissutigalugu ulluinnarni suliassanut annertuumik ikiorneqarnissaminnik, aamma paaqqutarineqarnissamik, isumassorneqarnissamik imaluunniit katsorsarneqarnissamik annertuumik pisariaqartitsisunut aamma pisariaqartitaminnik taakkuninnga allatut naammassinnissinnaanngitsunut sivisumik najugaqarfissatut tulluartoq.

Imm. 1-imut

Aalajangersakkap inunnut innarluutilinnut ulloq unnuarlu neqeroorutit, matumani ulloq unnuarlu neqeroorutit isumannaallisakkat ilanggullugit, pilersinneqarnissaat, ingerlanneqarnissaat atorunnaarsinneqarnissaallu pillugit Naalakkersuisut pisinnaatippaat, tassunga atatillugu takuu imm. 2.

Imm. 2-mut

Aalajangersakkami imm. 2-mi ulloq unnuarlu neqeroorutit isumannaallisakkat, matut silarliit igalaallu parnaaqqatinnissaat akuerisaalluni ulloq unnuarlu neqeroorutitut pilersinneqarnissaannut ingerlanneqarnissaannullu inatsimmi tunngavissaq ilanngunneqarpoq. Ulloq unnuarlu neqeroorutinut isumannaallisakkamut siunnerfigineqartut tassaapput inuit innarluutillit, pinerluttulerinermut inatsimmik unioqqutitsisimasutut pasineqartut imaluunniit eqpartuunneqarsimasut, aamma §§ 51 aamma 52 malillugit eqpartuussivik inuk innarluutilik ulloq unnuarlu neqeroorummi isumannaallisakkami inissinnissinneqarnissaanik aalajangiisimappat.

Imm. 3-mut

Naalakkersuisut ulloq unnuarlu neqeroorutit erseqqinnerusumik malittarisassaannik aalajangersaanissaannik pisussaaffilerneqassasut aalajangersakkami imm. 3-mi siunnersuutigineqarpoq. Malittarisassat siunertaraat ulloq unnuarlu najugaqarfifit pilersinneqarnerat, aaqqissugaanerat, aqtsisoqarnerallu pillugit sinaakkusiinissaq. Taakku erseqqinnerusumik tassaasinnaapput illup iluani malittarisassat, siunertaq siunnerfigineqartullu, inissiinissamut innersuussisarneq, sulisut katitigaanerat, aqtsisoqarneq aamma akisussaassutsimut tunngasut kiisalu aaqqissugaaneq. Taagukkatt tamakkiisuunngillat.

§ 19-imut

Imm. 1-imut

Kommunalbestyrelse inissiisoq inuit innarluutillit ulloq unnuarlu neqeroorummiinnerannut akiliisussaatitaasoq, aammalu akigititaq ulloq unnuarlu inissiiviusumut ataatsimut

aninggaasartaqartillugu naatsorsorneqassasoq aalajangersakkami imm. 1-im
aalajangersarneqarpoq. Imm. 1, Annertuumik innarluutillit ikiorserneqartarnerat pillugu
Inatsisartut peqqussutaat nr. 7, 3. november 1994-imeersumi, tamatuma kingorna
allannguiteqartartumi § 16 a-mik ingerlatitseqqinneruvoq.

Imm. 2-mut

Imm. 2 malillugu kommunalbestyrelsip inuit innarluutillit ulloq unnuarlu
neqeroorummiinnerannut akiliutissaannut akigitamik ukiut tamaasa Naalakkersuisut
aalajangersaasassapput. Akigitap annertussusissaa aningaasartuutit ulloq unnuarlu
neqeroorutip ingerlanneqarneranut malittaasut aallaavigalugit Naalakkersuisut aamma
kommunalbestyrelsip akornanni imaluunniit kommunit kattullutik aallartitaannik
isumaqatiginninniartoqareernerup kingorna aalajangersarneqassaaq.

Ulloq unnuarlu neqeroorutinut tamanut aammalut inunnut innarluutilinnut immikkoortortanut
tamanut, ataasiakkaatut akigitamik aalajangersaasoqassaaq.

Akigititaq atuuttoq isumaginninnermi aningaasat ikorsiissutaasartut atuuttut pillugit
kaajallaasitami, Naalakkersuisut.gl-imi tamanut saqqummiunneqartartumi, allassimassapput.

§ 20-mut

Imm. 1-imut

Siunnersummi imm.1-imti Annertuumik innarluutillit ikiorserneqartarnerat pillugu
Inatsisartut peqqussutaat nr. 7, 3.november 1994-imeersumi § 17 a, imm. 1-imti.
aalajangersagaq ingerlatitseqqinnejassasoq siunnersuutaavoq.

Ukiumoortumik nalunaarummi siullermik pingaarnertullu ingerlutanut pingaaruteqartunut,
ukiumi qaangiuttumi ingerlanneqarsimasunut nassuaammik suliaqarnissaq siunertaavoq.
Ukiumoortumik nalunaarummi politikerit allallu soqtigisallit politikkikku
oqartussaasoqarfiup aamma ulloq unnuarlu neqeroorutit suliniutit tigussaasut suut
aallartissimaneraat piviusungortissimaneraallu paassisutissiiviginissaat, kiisalu paaqqinniffit
ataasiakkaat naatsumik takussutissinnissaat siunertaavortaaq. Siunnersummi
allanngortitsinissaq siunertarineqanngilaq.

Imm. 2-mut

Imm. 2-mi Naalakkersuisut ukiumoortumik nalunaarutinut maleruagassanik
aalajangersaanissamut pisinnaatitaanerat, matumani tunniussinissaq, ilusissaa imarisaalu
ilanngullugit ingerlateqqinnejarpuit.

§ 21-mut

Aalajangersakkami nutaajusumi, Naalakkersuisut ulloq unnuarlu neqeroorutinut suliassaqarfimmi periusissamik suliaqarnissamik pisussaaffilerneqarput. Inunnut annertuumik ataavartumillu innarluutilinnut suliassaqarfimmi pissusiviusut ineriaratornerannik malinnaasumik, ulloq unnuarlu neqeroorutit ingerlaavartumik ineriarortinnejarnissaasa qulakkeerneqarnissaat siunertaavoq.

Imm. 1-imut

Siunnersummi imm. 1-imu p ulloq unnuarlu neqeroorutinut suliassaqarfimmi ukiut 4-kkarlugit periusissamik nutaamik suliaqarnissamut, kiisalu periusissaq nuna tamakkerlugu ulloq unnuarlu neqeroorutinut tunngassuteqassasoq, Naalakkersuisut pisussaaffilerneqarnissaat, siunnerfigineqarpoq. Ulloq unnuarlu neqeroorutinut periusissamik ingerlaavartumik suliaqarnissamut siunertaavoq, ulloq unnuarlu neqeroorutit suliaqarnerisa pitsaanerusumik pilersaarusrorseqarneranut aaqqissuunneqarneranullu peqataanissaq kiisalu suliassaqarfimmi maannakkut ajornartorsiutaasunut pisariaqartitsinermullu tunngatillugu eqquumaffiginninnerulernissap aamma annertunerusumik immikkut ilisimasaqarnerulernissap qulakkeernissaa.

Imm. 2-mut

Aalajangersakkami imm. 2-mi, ulloq unnuarlu neqeroorutinut periusissami ilanngunneqartussat allanneqassapput.

Tamatuma saniatigut unammilligassat aalajangersimasut maanna pioreersut, kiisalu piffissami pineqartumi inuit innarluutillit pillugit suliassaqarfimmi unammilligassat pilersussatut qanoq ittut naatsorsuutigineqarnersut, isummerfiginerannik periusissaq imaqartinneqartariaqarpoq. Naalakkersuisut sapinngisamik pitsaanerpaamik ulloq unnuarlu neqeroorutit suliaqarnerannut pilersaarusrorsinnaanerat pitsangorsaasinnaanerallu aalajangiisuulluinnartumik pingaaruteqarpoq, assersuutigalugu suliassaqarfinni pisariaqartitsiviunerpasuni, siunnerfigineqartunut aalajangersimasunut ulloq unnuarlu neqeroorummik pilersitsinikkut.

Imm. 3-mut

Aalajangersakkami imm. 3-mi kommunalbestyrelsinik, soqtigisaqaqatigiit kattuffiannik attuumassuteqartunik aamma ulloq unnuarlu neqeroorutini pisortanik periusissamik suliaqarnermi akuutitsinissamik, Naalakkersuisut pisussaaffilerneqarput. Akuutitsinermut siunertaavoq ilaatigut mianerisassat aalajangersimasut eqquumaffigineqarnissaat kiisalu kommunit aamma ulloq unnuarlu neqeroorutit misilittagaasa aamma piffissami aggersumi pitsangorsaatissatut siunnersuutaasa ilanngunneqarnissaat.

§ 22-mut

Imm. 1-imut

Imm. 1-imu aalajangersarneqarpoq, communalbestyrelse tapersiinissaq pillugu aalajangiinernut tunngasunik sulianik suliarinninnermi sunniuteqarluartumik sulinissamut pisussaaffeqartoq, taamaalilluni suliat pisariaqanngitsumik sivitsuuttooqqunagit.

Imm. 2-mut

Suliassaqarfimmi sullissinermi kommunit qanoq sullissisanersut, kommunalbestyrelsit ataasiakkaat aalajangertassagaat aalajangersakkami imm. 2-mi aalajangersarneqarpoq. Piffissamut sullissinermut atorneqartartumut tunngatillugu, sullissinerup qaffasissusaa qanoq ittoq naatsorsuutigisinnaanerlugu, inuup innarluutillip piffissamut killissaliinerit aqqutigalugit paasissavaa. Kommunalbestyrelsit killeqanngitsumik piffissamut killissaliinerit piumasaannarminnik aalajangersaasinnaanerannik, aalajangersagaq malitseqassanngilaq, tassami tamatumani pisortat ingerlatsivianni ileqqorissaarneq malinneqartussaammat, tassalu piffissap naleqquttup iluani aalajangiisoqarsimassasoq, aammalu imm. 1 naapertorlugu sullissineq sapinngisamik sukkannerpaamik pissasoq piumasaqaateqarmat. Kommunalbestyrelsi minnerpaamik ukioq allortarlugu piffissanik aalajangersakkani misissuisassaaq. Taamaaliornikkut suliassaqarfinni ataasiakkaani kommunit sulianik massakkut suliarinninnerisa aamma piffissat aalajangersakkat akornanni ataqtigitiqarnersoq pillugu malinnaajuarnissaq qulakkeerneqassaaq.

Imm. 3-mut

Suliami aalajangersimasumi suliassaq piffissamut killissaliussap iluani suliarineqarsinnaanngippat, kommunalbestyrelsip qinnuteqartoq tamanna pillugu, matuman i piffissap killissaliussap iluani suliarineqarsinnaannginneranut tunngavilersuut ilanngullugu, kiisalu aalajangiineq qaqugu pisinnaassanersoq pillugu, allakkatigut nalunaarfingissavaa aalajangersakkami imm. 3-mi aalajangersarneqarpoq.

§ 23-mut

Imm. 1-imut

Aalajangersakkami imm. 1, Inuit innarluutillit pisinnaatitaaffii pilligit Naalagaaffiit Peqatigiit isumaqatigiissutaanni, aalajangiinissanut suliat ingerlaneranni inuit innarluutillit imminnut tunngasunik aalajangiinerni akuutinnejarnissamut periarfissaqartariartut pillugu tunngavimmik piviusunngortitsineruvoq.

Inuk innarluutilik aalajangersakkap imarisai malillugit suliani tamaginni aammalu suliap suliarineqarnerata nalaani sukkulluunniit oqaaseqaateqarnissamut periarfissaqarpoq.

Taamaattoq inuk oqaaseqaateqarnissamik pisussaaffilerneqanngilaq, taamatullu inuup allanit sinniiseqarnissaa imaluunniit ikiorteqarnissaa, aalajangersakkami akornuserneqanngilaq.

Kommunalbestyrelsip inuup innarluutillip kissaatai imaluunniit isumai malissagai piumasaqaataanngilaq, kisianni inuup pisinnaasaqarnera inerisimassusaalu apeqqutaatillugu pingartinneqassallutik.

Oqaloqateqarnermi aalajangiinissamut naatsorsuutigineqartumut inuup innarluutilip nammineq isumaa ersarissitinneqassaaq. Misissuinermut atatillugu inuk oqaloqatigineqarsimagaluartoq, aamma tapersiinermi iliuusissat pillugit aalajangiisoqannginnerani, oqaloqateqarneq ingerlanneqassaaq. Tamatumunnga tunngavilersuutaasooq tassaavoq, inuit aalajangiinissamik eqqarsaatigineqartup imarisaanut aalajangersimasumut isummaminik saqqummiussinissamut periarfissaqarnissaasa pingaaruteqarnera.

Imm. 2-mut

Oqaloqateqarneq pitsaassusilimmik ataqqinnittumillu ingerlanneqassasoq, aammalu inuup nammineq suliami isummaminik saqqummiussineranik kinguneqassasoq aalajangersakkami imm. 2-mi aalajangersarneqarpoq. Oqaloqateqarnerup ilusissaanut piumasaqaateqanngilaq. Taanna inuup tikillugu oqaloqatiginerani, oqarasuaatikkut, videolink aqutigalugu allatulluunniit ingerlanneqarsinnaavoq. Inuup innarluutilip isumai paasiniarneqassapput, aammalu isummersuutit inuup inerisimassusaanut pisinnaaneqarneranullu naapertuuttumik, isumaginninnermi suliaqarnerup ingerlaqqinnerani, naleqquttumik pingaaruteqartillugit, ilanngunneqassallutik.

Inunnut timikkut tarnikkulluunniit pisinnaanikillisimasunut, aalajangiinermi inuit taakkua isumaasa ilanngunneqarnissaat qulakkeerniarlugu, immikkut mianerinninnissaq imaluunniit periaatsit immikkut atornissaat, pisariaqarsinnaavoq. Pisinnaaneqarneq aamma inerisimaneq uuttuutigalugit kommunalbestyrelse naliliisinnaavoq, inuup inissismanini paasisimaneraa aammalu isummat isummersuutillu inuup oqaloqateqarnerup nalaani saqqummiussaasa kingunissai paasisimaarinerai.

Imm. 3-mut

Inuk innarluutilik nakkutigineqartuusimappat imaluunniit ukiukitsuuppat angajoqqaatut sinniisusoq imaluunniit angajoqqaatut akisussaasut inummik innarluutilimmik oqaloqateqarnermi peqataassasut imaluunniit inummik innarluutilimmik oqaloqatiginnineq angajoqqaatut sinniisoq aamma angajoqqaatut akisussaasut peqataatinnagit ingerlanneqarsinnaasoq akuersissutigissagaat aalajangersakkami imm. 3-mi aalajangersarneqarpoq.

Tamatumunnga siunertaavoq inuup isummaminik saqqummiussaqarnissaata aamma soqtigisaasa isumagineqarnissaata qulakkeerneqarnissaat.

Aalajangersakkalli communalbestyrelse periarfississavaa angajoqqaatut sinniisoq imaluunniit angajoqqaatut akisussaasut peqataanngikkaluarpat imaluunniit akuersiteeqqaarnagit inummik innarluutilimmik oqaloqatiginnissinnaalersillugu, inummut tamanna pitsaanerpaasoq nalilerneqarpat, aamma eqqarsarnartortaqanngippat. Aalajangersagaq qanoq pisoqarnera tunngavigalugu atorneqartussaavoq, atuuffianilu assersuutigalugu taaneqarsinnaavoq

angajoqqaatut akisussaassusillip sinniisulluunniit pissusilorsornermigut oqaloqatigiinnermik akornusersuisinnaanera unitsitsisinnaaneraluunniit. Assersuutitut taaneqarsinnaapput isumaginninnermik ingerlatsivik imaluunniit ulloq unnuarlu paaqqinnittarfik aqqutigalugit inummik attavigisassamik peqareersut sulisunullu allanut attaveqaqquaanngitsut oqaatsimikkut timimikkullu pissusilorsorsimanertik pissutigalugit. Immikkut ittumik pisoqartillugu aalajangersagaq atorneqassaaq, matumanit angajoqqaatut akisussaassuseqartoq imaluunniit angajoqqaatut sinniisoq peqatiginagit oqaloqatigiinnerup ingerlannissaa inuup innarluutillip piumanerussaneraa tigussaasumik ersarissumillu naliliiffigereerneratigut tamanna pissalluni.

Oqaloqatigiinneq angajoqqaatut akisussaassuseqartoq nakkutilliisorluunniit akuersiteeqaarnagit najuutsinnagilluunniit ingerlanneqarpat illersuisussamik oqaloqatigiinnermi najuuttussamik toqqaasoqassaaq, takuuk § 24, tamannalu aqqutigalugu inuup soqutigisai isumagineqarlutik pisinnaatitaaffiilu eqqortinneqarlutik.

Imm. 4-mut

Aalajangersakkami imm. 4 imm. 1-imni maleruagassamut pingaarnermut ilanngunneqanngitsunut tunngavoq. Nalornissuteqarnermi, inuup innarluutillip isummani saqqummiussinnaassaneraa communalbestyrelsip nalornissutigalugu, communalbestyrelsip pineqartoq misillugu oqaloqatiginiassavaa. Oqaloqateqarnerup nalaani paasinarsippat, inuup isummani oqaatigisinnaanngikkai, oqaloqateqarneq unitsinnejqarsinnaavoq.

Oqaloqateqarnerup inuk naleqqutinngitsumik inisisimalersillugu pisoqarsinnaavoq. Pisuni taakkunani inuup mianerineqarnissaa, pineqartup tusarniarneqarnissaanut imaluunniit akuutinnejqarnissaanut aalajangiisuusumik akerliunersoq, piviusumik nalilersuisoqassaaq. Nalilersuinermi, oqaloqateqarnerup ingerlanneqarnera inummut iluaquutanani ajoquutaaginnassanersoq, ilaatinnejqassaaq. Tamanna assersuutigalugu inuup innarluutillip oqaaseqarnissani kissaatiginagu erseqqissumik oqaatigalugu pisoqarnerani, pisinnaavoq.

Pisut ilaanni aalajangersimasuni oqaloqateqarnerup ingerlanneqarnissaa inummut innarluutilimmut iluaquataassanngilaq. Tamatumunnga pissutaasinnaavoq inuup inerisimannginnera imaluunniit pisinnaaneqamnginnera, pineqartup inisisimanini paasisimanagu, aammalu isummaminik imaluunniit isummersuutiminik saqqummiussinnaassanani. Inuk assersuutigalugu illersorti ikiorsiullugu oqaloqatigineqarnermini isummaminik saqqummiussinnaanera periarfissaqarpat, oqaloqateqarneq ingerlanneqartariaqarpoq.

Inuup innarluutillip oqaloqatigineqarnera ingerlanneqanngippat, allatut aalajangiinermut inuup isumaata pissarsiariarnissaanut communalbestyrelse pisussaaffeqarpoq. Oqaloqateqarneq sooq ingerlanneqarsimanningersoq tunngavilersuutitalerlugu suliami allassimassaaq. Tassani allanneqartariaqarpoq, inuk oqaloqatigineqarsimannngippat, inummut periarfissat qanoq paasinarsisimanersut.

§ 24-mut

Inummut tapersiinissaq pillugu aalajangiinermut atatillugu inummut innarluutilimmuit illersorteqarnissamik neqerooruteqarnissamut kommunalbestyrelse pisussaaffeqartoq aalajangersakkami siunnersuutigineqarpoq.

Inuk illersortaanissamut suliamut ilisimasaqarluni tunngavissaqartoq tassaasinnaavoq, inuk ukiorpassuarni isumaginninnermut innarluutilinnullu suliassaqarfiup iluani sulisuuusimasoq, assersuutigalugu ingerlatsivimmi sullisisutut, imaluunniit inuk inatsisilerituutut, isumaginninnermi siunnersortitut, perorsaasutut assigisaannilluunniit ilinniarsimasoq.

Pingaernerpaajuvoq inuk illersortitut sulisussaq sulianut ilisimasaqarnikkut misilittagaqarnikkullu inuit innarluutillit pisinnaatitaaffiinik aamma isumaginninnermi periaatsimut ilisimasaqartuussasoq.

Nr. 1-imut

Inuit innarluutillit tapersiisarneq pillugu suliaqarnermut atatillugu Inatsisartut inatsisaat una malillugu ikiorserneqartarnissaat, aalajangersakkap qulakkeerpaa.

Illersortip communalbestyrelsimi tapersiinissaq pillugu suliap suliarineqarnerata nalaani, inuit innarluutillit pisinnaatitaaffii pillugit ilitsorsorsinnaassagai, kiisalu isumaginninnermi periaatsimi qanoq ataqtigitoqarnersoq aammalu inuk tassani qanoq ingerlassanersoq pillugu inuk oqaluttuussinnaassagaa, naatsorsuutigineqarpoq.

Inuup oqartussamik attuumassuteqartumik ataatsimeeqateqarnerata nalaani tapersersornissaanik illersortip perarfissaqarnissaa, pingaaruteqarpoq. Inuup apeqqutit pineqartumut suliamullu attuumassuteqartut tamaasa ataatsimiinnerup nalaani saqqummiunnissaannut perarfissaqarnissaa, illersortip qulakeersinnaassavaa. Suliap ingerlanera tamaat illersorti peqataasinjaavoq, aammalu suliami aalajangiisoqannginnerani inuup innarluutillip tusaaneqarnissaata, aammalu inuup isumaasa oqartussaasumut saqqummiunneqarnissaasa qulakeernissaanut ikuutissasoq naatsorsuutigineqarluni.

Nr. 2-mut

Inuk innarluutilik tapersiisarneq pillugu suliaqarnermut atatillugu inatsisartut inatsisaat manna malillugu najugaqtigiffinni najugaqarneq pillugu ikiorserneqartarnissaat pillugu communalbestyrelsip aalajangiinerata naammagittaalliuutiginissaanik kissaateqartoq, aalajangersagaq manna naapertorlugu, naammagittaalliummik suliaqarnermut aammalu Isumaginninnermi Naammagittaalliuteqartarfimmut tunniussinermut, § 70 naapertorlugu, illersortimit ikiorneqarnissamik pisinnaatitaavoq.

Inuup innarluutillip perarfissaqarfiisa naammagittaalliummi ilaatinneqarnissaat, kiisalu naammagittaalliuutip suliarineqarnissaa aammalu maleruagassat piffissamullu killiliussat naapertorlugit tunniunneqarnissaa, illersortip isumagissavaa.

Nr. 3-mut

Inuup innarluutillip illersorteqarnissamik pisinnaatitaanera, suliap ingerlanera tamaat atuutissasoq Aalajangersakkami aalajangersarneqarpoq, matumani aalajangiineq pillugu naammagittaalliuutigineqarneranik Isumaginninnermi Naammagittaalliueteqartarfiup suliariinninneranut atatillugu tapersersuinissaq ilanngullugu.

Inuup tusarniaaffigineqarnissaa aammalu paassisutissat isummersuutillu pineqartumut suliamullu attuumassuteqartut, naammagittaalliuutip Isumaginninnermi Naammagittaalliueteqartarfimmut suliakkiunnissaanut tunngaviusut, tamarmik saqqummiunnissaannut periarfissaqarsimanera, illersortip qulakkeersinnaassavaa. Tamatuma saniatigut paassisutissat, pineqartup naammagittaalliuuteqartarfimmit tigusaasa inuup innarluutillip paasisimagai, qulakkiissallugu illersortip suliassaraa.

Imm. 2-mut

Imm. 2.-mi aalajangersakkami Naalakkersuisut illersortinut maleruagassanik erseqqinnerusunik aalajangersaanissamut periarfissinneqarput, ilanngulligit toqqaasарneq, aningaasarsiaqartitsineq, pinerluuteqarsimannginnermut upernarsaammik piniartarneq, kiisalu piukkunnassutsinut pisinnaasaqarnernullu piumasaqaatit suut piumasaqaatigineqassanersut.

Illersortinik toqqaasарneq pillugu maleruagassani ilaatigut, Meeqqat tapersorsorneqarnissaannut Inatsisartut inatsisaat meeqqanut illersortinik toqqaasарnermut aaqqissuussineq assigalugu, illersortit communalbestyrelsimum tunngatillugu attuumassuteqannginnissaat qulakkeerneqassaaq.

§ 25-mut

Imm. 1-imut

Imm. 1-imi aalajangersagaq malillugu communalbestyrelse qulaajaanermik inummut innarluutillimmut suliaqassaaq isumaqartoqarpat kapitali 8 naapertorlugu tapersorsorneqarnissamik pisariaqartitsisoq imaluunniit kapitali 9 naapertorlugu najugaqatigifinni najugaqarneq pillugu ikiorserneqarnissaminik pisariaqartitsisoq, qulaajaanissarli ersittumik pisariaqartinneqanngippat tamanna pissanngilaq. Qulaajaanermi siunertaq tassaavoq, inuup pisariaqartitaannut naapertuuttumik aammalu inuup ineriartorneranut iluaqutaasussamik communalbestyrelsip suliniuteqarnissamik katiterisinnaanissaanut ikuunnissaq. Pissutsini taamaattuni qulaajaaneq ingerlanneqassasoq ersarissumik aallaaviussaaq.

Qulaajaanerup ersarissumik pisariaqanngitsuunissaa akimmisaarnartumik nassuiarneqassaaq. Inuk siusinnerusukkut tapersiinermik aalajangersimasumik suussusilimmik

ikiorserneqarsimappat, qulaajaaneq ingerlanneqartariaqanngilaq aamma inuup innarluutaa taamaaginnarsimappat, aammalu tapersiinissamik pisariaqartitsineq allannguuteqarsimanngippat.

Imm. 2-mut

Qulaajaaneq sabinngisamik inuk innarluutilik peqatigalugu, inuk nakkutigineqartuusimappat taassuma angajoqqaatut sinniisua, meeraq pineqarsimappat tassunga angajoqqaatut akisussaasut, kiisalu isumassuisut allat, suleqatigalugit ingerlanneqassasoq aalajangersakkami imm. 2-mi aalajangersarneqarpoq.

Isumassuisut allat kikkorpassuusinnaapput, taakkununngalu ilaapput inuup innarluutillip immikkut misigissutsikkut attavigisinnaasai, soorlu atsa ajaluunniit, illooraq, sanilerisaq allallu.

Pisariaqartitsinernut taakkununnga naapertuuttumik suliniuteqarnissap katiterneqarnissaa siunertaralugu, inuup tapersiivigineqarnissamik pisariaqartitsinerata erseqqinnerusup paasinarsisinneqarnissaa qulaajaanermi siunertaavoq. Qulaajaanerup nalaani inuk innarluutilik, imaluunniit inuit taaneqartut taakkua ilai attuumassuteqartut allat, akuutinnejarnissaat ajornarsimappat, taakkua qulaajaanerup nutarterneqarnissaa siunertaralugu kingusinnerusukkut akuutinnejarnissaat anguniarneqartariaqarpoq.

Imm. 3-mut

Imm. 3 malillugu qulaajaaneq pisariaqartunit annertunerussanngilaq, qulaajaaneq pissutsinut inuup innarluutillip tapersiivigineqarnissamik pisariaqartitsineranut tunngaviusutut ilimagineqartunut taamaallaat isummersorfiussaaq. Kommunalbestyrelsip qulaajaanermut atatillugu pisinnaanikillisimanaerit allat, tapersiivigineqarnissamik pisariaqartitsinermut pissutaasinnaasut paasippagit, imm. 1 aamma imm. 2 qulaajaanermut maleruagassat eqqarsaatigalugit, communalbestyrelsip taakkua tapersiinissamut ilaattariaqarpoi.

Tamatuma saniatigut aalajangersagaq qajassuussinissamik tunngavissarititaasumik imaqarpoq, taassuma malitsigisaanik inuup tapersiivigineqarnissamik pisariaqartitsinerata qulaajarneqarnera, inummut qulaajaavigineqartumut sabinngisamik annikinnerpaamik ajoquitissartaqartillugu ingerlanneqassalluni. Periaatsit assigiinngitsut arlallit atorneqarsinnaappata, periaaseq annikinnerpaamik akuliuttutut misigisimaneqartoq, toqqarneqartariaqarpoq.

Imm. 4-mut

Aalajangersakkami imm. 4-im i pissutsinut communalbestyrelsip qulaajaanermut atatillugu nalilersugassaannut allattuiffimmik allattuisoqarpoq.

Tamatuma kingorna communalbestyrelsip qulakkiissavaa inunnut innarluutilinnut tunngatillugu suliani tamakkiisumik isiginnittumik suliniuteqartoqarnissaq aamma

taamaattumik aalajangersakkami pissutsit arlallit pillugit allattuisoqarsimavoq, taakkualu qulaajaanermi nalilersuiffigineqartassapput. Qulaajaanermi ukua nalilersorneqassapput:

- 1) Timikkut, tarnikkut, eqqarsartaatsikkut imaluunniit malussarissutsikkut ataavartumik pisinnaanikillisimaneq
- 2) Imminut isumassorsinnaaneq
- 3) Pissuserisat, atugarissaarneq ineriarornerlu
- 4) Attaveqartarneq
- 5) Ilaqtariinni pissutsit
- 6) Isumaginninnermi pissutsit aamma inoqatit akornanni inooqataaneq
- 7) Peqqissutsimut tunngasut
- 8) Ilinniagaqarneq, suliffeqarneq suliffissaqarnermullu periarfissat
- 9) Inuiaqatigiinni peqataaneq
- 10) Inuup innarluutillip ikiorserneqarnera Inatsisartut inatsisaat una imaluunniit inatsit alla malillugu.

Aalajangersagaq taamaalilluni qulaajaanerup imai pillugit piumasaqaateqarpoq, taamaalilluni inuup ajornartorsiutai isumalluutaalu tamakkiisumik isiginnittumik qulaajaaffigineqarnissaat qulakkeerneqassammatt.

Imm. 9 malillugu allattukkat qulit taakku Naalakkersuisut malittarisassanik aalajangersagaanni sukumiinerusumik allaaserineqarumaarput.

Imm. 5-imut

Inuup innarluutillip inuunermi atugai pillugit qulaajaanerup, tapersiisoqassappat tapersiinerup qanoq annertutiginissaanik, aalajangiinissaq tunngavilissagaa imm. 5-imi maleruagassap aalajangerpaa. Taamaalilluni communalbestyrelsip tapersiinissamik aalajangiinini qulaajaanermiit suliarineqarsimasumit tunngavilissavaa.

Imm. 6-imut

Qulaajaaneq aallaavigalugu iliuusissanut pilersaarut allaganngorlugu suliarineqassasoq imm. 6-imi maleruagassap aalajangerpaa, tassani § 26 malillugu inummut innarluutilimmuit siunnerfilimmik aamma tamakkiisumik isiginnittumik suliniuteqarnissaq qulakkeerneqassaaq. Taamaalilluni allassimavoq iliuusissanut pilersaarummi qulaajaaneq aallaavigineqassasoq.

Imm. 7-imut

§ 38 imm. 4 naapertorlugu tapersiissutinut iliuusissaagallartut pillugit aalajangiineq ingerlaannassanersoq imaluunniit atorunnaassanersoq pillugu, communalbestyrelse qulaajaanermut atatillugu isummissasoq, imm. 7-imi aalajangersarneqarpoq.

Inuup innarluutillip tapersiivigineqarnissamut pisariaqartitsinera, utaqqiisaasumik tapersiinissaq pillugu aalajangererup nalaanut naleqqiullugu allanngorsimasoq, qulaajaanermut atatillugu eqqumaffigineqalersimappat, assersuutigalugu tapersiinissamut

iliusissat naammagiunnaarsimancerat pissutigalugu, imaluunniit pisariaqarunnaarsimancerat pissutigalugu, utaqqiisaasumik tapersiinerup allanngortinnejarnissaa imaluunniit atorunnaarsinnejarnissaa pillugu aalajangiinissaq ilaatigut pisariaqalersinnaavoq.

Tamatuma saniatigut, inuk pineqartoq, angajoqqaatut sinniisua imaluunniit angajoqqaatut akisussaasut, pineqartup tapersiinissamut isummernissamut periarfissinneqassasut maleruagassami aalajangerneqarpoq. Tamanna amerlanertigut pisarpoq, pineqartut oqaloqatiginerisigut, oqaloqatiginninnermilu tapersiissummut qanoq isumaqarnerlutik oqaatigisinaavaat. Oqaloqateqarneq ingerlannejarsimasoq, aammalu inuk innarluutilik aamma angajoqqaatut sinniisua imaluunniit angajoqqaatut akisussaasut tassunga atatillugu qanoq oqaaseqarsimanersut kommunalbestyrelsip uppermarsarsinnaassavaa. Tamanna assersuutigalugu oqaloqateqarnerup allaganngorlugu imaqtarniliorneqarneratut iluseqarsinnaavoq. Inuup innarluutillip kissaataasa malinnissaannut kommunalbestyrelse pisussaaffeqanngilaq, kisianni inuup oqaaseqaatai kommunalbestyrelsip aalajangiineranut ilaatinnejassapput.

Imm. 8-mut

Inunnut innarluutilinnut Sullissivik Nunamut Tamarmut attuuttup kommunalbestyrelsimit qinnuigineqarnermini imm. 1 naapertorlugu inunnut innarluutilinnut tunngatillugu suliani immikkut pisariusuni qulaajaanermik suliaqarsinnaanera periarfissaqartoq imm. 8-im i aalajangersarneqarpoq.

Qulaajaaneq nammineq pissutaatinnejartussanik kommunalbestyrelsip piginngisaanik piumasaqaatitaqassappat, aalajangersagaq atorneqassasoq naatsorsuutigineqarpoq, matumani immikkut ittumik ilisimasaqarluni piginnaasaqarnerit ilanngullugit.

Imm. 9-mut

Qulaajaasarneq pillugu maleruagassanik erseqqinnerusunik Naalakkersuisut aalajangersaanissamut pisussaaffilerneqartut imm. 9-mi maleruagassap aalajangerpaa. Pisinnatitsissummut aalajangersagaq, tamanna ilaatigut qulaajaanermik ingerlatsisinaaneq pillugu maleruagassanut, kiisalu qulaajaanerup ingerlannejarnerata ilusissaanut imarisannullu kiisalu suliap ingerlaneranut piffissaliussatigut piumasaqaatinut aamma qulaajaanerup naammassinissaanut, tunngassuteqarsinnaavoq.

§ 26-mut

Imm. 1-imut

Inummut innarluutilimmut tapersiinissaq pillugu aalajangiisoqannginnerani, iliusissanut pilersaarummik allaganngorlugu suliaqarnissamut kommunalbestyrelse pisussaaffeqartoq aalajangersakkami aalajangersarneqarpoq. Iliusissanut pilersaarummik suliaqarnermi, kommunalbestyrelsip inummut innarluutilimmut suliniuteqarnissamut siunnerfiit sukumiisumik isumaliuutersuuteqarfigissagai, taamaalillunilu aallaqqaammullu tapersiinissaq

naapertuunnerpaaq aallartinneqassasoq, qulakkeerneqassaaq, taamaaliornikkut suliniuteqarnermi anguniagassat ersersinnerulerlugin aamma ataqtigiissumik tamakkiisumillu isiginnittumik suliniuteqarnissaq qulakkeerneqarluni.

Iliusissanut pilersaarut suliniuteqarnermut tunngatillugu tigussaasuuussaaq aammalu inunnut ataasiakkaanut tunngassalluni, taamaalillunilu inuup, aamma taassuma angajoqqaatut sinniisua kiisalu angajoqqaatut akisussaasui attuumassuteqartut il.il., suliniuteqarnermut malinnaanissamut aammalu inuup unammilligassaanik aaqqiiniarnermi eqeersimaartumik peqataanissamut periarfissinneqassallutik.

Taamaaliornikkut inuup innarluutillip suliniuteqarnermut tapersersuinissaata, aammalu angajoqqaatut sinniisup allallu isumassuisut suliniuteqarnermut akuersaarnissaasa, ataqqinninnissaasa tapersersuinissaasalu qulakkeernissaa, annertunerpaamik taamaaliornikkut kissaatigineqarpoq. Suliniuteqarnerup tamakkiisumik isiginnittuusinnaanissaanut, ilaatigut nukissat suut inummi innarluutilimmi kiisalu inuup qanigisaasa qaninnerpaat akornanni atuunnersut, isummerfigineqassaaq.

Qanoq pisuni kommunalbestyrelse iliussinanut pilersaarummik suliaqarnissamik pisussaaffeqarnersoq aalajangersakkami imm. 1, nr. 1-miit 6-imut allattorneqarput.

Iliusissanut pilersaarutip qanoq issusaa apeqquaalluni, iliussinanut pilersaarummik nutaaruinnarmik suliaqarnissamut taarsiullugu, iliussinanut pilersaarutip paasissutissanik immikkullarissunik nalilersuinernillu taakkunannga, tapersiinermi iliussinanut atasunik, nutarterneqartarnissaa naammassaaq.

Imm. 2-mut

Iliusissanut pilersaarummi inuit innarluutillit ataasiakkaat aamma pissutsit tassunga tunngasut aalajangersimasut, aallaavagineqassasut imm. 2-mi pissutaatinneqarpoq. Iliusissanut pilersaarut, siunertaasup allassimaneranit annertunerussangilaq. Ilaatigut uani pineqarpoq misissuineremi sapinngisamik annertunerpaamik ilisimasat pigineqareersut ilaatinneqartariaqartut, assersuutigalugu inuup isumassuisunit ilisimasaat inuillu allat inummut pissutsinik piviusunik ilisimasallit ilisimasaat.

Imm. 3-mut

Iliusissanut pilersaarut sunik imaqassanersoq imm. 3-mi aalajangersarneqarpoq.

Iliusissanut pilersaarummi tapersersuinermi siunertaq anguniagassallu allassimassasut nr. 1-imi aalajangersarneqarpoq. Siunertaq inummut innarluutilimmur sullissinermi pingarnertigut siunertatut paasineqassaaq, anguniagassamili isumaginninnikkut suliniutigisat aalajangersimasunik angusassat pineqarput.

Anguniagassap naammassineqarnissaanut tapersiineq qanoq ittoq pisariaqartinneqarnersoq iliussinanut pilersaarummi allassimassasoq nr. 2-mi aalajangersarneqarpoq. Anguniagassat

immikuullarissuussapput aamma tigussaasuussapput, taamaalilluni anguniagassap angunissaanut suut piviusunngortinnejarsimanersut erseqqarissammatt. Taamaattumik anguniagassat piviusorsiortuussapput, piffissap aalajangersimasup iliuusissanut pilersaarummi suliniuteqarfiusussatut taaneqartup ingerlanerani anguneqarsimanissaat naatsorsuutigineqarsinnaalluni.

Tapersiinermut akuersissutaasimasumut piffissap atorneqartussap qanoq sivisutiginissaal pillugu naatsorsuutigineqartoq aamma qaqlugu malitseqartitsisoqassanersoq iliuusissanut pilersaarummi allassimassasoq nr. 3-mi aamma nr. 4-mi aalajangersarneqarpoq. Inuup pineqartup maanna pisariaqartitai tunngavigalugit kommunalbestyrelsimit ingerlaavartumit nalilersuiffigineqartartoq aamma nutarterneqartartoq, iliuusissanut pilersaarutip ineriaartortuartutut sakkuulernissaa tamatuma qulakkiissavaa.

Inatsisartut inatsisaat manna malillugu iliuusissanut pilersaarut malillugu tapersiineq ingerlanneqartoq inatsit alla malillugu tapersiisimasinnaanermut ataneqartillugu isiginiarneqassasoq nr. 5-imi aalajangersarneqarpoq. Taamaannerata ataqtigiissaarneqartumik tamakkiisumik isiginnittumik sulianut naleqquttumik ilisimasallit allat suleqatigalugit suliniuteqarneq qulakkiissavaa.

Iliuusissanut pilersaarut taamaalilluni suleqatigiinnermut sakkunngorsinnaavoq, suliassaqarfiit assigiinngitsut tamakkiisumik isiginnittumik suliniuteqarnermut peqataasut akornanni suleqatigiinnerannik pitsangorsaaqataasinnaasoq, kiisalu sullisisut ataasiakkaat, inuup nammineq, taassumalu ilaquaasa inummullu atatillugu inuit suliaqartussat akornanni atorneqarsinnaasoq.

Iliuusissanut pilersaarut taamaalilluni siunertamik tapersiinermilu suliniutinut angusassat pillugit assigiimmik suleqatigiit paasisimasaqalernissaannut atorneqarsinnaavoq.

Inummut pissutsit immikkut ittut tapersiinermut pingaaruteqarsinnaasut ilanngunneqartassasut nr. 6-imi aamma aalajangersarneqarpoq, matumanilaquttat attaveqarfiillu, ilinniagaqarneq aamma suliffeqarneq kiisalu inuttut ikiorserneqartarneq katsorsartinneqarnerlu il.il. ilanngullugit.

Imm. 4-mut

Iliuusissanut pilersaarummik suliaqarneq sapinngisamik inuk nammineq, taassuma angajoqqaatut sinniisua aamma isumassuisut allat, kiisalu meeraq tassani pineqarpat angajoqqaatut akisussaasut oqaloqatigalugit aamma suleqatigalugit ingerlanneqassasoq aalajangersakkami imm. 4-mi aalajangersarneqarpoq.

Inuk aallaaviatigut nammineq isummaminik isummersuutiminillu oqaatiginnissinnaanissamut periarfissaqassaaq, pineqartup pisinnaasaqarnera, ukioqqortussusaa inerisimassusaalu peqqissaartumik mianerineqassallutik.

Inuit innarluutillit pisinnaatitaaffii pillugit Naalagaaffiit Peqatigiit isumaqatigiissutaanni aalajangiinissanut suliat ingerlaneranni inuit innarluutillit imminnut tunngasunik

aalajangiinerni akuutinneqarnissamut periarfissaqartariartut pillugu aalajangersagaq piviusunngortitsineruvoq.

Tamatuma saniatigut siunnersuummi § 23-mut oqaaseqaatit innersuussutigineqarput, tassani peqataatsineq aamma inunnik innarluutilinnik oqaloqateqarnermut tunngasut itinerusumik suliarineqarsimapput.

Imm. 5-imut

Inuup innarluutillip iliuusissanut pilersaarutaata ilai tulluartut najugaqarfimmut, inummut innarluutilimmut najugaqarfissaatut innersuussamut tunniunneqartassasut aalajangersakkami imm. 5-imi aalajangersarneqarpoq.

Iliusissanut pilersaarummik ilisimannineq siunnerfilimmik suliniuteqarnermut iluaqutaassasoq naatsorsuutigineqarpoq, tassani suleqataasut akuutinneqartut tamarmik anguniakkat assigiit angunissaannik sulissutiginnissallutik. Iliusissanut pilersaarummik ilisimatitsinermi tamakkiisumik isiginnittumik suliniuteqarnissamut tunngaviusut eqqarsaataasut, aamma najugaqarfissatut neqeroorummi piviusunngortinnejarnissaaq qulakkeerneqassaaq.

Iliusissanut pilersaarutip ilai suut tulluartuunersut taamaalillutilu najugaqarfimmut tunniunneqartussat pillugit tamatigut immikkut tigussaasumik naliliinerit tunngaviusassapput.

Imm. 6-imut

Kommunalbestyrelsip iliuusissanut pilersaarutaa inummut innarluutilimmut pineqartumut, kiisalu taassuma angajoqqaatut sinniisuanut imaluunniit angajoqqaatut akisussaasuinut tunniunneqartassasoq, aalajangersakkami imm. 6-imi aalajangersarneqarpoq.

Kommunalbestyrelsip inuit pineqartut iliuusissanut pilersaarummik tunineqartut, iliuusissanut pilersaarutip imai pillugit tamatigut ilisimatittassavai. Tamanna inummut ilitsersuisussaatitaanerup annertusineqarnera pillugu maleruagassatut paasineqassaaq. Ilisimatitsineq oqaatsit aammalua periaaseq inuup pisinnaasaqarneranik, ukiuanik inerisimassusaanillu mianerinnittooq atorlugit pissaaq, taamaalilluni inuup atassuteqaatigineqartut paassisallugit.

Imm. 7-imut

Aalajangersakkami imm. 7-ip malitsigisaanik Naalakkersuisut iliuusissanut pilersaarut pillugu, matumani ilusaa imarisaalu pillugit piumasaqarneq, kiisalu sulinermi piffissaliuussinermik piumasaqarneq aamma naammassinninnissaq pillugit maleruagassanik erseqqinnerusunik aalajangersaanissaannik pisussaaffilerneqarput.

§ 27-mut

Imm. 1-imut

Ulloq unnuarlu neqeroorummi najugaqarnermut atatillugu ineriartornissamut pilersaarummik suliaqartoqassasoq imm. 1-imi maleruagassap aalajangersarpaa, taannalu iliuusissanut

pilersaarummik kommunimit suliarineqarsimasumit aallaaveqassasoq. Ineriartortitsinissamut pilersaarut ulloq unnuarlu neqeroorummi najugaqalernerup kingorna kingusinnerpaamik qaammatit pingasut ingerlareersut, matumalu kingorna ukiumut minnerpaamik ataasiarluni neqeroorummi aqutsisunit suliarineqartassaaq.

Iliusissanut pilersaarutip siunertaa aamma siunnerfii aallaavigalugit, ineriartortitsinissamut pilersaarut perorsaanikkut sulinerup nassuiarneqarneranik imaqassaaq, tassani qulakkeerneqassalluni iliussisanut pilersaarummi siunnerfiit pingarnerit naammassineqarnissaat. Inunnut innarluutilinmut, ulloq unnuarlu neqeroorummiittunut tamaginnut ineriartortitsinissamut pilersaarutinik suliaqartoqassaaq.

Imm. 2-mut

Ineriartortitsinissamut pilersaarutit ilusissaat imarisassaallu pillugit Naalakkersuisut maleruagassanik erseqqinnerusunik aalajangersaanissamut, aalajangersakkami imm. 2-mi pisussaaffilerneqarput.

§ 28-mut

Imm. 1-imut

Ulloq unnuarlu neqeroorutip inuup innarluutilip ulloq unnuarlu neqeroorummiinnermini ineriartornera pillugu communalbestyrelse ilisimatittassaga, aalajangersakkami imm. 1-imu aalajangersarneqarpoq. Ilisimatitsissut minnerpaamik killiffimmut nalunaarusiatut iluseqartillugu nassiunneqartassaaq.

Imm. 2-mut

Ulloq unnuarlu neqeroorut siullerpaamik, inuup ulloq unnuarlu neqeroorummiilernera kingorna kingusinnerpaamik qaammatit pingasut qaangiunneranni, killiffimmut nalunaarusiamik communalbestyrelsimum nassiusssasooq, aalajangersakkami imm. 2-mi aalajangersarneqarpoq. Tamatuma kingorna killiffimmut nalunaarusiaq ingerlaavartumik nutarterneqartassaaq aammalu inuk innarluutilik 18-it inorlugit ukioqarpat ukiup affaani ataasiarluni, aamma inuk innarluutilik 18-it sinnerlugit ukioqarpat ukiumut ataasiarluni communalbestyrelsimum nassiuunneqartassalluni.

Killiffimmut nalunaarusiaq, inuup innarluutilip atugarissaarneranut ineriartorneranullu ataatsimut isigalugu isummerfiunermi saniatigut, aamma immikkuullarissumik inuup iliussisanut ineriartortitsinermullu pilersaarutaasa imarisaannut sanilliullugu, inuup killiffia pillugu communalbestyrelsimum paassisutissiiviussaaq.

Imm. 3-mut

Inuup peqqissusaatigut imaluunniit inuuniarnikkut atugarisaatigut annertuunik allanngortoqarsimappat imaluunniit ilimagineqarpat ulloq unnuarlu neqeroorummit killiffik

pillugu nalunaarusiap saniatigut imm. 2 naapertorlugu aamma kommunalbestyrelsip ilisimatinneqarnissaa imm. 3-mi aalajangersarneqarpoq.

Allannguutit annertuut assersuutigalugu tassaasinnaapput, inuup pisinnaasaqarnera tassanngaannartumik annertuumik sanngiillisooq, inuup pissusilersortarnera allangortoq aammalu imminooriarnissaa sakkortuumik arlerinaateqartoq, tassanngaannartumik napparsimalersoq imaluunniit assersuutigalugu timikkut tarnikkullu innarluuteqalerluni imaluunniit innarluuteqarnera allanngorluni misissorneqartoq il.il. Allannguutit annertuut aamma makkuusinnaapput inuup ilaquaanut tunngasut imaluunniit attaveqarfiinut tunngasuusinnaapput, assersuutigalugu angajoqqaatut sinniisusoq imaluunniit qanigisaasoq alla, ilanngullugu isumassuisut, toqukkut qimaguppat.

Allattukkat tamakkiisuunngillat. Ulloq unnuarlut neqeroorutip inummut tunngasuni allannguutit annertuut suulluunniit pillugit kommunalbestyrelse ilisimatissavaa.

Imm. 4-mut

Killiffimmut nalunaarusiap ilusissaa imarisassaalu pillugit maleruagassanik erseqqinnerusunik Naalakkersuisut aalajangersaassasut aalajangersakkami imm. 4-mi pisussaaffilerneqarput.

§ 29-mut

Imm. 1-imut

Inatsisartut inatsisaat manna malillugu inuk taperserneqarnissaq pillugu innersuunneqartussaq paasissutissanik imminut tunngasunik, inuup tapersiivigineqarnissamik pisariaqartitsinerata aalajangersarnissaanut pisariaqartutut isigineqartunik, kommunalbestyrelsip inuk innarluutilik tunniusseqquillugu piumaffigisinnaaga, aalajangersakkami imm. 1-imu aalajangersarneqarpoq.

Tamatuma saniatigut peqqissutsimut paasissutissanik, inuup tapersiivigineqarnissamik pisariaqartitsineranik aalajangersaanissamut pisariaqartunik, pissarsinissaq siunertaralugu, kommunalbestyrelsip inuk nakorsamit misissortissasoq piumaffigisinnaaga aalajangersarneqarpoq.

Aalajangersagaq pinngitsaaliisummik misissortitsinissamik periarfissiinngilaq.

Imm. 2-mut

Inummut innarluutilimmut tunngasut, inuup tapersiivigineqarnissamik pisariaqartitsineranik aalajangersaanissamut attuumassuteqartut pillugit paasissutissanik oqartussaasunit allanit piniarnissamut, kommunalbestyrelse inummit innarluutilimmit akuersisummiq piniassasoq aalajangersakkami imm. 2-mi aalajangersarneqarpoq. Angajoqqaatut sinniisut aamma angajoqqaatut akisussaasut paasissutissiussaatitaasunut aamma ilaapput.

Akuersisummiq piniartoqartarnissaa aalajangersakkatigut piumasaqaataavoq.

Ilisimatinneqareerluni akuersissut matumani pineqarpoq, tassa kommunimi sullissisoq,

inummut innarluutilimmut paasissutissanik inuup innarluutilip pisariaqartitaanik tunniussissasoq. Taamaalilluni akuersissut paasissutissat amigartut tunngavigalugit tunniunneqartoq akuersissutinngorsinnaavoq atorsinnaanngitsoq.

Imm. 3-mut

Inuk pineqartoq nammineq akuersisinnaanngikkaangat, akuersisummik peqqaarnani, aamma angajoqqaatut sinniseqarsimaguni sinniisigisaanit imaluunniit angajoqqaatut akisussaasuanit akuersisummik peqqaarnani, kiisalu paasissutissat inuup soqutigisaasa pingaarluinnartut illersornissaat pillugu pingaaruteqarluinnartuusut naliliisoqarpat, paasissutissanik attuumassuteqartunik piniarnissaq aalajangersakkami periarfissaqartinneqartoq imm. 3-mi maleruagassap aalajangersarpaa.

§ 30-mut

Imm. 1-imut

Aalajangersakkami imm. 1 § 60-imut aamma § 61-imut ataneqartillugu isigineqassaaq, tassani tapersiinissaq pisariaaruppat, communalbestyrelsip inummut innarluutilimmut tapersiinermik unitsitsinissamik imaluunniit allanngortitsinissamik pisussaaffeqarnera pineqarpoq.

Inuk Inatsisartut inatsisaat manna malillugu taperserneqartoq, tapersiivigineqarnissamut pisinnaatitaaginnarnissaanut pingaaruteqartut pillugit communalbestyrelsimit inummut aamma peqqissutsimut inooqatigiinnermullu tunngasunik kapitali 8 naapertorlugu inuk innarluutilik suli taperserneqarnissaminik pisinnaatitaaneranut imaluunniit kapitali 9 naapertorlugu ulloq unnuarlujajugaqarfinni najugaqartussatut innersuunneqarneq pillugit paasissutissiussaatitaasoq aalajangersakkami aalajangersarneqarpoq.

Paasissutissiussaatitaanermi inuup tapersorsorneqarsinnaatitaaneranut pingaaruteqarsinnaasut paasissutissat tamarmik pineqarput. Paasissutissiussaatitaasunut aamma angajoqqaatut sinniisuusoq imaluunniit angajoqqaatut akisussaasut pineqartunut ilaapput.

Imm. 2-mut

Inummut tapersiissutaasumik pisariaqartitsisimanngitsumut, taamaalillunilu taperneqarnissaminik pisinnaatitaasimanngitsumut tapersiisoqarsimatillugu, matumani tapersiissutigineqartoq akilerneqassasoq atortullu allat ilanngullugit, utertillugit piumasaqarnissamut imm. 2-mi communalbestyrelse pisinnaatinneqarpoq.
Utertsilluni akiliisoqassasoq imaluunniit atortunik utertsisoqassasoq pillugu aalajangerneq tapersiissutaasartut atorunnaarsinnissaat pillugu aalajangiinermut atatillugu aalajangerneqassaaq.

Kommunalbestyrelsip tapersiissutaasup utertillugu akilernissaanik piumasaqarsinnaaneranut piumasaqaataavoq, tapersiissutaasumut pisinnaatitaajunnaarsimaneq, inuup, taassuma angajoqqaatut sinniisuata imaluunniit angajoqqaatut akisussaasuisa ilisimasimassagaat.

Taamaalilluni aatsaat piffissamit, tapersiissutaasoq pisariaarussimasoq inuit pineqartut ilisimalerneranit, tapersiissutaasoq utertillugu akilerneqassasoq piumasarineqarsinnaalissaq.

Imm. 3-mut

Tapersiissutaasup imm. 3 naapertorlugu pisussaatitaanani tiguneqartarsimasup, utertillugu akilerneqarnissaa tapersiissutillu utertillugu tunniunneqarnissaa pillugit maleruagassanik erseqqinnerusunik aalajangersaasinnaasut, Naalakkersuisut pisinnaatinneqarput. Maleruagassat taakkua assersuutigalugu, qaqugukkut utertitsilluni akiliinissamut piffissarititaasut aamma ernialersuinerit il.il. pillugit tunngassuteqarsinnaapput.

§ 31-mut

Imm. 1-imut

Oqartussaasut paasissutissat allattorneqarsimasut inummut tunngasut, matumani paasissutissat inunnut tunngasut mianernartut ilanggullugit, suliani aalajangersimasuni paarlaasseqatigiissutigisinnaagaat ingerlateqqillugillu aalajangersakkami imm. 1-imi naqissuserneqarpoq. Suliaqartut suliaq aalajangersimasoq pillugu suliassaqarfitt assigiinngitsunik suliallit akornanni suliaqartunik allanik oqaloqateqartarnissartik akulikitsumik pisariaqartilertarmassuk aalajangersakkami tunngaviuvoq. Taamaalilluni inunnut innarluutilinnut suliassaqarfimmi suliaqartut suliaq aalajangersimasoq pineqartoq pillugu suliaqarneranni tapersorsorneqarnissaat aalajangersakkami siunertaavoq.

Paasissutissanik katersuinerup suliap suliarineqarneranut pingaaruteqarnissaa piumasaqaataavoq aammalu siunertaq erseqqarissumik piviusorsiortumik tunngaveqassasoq piumasaqaataalluni. Tamatuma saniatigut paasissutissat katersorneqartut suliamut attuumassuteqartuussapput anguniakkallu angunissaanut paasissutissat pisariaqartuinnaat sinnerlugit katersuisoqassanngilaq.

Aalajangersagaq naapertorlugu paasissutissanik paarlaasseqatigiinneq taamaallaat oqartussaasut aalajangersakkami taaneqarsimasut akornanni pisinnaavoq.

Inunniq paasissutissanik suliariinnittarneq pillugu inatsisip Kalaallit Nunaanni atuutilersinneqarnera pillugu peqqussummi §§ 6-imut 8-mut aalajangersakkanut Inatsisartut inatsisaat manna ilaammat, aalajangersakkami erseqqissarneqarpoq.

Inuup innarluutillip, angajoqqaatut sinniisup imaluunniit angajoqqaatut akisussaasup oqartussaasut akuersaarneri aallaavittut pisariaqartinneqartut oqartussaasut akornanni paasissutissanik paarlaasseqatigiittarnerit pillugit aalajangersakkattaq naqissuserpaa, taamaattorli imm. 2 takuuk.

Imm. 2-mut

Imm. 1 naapertorlugu akuersisoqarusunngippat, imaluunniit pissutsit allat pissutigalugit akuersineq pissarsiarineqarsinnaanngippat, taava aalajangersakkap imm. 2-ani aalajangersarneqarpoq paasissutissat inunnut tunngasut, matumani paasissutissat inunnut tunngasut mianernartut ilanngullugit, paarlaanneqarsinnaasut, suliami pissutsit, matumani inuup inatsisitigut illersugaaneranut iluaqutaasussaqartoq nalilerneqarpat.

§ 32-mut

Imm. 1-imut

Innuttaasut tamarmik nalunaaruteqartussaatitaanerat nalinginnaasoq aalajangersakkami pineqarpoq.

Inuk innarluutilik atugarissaarneranik, peqqissusaanik imaluunniit ineriarneranik ularianartorsiortinneqarluni inuusoq innuttaasutut paasisimasaqarfigileraanni nalunaaruteqartussaaneq atuutilertarpoq.

Nalunaarutiginninneq qanoq pissanersoq pillugu piumasaqaateqartoqanngilaq. Allakkatigut imaluunniit nammineq ornigunnikkut saaffiginnissutaasinnaavoq. Aamma e-mail imaluunniit oqarasuaat atorlugu nalunaaruteqartoqarsinnaavoq.

Nalunaarutiginninnerup tigunerata kingorna nalunaaruteqarnerup itisilerneqarnissaa kommunalbestyrelsimit pisariaqartinneqarsinnaavoq. Nalunaarutiginninneq pillugu paasissutissanik amerlanerusunik pissarsinissaq siunertaralugu kommunip innuttaasoq nalunaarutiginnissimoq attavigissallugu toqqarsinnaavaa.

Inuk innarluutilik taperserneqarnissaminik pisariaqartitsisoq ilimagineqarpat kommunalbestyrelse § 36 tunngavigalugu pisussaatitaavoq inuup innarluutillip inuunermini atugai misissussallugit. Taamaattoqarpallu inuup tapersiivigineqarnissaa pillugu neqerooruteqarnissamik communalbestyrelse pisussaaffeqarpoq.

Nalunaaruteqartussaatitaaneq inuup pisussaaffigaa. Taamaalilluni inuk innarluutilik ikorneqarnissamik pisariaqartitsisoq ilimagineqartorlu pillugu paasisaqlaraanni ernumassuteqarneq quisuarifigissallugu aamma iliuuseqarfigissallugu innuttaasumut pisussaaffiuvoq. Taamaalilluni communalbestyrelsimi isumaginninnermi ingerlatsiviup attavigineqarnissaa inummit ataatsimit pisussaatitaaffiuvoq, taamaalillunilu inuk innarluutilik pillugu ernumassuteqarnerminik apuussisussaatitaalluni.

Inummit atiminik taasisimanngitsumit nalunaarutiginninnermik communalbestyrelse tigusaqaruni communalbestyrelse siunnersummi § 36 tunngavigalugu inuup innarluutillip atugarisaanik misissuissaaq, tamanna inummit atiminik taasisumit taasisimanngitsumilluunniit pisimappat apeqqutaanngilaq.

Imm. 2-mut

Aalajangersagaq qaammatisiutit ullui malillugit sulisoqartarnermik aallaaveqarpoq, ima paasillugu, tassa kommunalbestyrelsip assersuutigalugu nalunaarutiginninneq marlunngornermi tiguppagu, taava kingusinnerpaamik marlunngornerup tulliani nalunaarutiginninnermik tigusaqarsimaneq pillugu allakkatigut upternarsaammik nassiuissisoqassaaq. Qaammatisiutit ullui ilivitsukkaat tunngavigalugit sulisoqartarpoq, taamaattumik nalunaarutiginninneq qassinut tiguneqarsimanersoq pingaaruteqanngilaq.

Nalunaarutigiintup nalunaarutiginninneranik kommunip tigusaqarsimaneranik, taamaalillunilu inuup innarluutilip atugaanik misissuinissamut akisussaaffimmik tigesisimasoq upternarsaammik nalunaarutiginnittup erseqqissumik ilisimatinneqarnissaq pillugu kissaateqarnermik aalajangersagaq allaaveqarpoq.

Kommunalbestyrelsip upternarsaataa taamaallaat nalunaarutiginninnerup kommunalbestyrelsimit tigesisimaneranik allakkatigut upternarsaataavoq. Taamaattumik upternarsaat nalunaarutiginninnerit ataasiakkaat pillugit kommunalbestyrelsip qanoq iliorniarniarnerluni isumaliutersuutanik imaqassanngilaq. Inuup nalunaarutiginnittup taamaalilluni inummut ernumassutini tunngavissaqarnersoq imaluunniit nalunaarnermi kommunalbestyrelsip inuup atugarisaanik misissuinermik aallartitsineranik kinguneqassanersoq imaluunniit inummut kommunalbestyrelse tapersiinermik aallartitsissanersoq il.il. piumasaqaatigisinnaanngilaq paasissallugu.

Maluginiarneqassaaq nalunaarutiginnittoq nalunaarutiginninneq tunngavigalugu suliimi peqataasutut (illuatungiliuttut) inissisanngimmat. Inuk nalunaarutiginnissimasoq taamaammat suliap ingerlaneranik ilisimatinneqassanngilaq kiisalu kommunalbestyrelsip suliarisassatut suliarinngisassatulluunniit aalajangiineranik naammagittaalliuutiginnissinnaanermik pisinnaatitaaffeqarani.

Inuk nalunaarutiginnittoq suliimi peqataanngimmat, suliassamut tunngasunik ilisimasaqarsinnaatitaaneq pisortat ingerlatsinerat pillugu paasitinneqarsinnaatitaaneq pillugu inatsit malillugu taamaallaat pisinnaavoq, matumani inuup nammineq paasissutissat tunniussai ilanngullugit.

§ 33-mut

Imm. 1-imut

Sulisut aalajangersimasut sakkortusisamik nalunaarutiginnittussaatitaanerat maleruagassami aalajangerneqarpoq, taakku inunnik innarluutilinnik akissarsiutigalugu sullissinerminnut atatillugu inunnut innarluutilinnut attaveqartarput, taamaammallu inuup innarluutilip pisariaqartitaanut ilisimasaqarnissaat naatsorsuutigineqarsinnaalluni. Taakku perorsaasuukkajupput, ilinniartitsisuullutik, kigutigissaasuullutik, nakorsaallutik peqqissaasuullutillu tamatuminnga ilisimasaqalersartut.

Sakkortusisamik nalunaarutiginnittussaatitaaneq, sulisutut suliamut ilisimasaqartutut suliaqarnerminnut atasumik inuup innarluutilip eqqortumik tapersorsorneqarneranik ernumagisaqarneranni taamaallaat pissaaq. § 32 malillugu nalinginnaasumik nalunaarutiginnittarnerup akerlianik, tassani pineqarmata inuup innarluutilip avatangiisai ernumanartortaqarnersut, imaluunniit inuk innarluutilik atugarliorpasittooq, taava § 33 malillugu sakkortusisamik nalunaarutiginnittussaatitaanermi pineqarpoq, inuup innarluutilip tapersorsorneqarnissamik pisariaqartitsinera, imaluunniit tapersersuut pineqartoq naammanngitsoq. Uani sulianik ilisimasallip ilimasuutai, taakku inuup innarluutilip ataatsimut isiginnilluni tapersorsorneqarnissamik pisariaqartitaanik tunngaveqartut, pineqarput.

Aalajangersakkap iluani inuit sullisisut nalinginnaasumik suliaminnut atatillugu inatsisit malillugit imaluunniit suliffiup iluani malitassat malillugit nipangiussisimasussaatitaapput. Assersuutigalugu nakorsat pisortani sulisut allat assigalugit inatsisitigut nipangiussisimasussaatitaapput. Nalinginnaasumik nipangiussisimasussaatitaaneq taamaattoq taamaattumik siunnersuut manna malillugu sakkortusisamik nalunaarutiginnittussaatitaanermi tunuartinneqassaaq. Taamaattumik sulianik suliaqartartut taaneqartut taakku, naak nalinginnaasumik nipangiussisimasussaatitaagaluarlutik, siunnersuut manna malillugu pisussaatitaapput kommunalbestyrelsimum nalunaarutiginnissallutik, aamma pisuni inatsisit maleruagassallu allat malillugit nipangiussisimasussaatitaagaluarlutik.

Imm. 2-mut

Aalajangersakkami ullorsiutit malinneqarput, imaappoq, assersuutigalugu communalbestyrelse nalunaarutiginnissumik marlunngornermi tigusiguni, taava tigusisimanermut uppernarsaammik kingusinnerpaamik marlunngornermi tulliuttumi nassiussisoqassaaq. Ullorsiutini ullut ilivitsukkuutaat atorlugit naatsorsuisoqartarpoq, taamaalilluni nalunaarutiginninnermik tigusinermi qassinut tiguneqarsimanera pingaaruteqanngilaq.

Nalunaarutiginnittup, communalbestyrelsip nalunaarutiginninnermik tigusisimaneranik, taamaattumillu inummut innarluutilimmuit pissutsit pillugit misissuinissap akisussaaffigineqarneranik tigusinerata, erseqqisumik nalunaarutigineqarnissaata kissaatigineqarnera aalajangersakkap aallaavivaa.

Kommunalbestyrelsip uppernarsaataa taamaallaat allakkatigut communalbestyrelsip nalunaarutiginninnermik tigusisimaneranik uppernarsaataavoq. Taamaammat communalbestyrelse nalunaarutiginninnermi pineqartumi suniarnersoq pillugu uppernarsaammi allassimasoqassanngilaq. Inuup nalunaarutiginnittup taamaammat inummut ernumassutimi tunngaveqarsimaneranik imaluunniit communalbestyrelsip inummut pissutsinik misissuinissaanut aallartitsinermik nalunaarutiginnineq kinguneqarsimanersoq, imaluunniit communalbestyrelsip inummut tapersiineq aallartissimaneraa il.il., pillugit paasitinneqarnissaq pisinnaatitaaffigingilaa.

Maluginiarneqassaaq nalunaarutiginnittooq nalunaarutiginninneq tunngavigalugu suliami peqataasutut (illuatungiliuttut) inissisanngimmat. Inuk nalunaarutiginnissimasoq taamaammat suliap ingerlaneranik ilisimatinneqassanngilaq kiisalu communalbestyrelsip suliarisassatut suliarinngisassatulluunniit aalajangiineranik naammagittaalliuutiginnissinnaanermik pisinnaatitaaffeqarani. Inuk nalunaarutiginnittooq suliami peqataanngimmat, suliassamut tunngasunik ilisimasaqarsinnaatitaaneq pisortat ingerlatsinerat pillugu paasinneqarsinnaatitaaneq pillugu inatsit malillugu taamaallaat pisinnaavoq, matumani inuup nammineq paassisutissat tunniussai ilanngullugit.

§ 34-mut

Imm. 1-imut

Nr. 1-imut

Ataqatigiissumik pitsaliuillunilu suliniuteqarneq aalajangersakkap qulakkiissavaa, tamannalu kommunimut nuuffigineqartumut, inummut innarluutilimmut kommunimut nuussimasumut, inuk innarluutilik nammineq angerlarsimaffimmini najugaqarpat, ulluinnarnilu isumassorneqarnera qanigisanit isumagineqarpat, taava tapersiinissamik pisariaqartitsineq sapinngisamik piaernerpaamik kommunimut nuuffigineqartumut ilisimatitsissutigineqarnissaa aalajangersakkap qulakkiissavaa.

Amerlanertigut imaakkajuttarpoq, § 38 malillugu inummut innarluutilimmut tapersiinissamik aningaasaliisoqareersimalluni, kiisalu § 40 malillugu qanigisaasunut aningaasatigut tapersiinissamik aningaasaliisoqareersimalluni.

Aalajangersakkamut tunuliaquataasoq unaavoq amerlanertigut pineqartarmat inuk innarluutilik annertuumik ikiorneqarnissamik pisariaqartitsisoq eqqarsaatigalugulu, inuup nammineq angerlarsimaffimmini qanigisaminit isumassorneqartumut qinigassaq alla tassaammat siunnersummi § 48 malillugu ulloq unnuarlu neqeroorummut innersunneqarnissaa. Inuup tapersorsorneqarnermik pisariaqartitamnik suli pisarnissaa aamma inuup atugarissaarnera navianartorsiortinneqassanngitsoq aalajangersakkap qulakkiissavaa.

Nr. 2-mut

Siunnersummi kapitali 9 malillugu inuk innarluutilik najugaqarfissatut neqeroorummut innersunneqarsimappat, namminerlu piumassutsini malillugu kommunini qimassimappagu, ataqatigiissumik pitsaliuillunilu suliniuteqarnermi kommune nuuffigineqartoq piffissaq siusinnerpaaq atorlugu inummut innarluutilimmut tapersiinissamik pisariaqartitsineq pillugu ilisimatinneqassasoq aalajangersakkap qulakkiissavaa.

Inuit innarluutilit siunnersummi kapitali 9 malillugu najugaqarfissatut neqeroorummik neqeroorfingineqarsimasut pineqarmata aalajangersakkap tunuliaqutigaa. Inuup

pisariaqartitaminik aammalu taamaalilluni inuup atugarissaarneranut
navianartorsiortinneqannginnerani, inuup suli tapersiissutinik pisarnissaa aalajangersakkap
qulakkiissavaa.

Nr. 3-mut

Inuk innarluutilik, siunnersuummi kapitali 8 malillugu tapersorsorneqarnissamik
aningaasaliiffigineqartoq, namminerlu piumassutsini malillugu kommunini qimassimappagu,
ataqatigiissumik pitsaliuillunilu suliniuteqarnermi kommune nuuffigineqartoq piffissaq
siusinnerpaaq atorlugu inummut innarluutilimmut tapersiinissamik pisariaqartitsineq pillugu
ilisimatinneqassasoq aalajangersakkap qulakkiissavaa.

Kapitali 8 malillugu inuk tapersorsorneqanngikkuni atugarissaarnerata
navianartorsiortinneqarsinnaanera communalbestyrelsip nalilerpagu, taama pisoqarnerani
kommunit akornanni nalunaarutiginninnermik pisoqassasoq aalajangersakkami taamaallaat
piumasarineqarpoq.

Imm. 2-mut

Paasissutissat pisariaqartinneqartut nassiunneqarnissaat aalajangersakkap qulakkiissavaa,
taamaalilluni commune nuuffigineqartoq ajornartorsiutit suunerinut
paasinnipallassinnaaniassamat tapersiissutinillu aallartitsilluni. Aalajangersakkami
paasissutissanik nutaanik katersinissaq piomasqaataanngilaq, taamaallaat kommunip
qimanneqartup paasissutissat pigeriikkami nassiunnissaat piomasarineqarluni. Paasissutissat
iliusissanut pilersaarutaasinnaapput, oqarasuaatikkut oqaluunnernit allakkiaasinnaallutik,
inummut ilaquaasunullu nalilersuinerusinnaallutik, soleqatikkuminartuuneq pillugu
paasissutaasinnaallutik il.il.

Imm. 3-mut

Aalajangersakkat imm. 1-imi 2-mi allassimasut ilaqtariit inummik innarluutilimmik ilallit
Kalaallit Nunaata avataanut nuunneranni taamatuttaaq atuupput. Ataqatigiissumik
pitsaliuillunilu suliniuteqarneq aalajangersakkamut pingaruteqarpoq, tassani Kalaallit
Nunaata avataani kommune nuuffigisap sapinngisamik piaernerpaamik, inuup innarluutilip,
kommunimut nuuttup, tapersorsorneqarnissaminik pisariaqartitsissaguni
pisariaqartitsinissaanik, sapinngisamik piaernerpaamik ilisimatinneqarnissaa
aalajangersakkap qulakkiissavaa.

§ 35-mut

Imm. 1-imut

Aalajangersakkap nuna tamakkerlugu nalunaarutiginnittarnermut ataqatigiimmik
aaqqissuussinermik pilersitsinissaannut Naalakkersuisut pisinnaatippai, taassuma § 32-imit
34-imut nalunaarutiginninnerit nakkutigisinnaassavai, aamma taamaaliornikkut
nalunaarutiginnittarnerit qanoq amerlatigineranni sunillu imaqrnerannik pitsaanerusumik

tamakkiisumik isigineqarsinnaalissallutik. Nalunaarsuutinut Naalakkersuisut akisussaasuussapput.

Imm. 2-mut

Nuna tamakkerlugu nalunaarutiginnittarnermut ataqtigiimmik aaqqissuussinermut ingerlatsinissamut, nalunaarsukkanik nakkutiginninnissamik katersinissamillu, maleruagassanik erseqqinersunik Naalakkersuisut aalajangersaasinnaanerannik aalajangersakkap pisinnaatippai.

§ 36-mut

Imm. 1-mut

§ 25 malillugu qulaajaaneq aallartinneqassanersoq aalajangiiffingiarlugu, paassisutissat nalunaarutiginninnermi tunniunneqartut ima pissuseqarnersut, kommunalbestyrelse piaernerpaamik, taamaattorli kingusinnerpaamik ulla suliffit 5-it ingerlaneranni aalajangiissasoq, aalajangersakkap aalajangersarpaa.

Taamaattumik kommunalbestyrelsip aallarniutigalugu nalunaarutiginninnerup qanoq uppennassuseqartiginera nalilersussavaa. Inuk, ikiorserneqarnissamik pisariaqartitsisoq pasitsaanneqarpat, kommunalbestyrelsip qulaajaaneq aallartissavaa.

Aalajangerneq allaganngorlugu suliarineqassaaq aamma nalunaarutiginninnermut ilanngullugu toqqorneqassalluni.

Imm. 2-mut

Qulaajaanissap aallartinnissaanut piffissaliineq tassaavoq piaernerpaamik pissasoq aamma nalunaarutiginninnerup tigunieranit kingusinnerpaamik sapaatip akunneri marluk kingorna pissasoq.

Imm. 3-mut

Nalunaarutiginninneq pissutsinut sakkortuunut tunngassuteqarpat, soorlu allattorneqarsimasutut uku pineqarpata, paarinerlugaaneq, persuttaagaaneq kinguaassiuutitigullu atornerlugaaneq, taava kommunalbestyrelse piaernerpaamik taamaattorli kingusinnerpaamik ulla suliffit pingasut kingorna qulaajaanermik aallartitsissalluni iliuuseqarnissamut pisussaaffeqartoq aalajangersakkap aalajangersarpaa. Nukinginnartumik tapersiisoqassanersoq, utaqqiisaagallartumik atuussinnaasumik aamma inummut innarluutilimmut illersuutaasinnaasumik, inuup innarluutillip pisariaqartitaanut atatillugu itinerusumik siunnerfeqarnerusumik eqqornerusumillu tapersiissutissatut iliuusissat qulaajaaffigineqarnissaata tungaanut atuussinnaasumik kommunalbestyrelse isummissasoq aalajangersakkap piumasaqaatigaa.

Taamaalilluni kommunalbestyrelse erngerluni qanoq iliuuseqassasoq aalajangersakkami peqquneqarpoq, matumanik kingusinnerpaamik ulla suliffiusut 3-t iluanni § 38, imm. 4 malillugu ikorsiissutaagallartut aallartinneqarsimassasut aamma § 25, imm. 1 malillugu qulaajaaneq isumagineqarsimassasoq.

Piffissaliineq sivikillisaq 3-nik aalajangersimasunik sakkortuumik sumiginnaasoqartillugu atorneqassaaq;

- 1) Paarinerlugaaneq: Paarinerlugaaneq ima paasineqassaaq tassa timikkut sumiginnaaneq, tassani inuk innarluutilik ajortumik kinguneqartumik pineqartoq imaluunniit amigartumik paarineqarnermigut paaqqutarineqarnermigullu timikkut sakkortuumik tujormitinneqartoq. Assersuutit tassaasinnaapput, inuk innarluutilik pitsaasunik iluamik nerineq ajortoq imaluunniit silap piussaanut naleqquttunik atisaqanngitsoq. Paarinerlugaaneq aamma pisinnaavoq, inuk iliutsinik nikanarsaataasunik pineqarpat imaluunniit oqaatsikkut nikanarsagaappat. Assersuutit allattorneri tamakkiisunngillat.
- 2) Persuttaagaaneq: Persuttaagaaneq ima paasineqassaaq tassaasoq iliuuseq imaluunniit sioorasaarineq, qanorluunniit siunertaqaraluaruni inuup innarligassaannginneranik ajoqsiisinnaasoq imaluunniit inummik innarluutilimmik ersilersitsisoq, anniartitsisoq imaluunniit ajoqsiisoq. Persuttaagaaneq inummut innarluutilimmut toqqarlugu persuttaaneruppat imaluunniit inuk persuttaanermik takunnittusimappat tamanna atuuppoq. Persuttaagaaneq nammineq piaaraluni iliuusaasinnaavoq imaluunniit kamaammerujussuarnermi iliuusaasinnaalluni.
- 3) Kinguaassiuutitigut atornerlugaaneq: Kinguaassiuutitigut atornerlugaaneq ima nassuarneqassaaq, tassaasoq inuit akornanni nammineq piumassuseq aallaaviginagu aamma naligiissuseqannginneq tunngavigalugu kinguaassiuutikkut iliuuseq aamma inuup innarluutilip nammineq kinguaassiuutitigut pisariaqartitaanik isumaginniffiunngitsoq.

Kinguaassiuutitigut atornerlugaanermut assersuutit tassaasinnaapput:

- inuk innarluutilik nammineq naameerluni oqarsinnaanngitsoq, kisianni timimigut takutikkaa kinguaassiuutitigut attaveqarneq kissaatiginagu.
- inuk innarluutilik kinguaassiuutitigut iliuutsimut peqataanissamut timikkut imaluunniit tarnikkut pissaaneq atorlugu pinngitsaalineqartoq.
- innarliisup inuup innarluutilip nammineersinnaannginnera imaluunniit nammineq pissaanini tunngavigalugu atornerluppagu.
- Kinguaassiuutitigut attaveqatigiinneq taamaallaat innarliisup pisariaqartitaanik aallaaveqarpat.

Imm. 4-mut

Inummik innarluutilimmik paarsinerluisoqartoq, persuttaasoqartoq imaluunniit kinguaassiuutitigut atornerluisoqartoq pillugu pasitsaassisqarsimatillugu kommunalbestyrelse erngerluni politiinut nalunaarutiginninnissaaq. Politiinut nalunaarutiginnittoqassappat isumaginninnermi qulaajaanerup naammasseqqaarneqarnissaa utaqqineqassanngilaq.

Kommunalbestyrelsip qulaajaaneq ingerlanneqassasoq pillugu aalajangiinera politiit pisoq pillugu misissuineranut attuumassuteqanngilaq.

Kommunalbestyrelsip taamaalilluni politiinut nalunaaruteqarneq pissutigalugu kommunip qulaajaanissa kinguartissanngilaa, soorlu communalbestyrelsip aamma qulaajaaneq ingerlasoq, politiit ingerlasumik misissuinerat imaluunniit assingusumik suliaqarnerat innersuussutigalugu, unitsissanngikkaa imaluunniit allatut iliorluni atorunnaarsissanngikkaa imaluunniit allatigut unitsissanngikkaa.

Imm. 5-imut

Pisuni communalbestyrelsip nammineerluni nalunaarutiginninnerlu tunngaviginagu, inuk innarluutilik ernumanartunik atugaqartoq paasippagu, taava aalajangersakkap aalajangersarpaa aalajangersakkami imm. 1-imuit – 4 ilanngullugu piffissaliineq pillugu piumasaqaatit assinganik communalbestyrelse piffissaliineq pillugu piumasaqaateqarfigineqassasoq.

§ 37-mut

§ 37-imu aalajangersagaq siunnersuutigineqartoq, inunnut innarluutilinnut, inummullu innarluutilimmut ilaquaasunut, nalinginnaasumik siunnersuisarnermut iltsersuisarnermullu tunngassuteqarpoq.

Imm. 1-imut

Kommunalbestyrelse inunnut innarluutilinnut siunnersuissasoq aamma iltsersuissasoq imm. 1-imu aalajangersakkami siunnersuutigineqarpoq. Aalajangersagaq malillugu siunnersuineq, inuup innarluuteqarnerata malitsigisaanik, ataasiakkaat ulluinnarni aporfiiisa, anigorniarnissaannut periarfissaasa patajaallisarneqarnissaannik siunertaqassaaq.

Inuup innarluutilip aalajangersagaq malillugu siunnersorneqarnissamik pisinnaatitaaffeqarneranut, inuk siunnerfigineqartuni ilaassasoq imaluunniit Inatsisartut inatsisaat malillugu tapersiivigineqarnissamik pisariaqartitsissasoq piumasaqaataanngilaq. Inuup inatsisartut inatsisaanni § 6, imm. 2-mi nassuarneqartumik innarluuteqarnera, aammalu inuup ulluinnarni innarluuteqarnermi malitsigisaanik aporfekartarermik misigisaqartarnera naammapput.

Siunnersuinissamik pisariaqartitsinerup annertussusaata nalilersornissaa, aammalu periarfissat kommunimi atuuttut imaluunniit oqartussat allat suleqatigalugit periarfissaatinneqalersinnaasut naliliiffigineqarnerat aallaavigalugu siunnersuineq qanoq aaqqissuunneqassanersoq communalbestyrelsip isummerfigissava.

Siunnersuineq paassisutissani ataasiakkaaniissinnaavoq, suliassatigut ajornartorsiuteqarnerani ikiunnersinnaavoq, oqartussanut allanut attaveqartitsinermiissinnaavoq, imaluunniit pisariaqartitsineq apeqqutaalluni ingerlaavartumik attaveqaqatigiittarnissaq pineqarsinnaalluni.

Tamatuma saniatigut aalajangersakkami siunnersuutigineqarpoq inuit innarluutillit ilaquaat siunnersorneqartassasut, nalilerneqarmat aamma qanigisaasut inunnut innarluutilinnut qanigisatut siunnersorneqarnissaminnik pisariaqartitsisartut. Taanna periarfissaq aalajangersakkami siunnersuutaavoq.

Siunnersuinerup siunertaraa ilaatigut qanigisaasut innarluutaasoq pineqartoq pillugu pitsaanerusumik ilisimasaqarnerulernissaat anguniarneqassasoq, ilaatigut ilaquaasooq inummik innarluutilimmik qanimat najuitillugu ulluinnarni ingerlallualernissaa siunertaralugu tapersorsorneqassasoq.

Kina inummut innarluutilimmut ilaquaasutut isigineqassanersoq killissalersorneqarneranut atatillugu immikkut suliaq pillugu nalilersuineq apeqqutaassaaq. Nalilersuinermi inummut innarluutilimmut attaveqarneq piviusoq pingartinneqassaaq. Aammattaaq inuup inummut innarluutilimmut qanoq isumassuinera aamma ikiuisarnera naliliinermi pingartinneqarlutik isigineqassapput. Taamaalilluni ilaquaasup inuullu innarluutilip akornanni piviusumik attaveqatigiittoqassaaq, akulikitsumik attaveqatigiiffiusumik. Ilaquaasorli pillugu paasinnittaaseq nerukippallaamik nassuiarneqartariaqanngilaq.

Siunnersuineq ilitsersuinerluunniit peqqissartilluni oqaloqatigiinnertut, atortorissaarutinik ikuutaasunik toqqaaniarnermi siunnersuinertut kiisalu atortorissaarutit ikuutaasut taakku atornissaanut ilitsersuinertut pisinnaasoq aalajangersakkap immikkoortuani 1-imi, nr. 1-3-mi aalajangersarneqarpoq, allattorneqartulli tamakkiisuunngillat.

Imm. 1 malillugu peqqissartilluni oqaloqatigiinnernut siunertaavoq innarluuteqalersimanerup kingunerisaanik misigissutsikkut kingunerlutsitsinerup, imaluunniit assersuutigalugu meeqqap innarluuteqareerluni inunngorsimaneranik nassuersinnaanerup suliarinissaa, taamaalilluni inuup innarluutilip qanigisaatalu tapersiissut pisariaqartinneqartoq tigusinnaaniassammassuk. Aalajangersakkammi sullinniarneqartut tassaasinnaapput inuk innarluutilik soorlu aamma taassuma qanigisaasinnaasut, tamatuminnga pissuteqartumik inuunerminni sunnerneqartut.

Imm. 2-mut

Imm. 1 malillugu siunnersuineq immikkoortutut ikorsiissutaasinnaavoq imaluunniit Inatsisartut inatsisaat malillugu imaluunniit inatsisit allat malillugit tapersiinissamut atatinneqarsinnaalluni imm. 2-mi aalajangersakkami siunnersuutigineqartumi aalajangerneqarpoq.

Imm. 3-mut

Siunnersuineq aamma ilitsersuineq pillugu malittarisassanik Naalakkersuisut aalajangersaassasut imm. 3-mi pisussaaffilerneqarput.

§ 38-mut

§ 38-mi nutaajusumi aalajangersakkami siunnersuutigineqartumi, kommunalbestyrelsip inunnut innarluutilinnut tapersiissutigisinnaasaanut killissaliussat pingarnerit aalajangersarneqarput.

Imm. 1-imut

Inuup innarluutillip pisariaqartitsineranut tamanna pingaaruteqartutut isigineqartariaqarpat, Inatsisartut inatsisaanni kapitali 8 naapertorlugu tapersiisarneq pillugu imaluunniit kapitali 9 naapertorlugu najugaqatigifinni najugaqarneq pillugu aalajangersakkat tunngavigalugit kommunalbestyrelse aalajangiisassasoq imm. 1-imi siunnersuutigineqarpoq.

Innuttaasup, taassuma suliami sinnisuata qinnuteqarneratigut imaluunniit kommunalbestyrelsip nammineq ingerlataanik aalajangiisoqarsinnaavoq.

Tapersiissutip inuup innarluutillip pisariaqartitsineranut pingaaruteqartutut pissuteqartinneqarnissaanik piumasaqaat, pisariaqartitsinerit tamarmik tapersiinermik kinguneqarneq ajornerinik kinguneqarpoq. Tapersiinermut aalajangiiffiqeqartussamut, tapersiineq qanoq pingaaruteqartiginersoq aallaaviatigut inuup ataasiakkaap tapersiinissamik pisariaqartitai, ilaatigullu tapersiinerup ilusaa aallaavigalugit, nalilersuineq pissaaq.

Aalajangiinermi tunngaviusup atituujunissaa peqatigisaanik siunertarineqarmat erseqqissarneqassaaq, taamaalilluni Inatsisartut inatsisaanni tapersiinissamut perarfissat inummut ataasiakkaamut pissutsit nalilersorneqarnerinut naleqqiullugu, siunertarisamut naleqquttutut isigineqartillugu kommunalbestyrelsip tapersiisummik tunisisinnaanissaa akornuserneqassanani.

Imm. 2-mut

Inuk innarluutilik inuup pisariaqartitaannik pisinnaasaqarneranillu aalajangersimasumik ataasiakkaatigullu nalilersuineq tunngavigalugu tapersiivigineqassanersoq pillugu kommunalbestyrelse aalajangiissasoq imm. 2-mi aalajangersakkami siunnersuutigineqartumi aalajangersarneqarpoq. Nalilersuinerup ilaatut siullertut, inuk innarluuteqarnersoq aallaaviatigut paasinarsisinneqassaaq. Nalilersuineq taanna Inatsisartut inatsisaanni innarluuteqarnersoq pillugu nalilersuineq, pisariaqartunit annertunerussanngilaq. Inuup innarluutaa ersarissuuusinnaavoq, assersuutigalugu inuk avatiminik 1-imik arlalinnilluunniit amigaateqarpat. Pisuni taamaattuni annertunerusunik misissuinissaq pisariaqanngilaq. Pisuni allani inuup oqaloqatigineqarnera, imaluunniit inuup nakorsap nalunaarutaanik, immaqa allanut atatillugu piniarneqarsimasumik, saqqummiisimanera naammassisinnaavoq. Pisuni allani nakorsamit imaluunniit allanit misissortinnerit pisariaqassapput. Inuup

innarluuteqarnera imminermini Inatsisartut inatsisaat malillugu tapersiivigineqarnissamut pisinnaatitsiviunngimmat erseqqissarneqarpoq.

Inuk innarluuteqannngitsoq naliliisoqarpat, inuk Inatsisartut inatsisaat malillugu tapersiivigineqarsinnaanngilaq. Taamaalilluni communalbestyrelse innarluuteqannginnej tunngavigalugu, allanik nalilersuinani, aalajangiisinnaavoq.

Inuk innarluuteqartoq communalbestyrelse naliliippat, communalbestyrelsip, innarluuteqarnerup kingunerisaanik tunngaveqartumik, inuup tapersiivigineqarnissamik pisariaqartitai tulliullugit nalilersussavai, kiisalu inuup tapersiivigineqarnissamik pisariaqartitaanik naammassinnittumik tapersiineq qanoq annertutigissanersoq iluseqassanersorlu nalilersussallugu. Nalilersuineq taanna pisut ilaanni ajornanngitsusuusinnaavoq, assersuutigalugu inummuk tappiitsumut tappiitsunut ajaappiaanik tapersiivigineqarnissamik pisariaqartitsisoqartoq naliliinermi. Pisuni allani, inuk paasiniaaffiusumik arlaleriarlugu oqaloqatigeqqaarlugu aammalu immaqa sulianut ilisimasallit nalilersuinerannik piniaqqaarluni, annertunerusumik nalilersuinissaq pisariaqartinneqarsinnaavoq. Aalajangiinissamut qaqugukkut naammattumik tunngavissaqlissanersoq, suliani ataasiakkaani aalajangersimasunut nalilersuineq tamatigut apeqquaasussaavoq. Nalilersuineq pisariaqartunit annertunerussanngilaq.

Imm. 3-mut

Imm. 1 malillugu aalajangiisoqannginnerani inummik innarluutilimmik angajoqqaatullu sinniisoqarsimaguni sinniisanik imaluunniit angajoqqaatut akisussaasuinit oqaloqatigininnneq pissasoq aalajangersakkami imm. 3-mi aalajangerneqarpoq. Oqaloqatiginittarneq pillugu siunnersuutip § 23-ianut nassuaatit itinerusut uani innersuussutigineqarput.

Imm. 4-mut

Imm. 4-mi aalajangersakkami siunnersuutigineqartumi nukinginnartumik utaqqiisaagallartumillu tapersiisoqarnissaanik pisariaqartitsineq naammassineqarpoq. Suliani inuup oqaloqatiginissaanik aamma qualaajaavagineqarnissaanik kiisalu iliuusissanut pilersaarusiunneqarnissaanik utaqqisoqarsinnaannginneranik pisoqartillugu aalajangersagaq atorneqassaaq. Suliani taamaattuni communalbestyrelse tapersiisoqarnissaa pillugu aalajangiisinnaavoq, taamaalillunilu inuk innarluutilik oqaloqatigineqarsimanngikkaluarpat qualaajaasoqarsimanngikkaluarpalluunniit aamma iliuusissanut pilersaarut imaluunniit taakkua naammassineqarsimanngikkaluarpataluunniit tapersiineq aallartissinnaavoq. Aalajangersagaq assersuutigalugu atorneqarsinnaavoq inuk annertuumik innarluuteqalersimappat aamma taperserneqarnissaminik tuaviortumik pisariaqartitsilerfiani imaluunniit inuk nammineq angerlarsimaffimmittinnissaa illersorneqarsinnaanngitsoq communalbestyrelsip qualaajaanermut atatillugu paasippagu. Aalajangersagaq isumassortaasimasup assersuutigalugu angajoqqaajusup suliassaq suliarisinnaajunnaarpagu taamaalillunilu ulloq unnuarlu neqeroorummik pisariaqartitsisoqalernera pissutigalugu atorneqarsinnaavoq.

Tuaviortumik pisariaqartitsisoqartoq kommunalbestyrelsip nalilerpagu, taamaalillunilu oqaloqatiginnitoqarsimanngikkaluartoq aamma qulaajaanermik iliuusissatullu pilersaarummik naammassisoqarsimanngikkaluartoq tapersiinissaq pillugu aalajangiippat kommunalbestyrelse tuaviornerpaamik oqaloqatiginnissaq qulaajaallunilu iliuusissanut pilersaarummik suliaqassaaq. Qulaajaanermi iliuusissatullu pilersaarusrusiornermi paasineqarpat suli allamik tapersiisoqartariaqartoq imaluunniit inuk tapersiinermik allaanerusumik pisariaqartitsisoq taava kommunalbestyrelse qulaajaaneq aamma iliuusissanut pilersaarut naammassisq tunngavigalugu tamanna pillugu aalajangiissaaq.

Imm. 4-mi aalajangersagaq aamma pisuni qulaajaanermik naammassinnifiusimasuni kisianni iliuusissanut pilersaarummik naammassiffiusimanngitsuni atorneqassaaq.

§ 39-mut

Imm. 1-imut

Kapitali 8 naapertorlugu tapersiinissaq pillugu imaluunniit kapitali 9 naapertorlugu najugaqarfissatut neqeroorummi najugaqarnermut atatillugu aalajangiisoqareerpat, tapersiinermi siunertaq suli naammassineqarnersoq pillugu kommunalbestyrelse ingerlaavartumik malinnaatitsissasoq imm. 1-imu siunnersuutigineqarpooq. Inatsisartut inatsisaat manna imaluunniit inatsit alla malillugu innuttaasoq tapersiinernik allatut iluseqartunik pisariaqartitsinersoq kommunalbestyrelsip pisussaaffigivaa ingerlaavartumik malinnaatitsinikkut eqqumaffigissallugu.

Tapersiineq qanoq akulikitsigisumik malinnaatitsitsiviussanersoq pillugu erseqqarissunik malittarisassaliortoqarsinnaanngilaq. Innuttaasup ataasiakkaap taperserneqarnissamik pisariaqartitsinera aamma tapersiinerup qanoq innera apeqqutaatillugit tamassuma qanoq akulikitsiginissaa aalajangerneqartassaaq. Taamaalilluni assersuutigalugu, innuttaasoq ataavartumik allanngujuitsumillu innarluutilik atortorissaarutinik ikuutaasunik taperserneqarsimappat assersuutigalugu tappiitsut ajaappaannik tunineqarsimappat, akulikitsumik malinnaavagineqarnissaa piumasaqaataanavianngilaq. Akerlianik inummut skizofreniqartumut, ingialorteqarnissaminut aningaasaliiffigineqarsimasumut, akulikitsumik malinnaatitsinissaq pisariaqarsinnaavoq. Malinnaatitsinissap qanoq ittuunissaa piumasaaqtitaqanngilaq. Malinnaatitsineq assersuutigalugu tapersiinerup ingerlanerani ingerlaavartumik pisinnaavoq, inuup sullisisullu akornanni oqaloqatigiinnertut ingerlasinnaavoq assigisaanilluunniit.

Malinnaatitsinerup ilusissaa qanorlu akulikitsigisarnissaa pillugu piffimmi maleruagassanik kommunalbestyrelse aalajangersaasinnaavoq, taamaalilluni innuttaasup pineqartup tapersiivigineqarnissamik pisariaqartitsinera tunngavigalugu aamma tapersiineq aningaasaliiffigineqarsimasoq pisariaqaraangat, malinnaatitsineq akulikinnerusinnaalluni.

Imm. 2-mut

Ingerlaavartumik malinnaaviginninneq pillugu erseqqinnerusumik malittarisassaliornissamik aalajangersakkami imm. 2-mi Naalakkersuisut pisinnaatinneqarput.

§ 40-mut

Imm. 1-imut

Inuup innarluutillip, nammineq angerlarsimaffimini najugaqartup, ulluinnarni isumassorneqarneranik inummut isumaginnittumut, aningaasaqarnikkut communalbestyrelse tapersiissasoq imm. 1-imi siunnersuutigineqarpoq.

Pisuni ulloq unnuarlu neqeroorummut inissiinissaq aappaattut qinigassatuaalersillugu, aalajangersagaq manna nalinginnaasumik atorneqartassaaq.

Inummut nammineq najugarisamini najugaqartumut isumassuineq tunniunneqassammat aammattaaq piumasaqaataavoq. Taamaalluni inuk ulloq unnuarlu neqeroorummi najugaqarpat aalajangersagaq malillugu tapersiisoqarsinnaanngilaq.

Ilaquatasut qanigisat, matumani assersuutigalugu angajoqqaat meeqqaminnik innarluutilimmik isumassuinerat aamma aapparisaq imaluunniit inooqatigisaq aappaminut imaluunniit inooqatigisaminut innarluutilimmut isumassuinerat pineqartillugit aalajangersagaq atorneqassaaq.

Nalinginnaasumik aalajangersagaq qanigisaasunit atorneqassaaq, matumani assersuutigalugu angajoqqaanit meeqqaminnik innarluuteqartumik isumassuisut aamma aappirisaq inooqatigisarluunniit, aappirisamik inooqatigisamilluunniit innarluutilimmik isumassuisoq ilanngullugit.

Isumassuinerterik suliassap suussusaa angerlarsimaffimmi suliassanut pisariaqartunut inummut ikuunnerterik tapersersuinerterik imaqarpoq, ilaatigut inuttut eqqiluitsuunissamut ikuunnermut, matumani uffarnermut, qarngup kigutillu passunneqarnerannut, kukiarnermut aamma unngiarnermut, atisaajarnermut atisalorsornermullu, anartarfiliarnermut, ammip passunneqarneranut, timimi atortunut ikuutaasussanut ikuunnermut, soorlu alersinut ajutoornissamut pitsaliuiusunut, kiisalu atisanik errorsinermut, erruinermut, eqqiaanermut aamma nerisassiornermut. Aallaaviatigut Inatsisartut inatsisaa naapertorlugu inatsisikkullu tunngavigisaq tunngavigalugu malittarisassat malillugit suliassat suliarineqarnissaannut tapersiivigineqartussaagaluartunut taarsiullugu inuup ulluinnarni isumassuinerterik ingerlataqartup aningaasatigullu taperserneqartup suliassat suliarissassavai.

Kommunalbestyrelsip piviusumik nalilersuineq tunngavigalugu aallaaviusoq taanna saneqqussinnaavaa aammalu suliassanut immikkulliarissumik killissalorsorneqartunut, immikkorluinnaq ittunut ilassutaasumik tapersiisinhaalluni. Tamanna, inuk innarluutilik ilinniarsimasumit suliarineqartariaqartumik tapersiivigineqarnissamik pisariaqartitsippat, taamaallaat naleqquitissaaq. Kommunalbestyrelse aamma oqartussaasut allat

attuumassuteqartut, aalajangersagaq manna malillugu aningaasaqarnikkut tapersiisoqarsimanera apeqqutaatinnagu, allatut iluseqartunik tapersiissapput. Aalajangersagaq malillugu isumassuinermut aningaasaqarnikkut tapersiinerup, assersuutigalugu angerlarsimaffimmi peqqissaasoq, peqqinnissaqarfimmit ikioriissutaasussaq, taarsissanngilaa.

Imm. 2-mut

Imm. 1 malillugu inummut inuup innarluutillip ulluinnarni isumassorneqarneranik isumaginnitumut aningaasaqarnikkut tapersiineq, communalbestyrelsip inummik atorfinititsineratigut ikioriissutigineqassasoq imm. 2-mi siunnersuutigineqarpoq. Kommunalbestyrelsip inuup innarluutillip pisariaqartitsinera aammalu Inatsisartut inatsisaat manna imaluunniit inatsosit allat malillugit tapersiinissamut periarfissat allat tunngavigalugit, sapaatip akunneranut nalunaaquttap akunneri atorfinititsiviusussat aalajangersassavai. Nalunaaquttap akunnerisa amerlassusaat, inuup tapersiivigineqarnissamik pisariaqartitsineranik piviusumik nalilersuineq, aammalu suliassat suut suliarineqarnissaat tunngavigalugit aalajangersarneqassapput. Inoqtigiinni ilaasut allat nalinginnaasumik angerlarsimaffimmi sullissinermi peqataassasut, nalilersuineremi piumasaqaatinut ilaatinneqassapput. Taamaammat suliassat nalinginnaasumik inoqtigiinni ilaasut allat pisussaaffigisaasa suliarinissaannut aningaasanik tapersiisoqarsinnaanngilaq. Tamanna, aalajangersagaq manna malillugu isumassuinermik suliassaq inoqtigiinni ilaasumit imaluunniit qanigisaasumit allamit isumagineqarnera apeqqutaatinnagu, atutissaq.

Imm. 3-mut

Inuup atorfinitisinneqarsimasup siusinnerusukkut isertittagai ilanngaasigaanngitsut tamarmiusut tunngavigalugit akissarsiassat kisinneqartassasut imm. 3-mi siunnersuutigineqarpoq. Akissarsiarisimasanut uppernarsaat pigineqanngippat, taava akissarsiat SIK-p isumaqatigiissutai malillugit suliamik ilinniagaqanngitsup nalunaaquttap akunnermusiaatut minnerpaatut amerlassuseqartillugit allaavittut aalajangerneqassapput.

Namminersortutut inuussutissarsiummik ingerlataqaraanni kisitsinissamut tunngavissamik piviusorsiortumik pissarsinissaq ajornakusoorsinnaavoq, kisianni inuup tamatigut kukkunersiuisoq aqqutigalugu imaluunniit naatsorsuutit atorlugit isertitassat siusinnerusukkut ilanngaateqartinnagit isertitat aallaavittut kisinnissaanut atugassat uppernarsarsinnaavai. Pisuni piviusorsiortumik tunngaveqarluni kisitsinissamut tunngavissaqanngiffiusuni akigititat SIK-p isumaqatigiissutai malillugit suliamik ilinniagaqanngitsup nalunaaquttap akunnermusiaatut minnerpaatut amerlassuseqartillugit allaavittut kisinneqassapput.

Sapaatip akunneranut akunnialuinnarniit piffissaq tamaat sulinermut ilassutitut aningaasarsianik pisinnaaneq periarfissaavoq.

Imm. 4-mut

Inuup inoqutigiinni ilaangitsup atorfinitssinneranut atatillugu
pineqaatissinneqarsimannginnermik uppermarsaat pissarsiarineqartassasoq imm. 4-mi
siunnersuutigineqarpoq.
Taamaalilluni assersuutigalugu angajoqqaajusup meeqqaminik innarluutilimmik ulluinnarni
isumassuineranut tamannalu pillugu aningaasatigut tapersorsorneqartumut atatillugu
pineqaatissinneqarsimannginnermik uppermarsaammik aamma meeqqanik
pinerliisimannginnermut uppermarsaammik pissarsiniartoqarnissaa eqqarsaatigineqanngilaq.

Imm. 5-imut

Akissarsiat naatsorsorneqartarnerinut aamma naleqqussarnerinut tunngatillugu akissarsiat
pillugit maleruagassanik erseqqinnerusunik imm. 5-imi Naalakkersuisut
pisussaaffilerneqarput aalajangersaassasut, matumani aningaasat amerlanerpaaffissaat
ilanngulligit, imaappoq siornatigut isertitat ilanngaatitaqanngitsut naatsorsornerini isertitat
tunngavagineqartut qaffasinnerpaaffissalerneqassallutik. Taamatuttaaq
atorfinitssinneqarnissamut atugassaritaasut pillugit maleruagassanik erseqqinnerusunik
aalajangersaaqqulligit Naalakkersuisut pisussaaffilerneqarput.

§ 41-mut

Oqilisaassineq tapersiissutitut periarfissatut ingerlateqqinnejassasoq § 41-mi
siunnersuutigineqarpoq. Oqilisaassineq tassaatinneqarpoq angerlarsimaffiup avataani
inisisimagalnarneq, qanigisaasut taamaalillutik nalinginnaasumik isumassuiner
suliassamik isumaginnittusut oqilisaanneqassallutik. Oqilisaassivimmiinnerup
sivisussusaanut, pisut ataasiakkaat aammalu inuit ataasiakkaat tapersiivigineqarnissamik
pisariaqartitsinerat, apeqqutaassapput. Assersuutigalugu tassaasinnaavoq sapaatip akunnerata
naanerani akuttunngitsumik uteqqittartumik inisisimagalartitsineq, sulinngiffeqarluni
allamiinneq imaluunniit qaammatini arlalinni sivisussusilimmik allamiinneq. Oqilisaassineq
suliassanik ikiorneqarnerup saniatigut allatut ilusilimmik tapersiinertut iluseqarsinnaavoq,
matumani piginnaanngorsarneqarneq piginnaanngorsaqqinnejarnerluunniit il.il.

Oqilisaassiner mi aningaasarsiat pillugit aalajangersakkat erseqqinnerusut, aalajangersakkami
imm. 4-mi inatsimmi tunngaveqartumik nalunaarummi aalajangersarneqassapput.
Aalajangersakkamut matumunnga aalajangersakkanut ataasiakkaanut nassuaatit
innersuussutigineqarput.

Imm. 1-imut

Ulluinnarni isumassorneqarneq angajoqqaanit, qanigisaasunit allanit imaluunniit ilaqtariinnit
paarsisartunit nammineq angerlarsimaffimmi isumagineqarpat, kommunalbestyrelsip inuk
innarluutilik oqilisaassinissamik neqeroorfigissagaa imm. 1-imi siunnersuutigineqarpoq.

Imm. 2-mut

Kommunalbestyrelsip oqilisaassinertertut neqerooruteqarnissamut pisussaaffeqarneranut piisseeqataavoq, siullertut isumassuinermik suliassaq angajoqqaanut imaluunniit qanigisaasunut allanut isumassuinermik isumaginnittunut, annertuumik suliaqarnerunermik piisseeqassasoq, aappaattullu angajoqqaat imaluunniit qanigisaasut allat isumassuinermik isumaginniinnarsinnaanissaannut oqilisaassinissaq pisariaqartuussasoq. Pissuteqaataasut 2-t taakkua inuit annertuumik innarluutillit ikiorserneqartarerat pillugu nalunaarummi § 29, imm. 1-imi aamma 2-mi piumasaqaatinik ingerlatitseqqinnerupput.

Kommunalbestyrelse § 40-mi aalajangersagaq malillugu tapersiisimassasoq, § 41-mi siunnersuutigineqartoq malillugu oqilisaassinissamut piumasaqaataanngilaq.

Imm. 3-mut

Oqilisaassineq Inatsisartut inatsisaat malillugu ulloq unnuarlu neqeroorummi najugaqarnermi pisinnaasoq imm. 3-mi siunnersuutigineqarpoq. Inuk oqilisaassiffimmi inissinneqartussaq, ulloq unnuarlu neqeroorummi sullinniakkat iluanniitinneqarsinnaassaaq. Ulloq unnuarlu neqeroorummi oqilisaassineq pineqarmat, kommunalbestyrelsip ulloq unnuarlu neqeroorummi qitiusumik innersuussisarfik tassani inissisimanissaq pillugu isumaqatigiissuteqarfigissavaa.

Meeqqanut 18-it inorlugit ukiulinnut tunngatillugu oqilisaassineq Meeqqat tapersorsorneqarnissaannut Inatsisartut inatsisaanni § 37 malillugu ilaqtariinni paarsisartuni kommunimit aaqqissuunneqartuni akuerisaasunilu ingerlanneqarsinnaasoq aammattaaq siunnersuutigineqarpoq.

Taamaalluni aalajangersakkami siunnersuutigineqartumi, oqilisaassineq sumi ingerlanneqarsinnaanersoq pillugu killissalersuisoqarpoq. Inuup oqilisaassivimmi inissinneqartussap, inissisimanerup nalaani torersunik atugaqarluni piukkunnaatilimmik isumassorneqarnissaata tapersorsorneqarnissaatalu qulakkeerneqarnissaa allanngortitsinermi siunertaavoq.

Imm. 4-mut

Imm. 4-mi inunnut innarluutilinnut qanigisaasunit namminneq angerlarsimaffinni imaluunniit ilaqtariinni paarsisartuni isumassorneqartunut atatillugu, oqilisaassivimmi najugaqartarneq pillugu maleruagassanik erseqqinnerusunik aalajangersaassasut Naalakkersuisut pisinnaatinneqassasut siunnersuutigineqarpoq.

Pisinnaatisssut oqilisaassinertertut aningaasarsiat pillugit maleruagassanik erseqqinnerusunik aalajangersaanissamut atorneqassasoq naatsorsuutigineqarpoq, matumani ilaqtariit oqilisaassisut aamma ulloq unnuarlu paaqqinniffinni namminersortuni aningaasarsiassat annertussusaat, taakkulu ingerlaavartumik naleqqussarneqartarnissaat ilanngullugit.

§ 42-mut

Tapersersortitut ikiorti inunnut innarluutilinnut tapersiissutissatut periarfissatut ingerlateqqinnejassasoq § 42-imiksiunnersuutigineqarpoq. Ingiaqatiginnittup tapersersortitullu ikiortip allaassutigaa, tapersersortitut ikiorti ingiaqataaginnartussaanngimmat, kisianni perorsaanikkut suliniuteqartussaalluni. Tapersersortitut ikiortaasussap suliassaasa ilaat tassaasinnaavoq, assersuutigalugu kulturikkut aaqqissuussinernut imaluunniit pisiniarnernut ingiaqataaneq, kisianni inuk tapersersortaasoq ingiaqataanermut atatillugu perorsaanikkut suliniuteqartussaavoq. Taamaattumik tapersiineq tapersersortitut ikiorttitut ilusilik, inuk innarluutilik perorsaanikkut tapersersorneqarnissamik pisariaqartitsippat aammalu ingiaqateqarnissaq kisiat pisariaqartissimangippagu, tapersiissutigineqassaaq. Tapersersortitut ikiortip tapersiinertut iluseqarneranik aammalu taamaallaat inunnut annertuumik timikkut, tarnikkut, eqqarsartaatsikkut imaluunniit malussarissutsikkut pisinnaanikillisimasunuinnaq ikorsiissutigineqarsinnaasoq tamanna erseqqissarneqarpoq. Inunnut innarluutilinnut ingiaqateqartitsinertut aamma tapersersortitut ikiorttitut ilusilimmik tapersiisoqarsinnaavoq.

Imm. 1-imut

Imm. 1-imik siunnersuutigineqarpoq kommunalbestyrelse, inummut innarluutilimmut, nammeneq angerlarsimaffimminkinnarsinnaanissamut, najugaqaqatigiiffimmi imaluunniit najugaqarfimmi illersugaasumi perorsaanikkut tapersersorneqarnissamik pisariaqartitsisumut, tapersersortitut ikiortimik neqerooruteqassasoq. Aalajangersagaq annertuumik innarluutilit ikiorserneqartarnerat pillugu nalunaarummi § 24, imm. 1-imik ingerlatitseqqinneruvoq. Taamaattoq perorsaanikkut tapersersorneqarnissamik pisariaqartitsisoqassasoq aalajangersakkami erseqqissarneqarpoq.

Imm. 2-mut

Tapersersortitut ikiortip suliassaasa killissalersorneqarnerat imm. 2-mi siunnersuutigineqarpoq. Tapersersortitut ikiorti aalajangersagaq malillugu inummut innarluutilimmut tarnikkut, timikkut inooqatigiinnikkullu ineriarornerani kiisalu ulluinnarni suliassat sularinerinut ikuulluni tapersersuissaaq.

Tapersersortitut ikiortip assersuutigalugu sularisinnaavai nammineerluni timikkut asattarnissamut, atisalersortarnissamut, pisiniartarnissamut, nerisassiortarnissamut, aningaasaqarniarnermut, kommunimik attaveqartarnissamut, suliaqarniarnissamut, sunngiffimmi sammisassanut, ilaqtutanut ikinngutinullu attaveqartarnermut ikiortaanissaasarnissaq. Inuk innarluutilik peqatigalugu sullisisussanik suliaqartillugu tapersersortitut ikiortip ikiortussaavaa imaluunniit inuk innarluutilik nammineerluni suliaqarniartillugu iltsersuuttussaallugu.

Inuup tapersersortaasup suliassai taamaallutik inuup innarluutilip angerlarsimaffiani suliassanut killeqartinneqanngillat, kisiannili pisiniarfinni, suliffimmi pinngortitamiluunniit suliassanik ilaneqarsinnaallutik. Taagorneqartut tamakkiisuunngillat.

Aalajangersagaq annertuumik innarluutillit ikiorserneqartarnerat pillugu nalunaarummi § 25, imm. 1-imik aamma 2-mik ingerlatitseqqinneruvoq.

Imm. 3-mut

Tapersersortitut ikiortimik tapersiinissaq pillugu aalajangiinermini, tapersersortitut ikiortaasussap sapaatip akunneranut nalunaaquattap akunneri qassit tapersersuinermut atugassai, kommunalbestyrelsip aalajangersassagaa imm. 3-mi siunnersuutigineqarpoq.

Imm. 4-mut

Kommunalbestyrelse tapersersortitut ikiortimik atorfinitssissasoq imm. 4-mi siunnersuutigineqarpoq. Inuk innarluutilik qanoq tapersersorneqarnissaminik pisariaqartitsinersoq, taamaalillunilu tapersersortitut ikiorti sunik piukkunnaateqassanersoq, kommunalbestyrelsip tapersersortitut ikiortimik atorfinitssinermini pingaartissavaa. Inuup innarluutillip aamma tapersersortitut ikiortip imminnut naleqquttuunissaanut, tamatigut piviusumik nalilersuineq aallaaviusassaaq.

Imm. 5-imut

Tapersersortitut ikiortit pillugit maleruagassanik erseqqinnerusunik aalajangersaanissamut Naalakkersuisut pisinnaatinneqassasut imm. 5-imik siunnersuutigineqarpoq, matumani piukkunnassuseqarnissamut pisinnaasaqarfegarnissamullu piumasaqaatit aamma meeqqanik pinerliisimannginnermut upternarsaammik aamma pineqaatissinneqarsimannginnermik upternarsaammik pissarsiniarnermik piumasaqaatit ilanggullugit.

§ 43-mut

Imm. 1-imut

Meeqqap innarluutillip angajoqqaatut akisussaasua imaluunniit akisussaasui illoqarfimmuit allamut nuullutik najugaqalerneranni tamakkiisumik ilaannakortumilluunniit aningaasartuutinut kommunalbestyrelsip matussusiiinissamik neqerooruteqarsinnaanera aalajangersakkami nutaajusumi eqqunneqassasoq siunnersuutigineqarpoq.

Kommunalbestyrelsip nutsernissamut ikorsiisinnaanermik periarfissiisinnaanngornissaa aalajangersakkami siunertaavoq, ilaqtariit innarluutilimmik meerartallit nuunnissaat periarfissaqalerniassamat, taamaalilluni meeqqap eqqortumik ikiorneqarnissaanik periarfissaat pitsaunerulerniassammata. Pisuni tamani periarfissaasoq oqaatigineqassaaq, aamma kommunalbestyrelsimit angajoqqaatut akisussaasoq akisussaasulluunniit nuunnissaat qaqugukkulluunniit pinngitsaaliissutigineqarsinnaanngilaq. Aammattaaq taamaallaat kommunalbestyrelsimit periarfissaasoq oqaatigineqassaaq, aalajangersagaq malillugu aningaasatigut ikorsiinissamik kommunalbestyrelsip pisussaaffiginngisaa.

Piumasaqaatit nr. 1-immiit 3-mut allassimasut tamarmik naammassineqarpata taamaallaat tapiisoqarsinnaavoq. Taamaalilluni siullertut ilaqtariit massakkut najugaanni meeqqap tapersersorneqarnissaminik isumassorneqarnissaminillu pisariaqartitsinera naammassineqarsinnaassangilaq ajornakusoortumilluunniit naammassineqarsinnaassalluni.

Inatsisit manna malillugu meeqqap pisariaqartitsinera siunissami najugassatut kissaatigineqartumi pitsaanerumik naammassineqarsinnaassasoq aappaattut piumasaqaataavoq. Angajoqqaatut akisussaasuuusut nuukkumallutik erseqqissumik oqaaseqarsimanissaat naggataagut pingajuattullu piumasaqaataavoq. Angajoqqaatut akisussaasunit ilaquaasunillu kissaatigineqarpat, nuunnissamut ikorsiineq tunniunneqassasoq, kingullermi piumasaqaammi erseqqissarneqarpoq. Taamaammat nuunneq kommunalbestyrelsimit naleqquttuunera taamaallaat pissutigalugu tunngavilersorneqassanngilaq.

Imm. 2-mut

Meeqqap innarluutillip ulloq unnuarlut neqeroorummi inissinneqarnissaanut aalajangiiffigineqartumut, meeqqamut innarluutilimmut angajoqqaatut akisussaasup akisussaasulluunniit illoqarfimmut nuunnerannut, aningaasartuutit tamakkiisumik ilaannakortumilluunniit matussusernissaannut kommunalbestyrelsip neqerooruteqarnissamik periarfissaqarnera aalajangersakkap aammattaaq periarfissippaa.

Tamanna pillugu imm.1-imni oqaaseqaatit takukkit.

§ 44-mut

Inuup innarluutillip Inunnut Innarluutilinnut Sullissivimmi Nunamut Tamarmut Atuuttumi piginnaanngorsarnermik piginnaanngorsaqqinnermillu neqerooruteqarnissamut, kommunalbestyrelse periarfissaqartinneqassasoq aalajangersakkami nutaajusumi siunnersuutigineqarpoq. Piginnaanngorsarneq piginnaanngorsaqqinnerlu Inunnut Innarluutilinnut Sullissivimmi Nunamut Tamarmut Atuuttumiinnikkut aammalu unitsinneqanngikkaluarluni sungiusarnikkut ingerlanneqarsinnaavoq. Inuup innarluutillip pisinnaasaqarnerminik aammalu ulluinnarni ingerlalluarsinnaanerminkit attassiinnarnissaa piginnaanngorsarnermut piginnaanngorsaqqinnermillu siunertaavoq. Inunnut Innarluutilinnut Sullissivimmi Nunamut Tamarmut Atuuttumi taamaallaat ulluinnarni piginnaasassanut piginnaanngorsarnermut piginnaanngorsaqqinnermillu tunngatitaavoq, taamaammallu sungiusarteqqinnernut, piginnaanngorsaqqinnejarnernullu il.il. peqqinnissaqarfimmit isumagineqartumut, taarsiissanngilaq, tassami taanna allamik siunertaqarlunilu imaqarpoq.

Kommunalbestyrelse Inunnut Innarluutilinnut Sullissivimmi Nunamut Tamarmut Atuuttumi piginnaanngorsarnermik piginnaanngorsaqqinnermillu inummut innarluutilimmut neqerooruteqarnissaq pillugu aalajangiisinnaasoq siunnersuutigineqarpoq. Inunnut Innarluutilinnut Sullissivimmi Nunamut Tamarmut Atuuttumi piginnaanngorsaaneq piginnaanngorsaqqinnermilluunniit neqerooruteqarnissaq kommunalbestyrelsimit pisussaaffiliunneqanngilaq, kisianni taamaallaat periarfissaalluni. Piginnaanngorsaaneq piginnaanngorsaqqinerlu inuup pisinnaasaqarneranut annertuumik pingaaruteqartutut isigineqassasoq piumasaqaataavoq. Pisinnaasaqarnermik oqarnermi pineqarpoq inuup ulluinnarni nammineersinnaassuseqarnera aammalu nammineerluni imaluunniit

atortorissaarutit ikiutaasussat atorlugit ulluinnarni suliassanik nalinginnaasunik suliaqarsinnaassuseqarnera. Piginnaanngorsaaneq piginnaanngorsaaqqinnerlu najugaqarallarluni pisinnaasoq Aalajangersakkap taamatuttaaq periarfissippaa. Tamanna inuit innarluutillit Kalaallit Nunaanni sumiikkaluarunilluunniit piginnaanngorsarneqarnissamik piginnaanngorsaqqinnejarnissamilluunniit iluaqtissaqarnissaannik siunertaqarnermik qulakkeerinnissaq.

§ 45-mut

Ikorsiissutit sorliit qanorlu ittut, kommunalbestyrelsip neqeroorutigisinnaassanerai pillugit aalajangersakkanik sukumiinerusumik Naalakkersuisut suliaqaqqullugit aalajangersakkap siunnersuutigineqartup pisussaaffilerpai. Ilaatigut inunnut innarluutilinnut atortorissaarutinut ikiutaasunut suliassaqarfiup iluani ineriaartornermi, malittarisassat ataavartumik naleqqussarneqartarnissaat periarfissinniarlugit pisinnaatitsissut ilangunneqarpoq. Taamaalillugu siunnersuutikkut matumuunakkut ikorsiinissamik suliniuteqarnerit nalunaarutitigut malittarisassiunneqartarnissaat siunnersuutigineqarpoq. Inuiaqatigiinni teknologikkullu ineriaartornermut ikorsiissuteqartarnermi malittarisassat ataavartumik naleqqussarneqartarnissaat periarfissinniarlugit, nalunaarutikkut malittarisassanik aalajangersaanissaq siunertaavoq.

§ 46-mut

Imm. 1-imut

Najugaqaqatigiiffimmi nunaqqatinut qanittumi ineqarnissamut tapersiinissamut periarfissaq ingerlatiinnarneqassasoq § 46-mi siunnersuutigineqarpoq. Nunaqqatinut qanittumiinnertut isumaqartinneqarpoq kommunip pineqartup iluani, aamma tamanna inummut pitsaunerpaajussappat, taperserneqartup nunagisaanut sapinngisamik qanittumi.

Inunnut nammieq angerlarsimaffimmi tapersersorneqarnissamik pisariaqartitsinermik annertunerusumik pisariaqartitsisunut, pisariaqartinneqartumik toqqisisimanartumi ikiorserneqarnissaat isumassorneqarnissaallu, tapersiinissamut periarfissiinermi qulakkeerneqassasoq siunertarineqarpoq.

Nr. 2-mi aamma 3-mi piumasaqaatit annertuumik innarluutillit ikiorserneqartarnerat pillugu nalunaarummi § 39, imm. 1-imik toqqaannartumik ingerlatitseqqinneruvoq. Inuk innarluuteqarnini pissutigalugu nammieq angerlarsimaffimmini najugaqarsinnaassanngitsoq pillugu piumasaqaammut tunngatillugu, tamanna ima paasineqassaaq, inuk Inatsisartut inatsisaat manna malillugu tapersiivigineqarluni nammieq angerlarsimaffimmini nammineersinnaanngitsoq. Inuup timikkut tarnikkulluunniit pisinnaanerata annertuumik killeqarnera pissutigalugu, ulluinnarni pisariaqartitsippat aammalu nammieq angerlarsimaffimmini najugaqarsinnaanngippat, tapersersorneqarnissaa piumasaqaataavoq.

Nr. 4-mi piumasaqaat ilaannakortumik annertuumik innarluutillit ikiorserneqartarnerat pillugu nalunaarummi § 39, imm. 1-im i oqaaseqatigiit naggataanni ilaasumik ingerlatitseqqinneruvoq, taamaattoq perorsaanikkut suliassatigullu ikiunnissaq erseqqissarneqarpoq, taamaallaat ulluunerani pisariaqartoq tassani pineqarmat.

Inuup pisariaqartitai najugaqaqatigiiffimmi naammassineqarsimanissaat piumasaqaataassasoq nr. 5-im i siunnersuutigineqarpoq. Inuup tapersorsorneqarnissamik pisariaqartitsinera najugaqaqatigiiffimmi naammassineqarsinnaanersoq, imaluunniit najugaqarfimmi illersugaasumi ineqarnissamik inuup neqeroorfigineqarnissaa isumaliutersuutigineqartariaqaraluarnersoq, kommunalbestyrelsip, najugaqaqatigiiffimmi ineqarnissaq pillugu aalajangiinissaq sioqqullugu aammalu naleqqunnerpaamik qulaajaanermut ilaattillugu paasiniassagaa piumasaqaammi pineqarpoq.

Imm. 2-mut

Imm. 1 malillugu inuup tapersorsorneqarnissamik pisariaqartitsinera nunaqqataasunut qanittumi najugaqaqatigiiffimiinnermi naammassineqarsinnaanngippat, inuk innarluutilik najugaqaqatigiiffimmi, kommunimi allami inisisimasumi najugaqaqatigiiffimmi najugaqarnissamik kommunalbestyrelsip neqeroorfigisinnaagaa, aalajangersakkap periarfissippaa.

Kommunalbestyrelse kommunimi allami inisisimasumi najugaqaqatigiiffimmi najugaqarnissamik neqerooruteqarpat, imm. 1, nr. 1-5-im i piumasaqaatit naammassineqarsimassapput.

Kommunimi allami inisisimasumi najugaqarnissamik neqerooruteqarsinnaaneq imm. 1-im aalajangersakkanut naleqqiullugu pingarnerutinneqarsinnaanngilaq. Aalajangersakkami imm. 1 malillugu avatangiisiminut qanittumiittumi najugaqaqatigiiffimmi najugaqarnissamik kommunalbestyrelse neqerooruteqassaaq, imm. 2 malilluguli taamaallaat neqerooruteqarsinnaaneq periarfissaalluni.

Taamaattoq communalbestyrelsik allanik najugaqaqatigiiffinnik atuisinnaanissaq pillugu isumaqatigiissusiorsinnaanerup ammaanneratigut, inuup innarluutillip najugaqaqatigiiffiillu ataasiakkaat akornanni naleqquatumik inissiinissamut periarfissaqarneq aalajangersakkap periarfissippaa. Tamassumattaq kommunit akornanni nukinnik pitsaanerpaamik atuisinnaaneq periarfissippaa.

Imm. 3-mut

Piumasaqaatit communalbestyrelsip kommunimi allami najugaqaqatigiiffimmi inissamik neqerooruteqarsinnaaneranut piumasaqaatigineqartut, aalajangersakkami maleruagassiivigineqarput.

Inummit innarluutilimmit imaluunniit taassuma akisussaasuanit akuersisummit piniartoqassasoq piumasaqaatigineqartoq nr. 1-imi allassimavoq. Taamaalilluni kommunalbestyrelsip inuup avatangiisiminut qanittumi najugaqatigiiffimmi inissarsinissamut piumasaqaataanik saneqqutsisinnaanissaanut imm. 1 malillugu, inuk tamatumunnga akuersisimassasoq piumasaqaataavoq.

Kommunalbestyrelsip inuk innarluutilik imaluunniit taassuma akisussaasua paassisutissanik taassuma, paassisutissanik tunngaveqartumik aalajangiisinnaanissamut pisariaqartitaanik tunissagaa, akuersinissap piniarnerani qulakkeerneqassaaq.

Inuk tamatuma kingorna najugaqatigiiffimmi aalajangersimasumi kommunimi allami inisisimasumi inissap tigunissaa pillugu akuersissaaq. Akuersinissamut ilusisanut piumasaqaateqanngilaq, taamaattoq tamanna oqaasiinnakkut oqaatigineqarsimappat sullisisup allakkiatut ilusilimmi akuersineq allassavaa.

Inuup kommunip angerlarsimaffigaata najugaqatigiiffimmi aalajangersimasumi inissamik neqeroorfigineqarsinnaalernissaanut, inuup kommunip angerlarsimaffigaata aamma najugaqatigiiffiup aalajangersimasup inisisimaffigaana kommunalbestyrelsip akornanni allaganngorlugu saneqqunneqarsinnaanngitsumik isumaqatigiissuteqarsimassasut nr. 2-mi allassimavoq.

Kommunalbestyrelse najugaqatigiiffinnik communalbestyrelsini allani inisisimasuni pilersinneqarsimasunilu piumasaminik atuisinnaannginnera eqqarsaatigalugu aalajangersagaq isigineqassaaq.

§ 47-mut

Imm. 1-imut

Najugaqarfimmi illersugaasumi ineqarnikkut tapersiivigineqarnissamik periarfissaq ingerlatiinnarneqassasoq § 47-mi siunnersuutigineqarpoq. Inuit tapersiivigineqarnissamik pisariaqartitsinerusut aallaaviatigut najugaqatigiiffimmi najugaqarnikkut pisariaqartitaat matussuserneqarsinnaagaluartut, nunaqqataasunut qanittumi najugaqarfimmi illersugaasumi najugaqarnikkut ikiorneqarnissap isumassorneqarnissallu pisariaqartinneqartup qulakkeernissaanut, tapersiinissamut periarfissap siunertaraa. Nunaqqataasunut qanittumi oqarnermi pineqartoq tassaavoq pineqartup kommuniata iluani aamma pineqartup nunagisaanut sapinngisamik qanittumi, matumani inummut tamanna pitsaanerpaajussappat. Piumasaqaatini nr. 2-mi aamma nr. 3-mi allassimavoq, inuup timikkut tarnikkulluunniit pisinnaanerata annertuumik killeqarnera innarluuteqarneralu peqqutaalluni ulluinnarni pisariaqartitsippat, imaluunniit inuup timikkut tarnikkulluunniit pisinnaanerata annertuumik killeqarnera innarluuteqarneralu peqqutaalluni, nammineq angerlarsimaffimini najugaqarsinnaanngippat, tapersorsorneqarnissaa piumasaqaataasoq.

Inuk najugaqaqatigiiffimmi neqeroorutigineqarsinnaasunit annertunerusumik tapersorsorneqarnissamik pisariaqartitsisuussasoq nr. 4-imi piumasaqaataavoq, matumani ulloq unnuarlutamaat tapersorsorneqarnissamik pisariaqartitsineq ilanggullugu. Taamaattoq

innuttaasoq annertuumik tapersiivigineqarluni najugaqaqtigijiffimmiissinnaassagaluartoq, innuttaasup tamanna kissaatigippagu, kommunalbestyrelse najugaqarfimmi illersugaasumi ineqarnissamik neqerooruteqarnissamut periarfissaqarpoq. Kommunalbestyrelsimit periarfissaatinneqartoq tassani pineqarpoq, aammalu assersuutigalugu innuttaasup qanigisaannut qaninnerusumi inisisimanera pissutigalugu, innuttaasup nammineerluni najugaqarfimmi illersugaasumi ineqarnissaq kissaatigissaga, pisariaqarluni.

Inuup pisariaqartitai najugaqarfimmi illersugaasumi ineqarnermi naammassineqarsinnaassasut, piumasaqaataassasoq nr. 5-imi siunnersuutigineqarpoq. Piumasaqaatip kingunerisaanik, inuup tapersorsorneqarnissamik pisariaqartitsinera najugaqarfimmi illersugaasumi naammassineqarsinnaanersoq, imaluunniit inuup ulloq unnuarlu neqeroorummiinnissamik neqeroorfigineqarnissaa isumaliutersuutigineqartariaqaraluarnersoq, kommunalbestyrelsip, najugaqarfimmi illersugaasumi ineqarnissaq pillugu aalajangiinnginnermi aammalu naleqqunnerpaamik qualaajaanermut ilaattilugu, paasinarsisissavaa.

Imm. 2-mut

Imm. 1 malillugu inuup tapersorsorneqarnissamik pisariaqartitsinera nunaqqataasunut qanittumi najugaqarfimmi illersugaasumi naammassineqarsinnaanngippat, inuk innarluutilik najugaqarfimmi illersugaasumi, kommunimi allami inisisimasumi najugaqarfimmi illersugaasumi najugaqarnissamik communalbestyrelsip neqeroorfigisinnaagaa, aalajangersakkap periarfissippaa.

Kommunalbestyrelse kommunimi allami inisisimasumi najugaqarfimmi illersugaasumi najugaqarnissamik neqerooruteqarpat, imm. 1, nr. 1-imiiit 5 ilangullugu piumasaqaatit naammassineqarsimassapput.

Kommunimi allami inisisimasumi najugaqarfimmi illersugaasumi najugaqarnissamik neqerooruteqarsinnaaneq imm. 1-imi aalajangersakkanut naleqqiullugu pingarnerutinneqarsinnaanngilaq. Aalajangersakkami imm. 1 malillugu avatangiisirut qanittumiittumi najugaqarfimmi illersugaasumi najugaqarnissamik communalbestyrelse neqerooruteqassaaq, imm. 2-li malillugu taamaallaat neqerooruteqarsinnaaneq periarfissaalluni.

Taamaattoq communalbestyrelsinik allanik najugaqarfinnik illersugaasunik atuisinnaanissaq pillugu isumaqtigijiissusiorsinnaanerup ammaaneratigut, inuup innarluutillip najugaqarfinni illersugaasuni ataasiakkaat akornanni naleqquttumik inissiinissamut periarfissaqarneq aalajangersakkap periarfissippaa. Tamassumattaaq kommunit akunnerminni nukinnik pitsaanerpaamik atuisinnaanerat periarfissippaa.

Imm. 3-mut

Piumasaqaatit kommunalbestyrelsip kommunimi allami najugaqarfimmi illersugaasumi inissamik neqerooruteqarsinnaaneranut piumasaqaatigineqartut aalajangersakkami maleruagassiiivigineqarput.

Piumasaqaatigineqartoq inummit innarluutilimmit imaluunniit taassuma angajoqqaatut akisussaasuanit akuersisummit piniartoqassasoq nr. 1-imi allassimavoq. Taamaalilluni imm. 1 malillugu kommunalbestyrelsip inuup avatangiisiminut qanittumi najugaqarfimmi illersugaasumi inissarsinissamut piumasaqaataanik saneqqutsisinnaanissaanut, inuk tamatumunngaa akuersisimassasoq, piumasaqaataavoq.

Kommunalbestyrelsip inuk innarluutilik imaluunniit taassuma akisussaasui paasissutissanik taassuma, paasissutissanik tunngaveqartumik aalajangiisinnanissamut pisariaqartitaanik tunissagaa, akuersinissap piniarnerani qulakkeerneqassaaq.

Inuk tamatuma kingorna najugaqarfimmi illersugaasumi aalajangersimasumi kommunimi allami inissisimasumi inissap tigunissaa pillugu akuersissaaq. Akuersinissamut ilusisanut piumasaqaateqanngilaq, taamaattoq tamanna oqaasiinnakkut oqaatigineqarsimappat sullisisup allakkiatut ilusilimmi akuersineq allassavaa.

Inuup kommunip angerlarsimaffigisaata najugaqarfimmi illersugaasumi aalajangersimasumi inissamik neqeroorfigineqarsinnaalernissaanut nr. 2-mi allassimavoq, inuup kommunip angerlarsimaffigisaata aamma najugaqarfiup illersugaasup aalajangersimasup inissisimaffigisaani communalbestyrelsip akornanni isumaqatigiissuteqarsimassasut.

Kommunalbestyrelse najugaqarfinnik illersugaasunik communalbestyrelsini allani inissisimasuni pilersinneqarsimasunilu piumasaminik atuisinnaannginnera eqqarsaatigalugu aalajangersagaq isigineqassaaq.

§ 48-mut

§ 48-mi siunnersuutigineqarpoq ulloq unnuarlu neqeroorummiinnertut ilusilimmik tapersiinissamut periarfissaqarneq ingerlatiinnarneqassasoq. Aalajangersakkami siunertaavoq inuit innarluutillit, tapersorsorneqarnissamik pisariaqartitsinerpaat, pisariaqartitaannik naammassinniffiusumik, naammattumik immikkullu ilisimannittunit tapersorsorneqarnissaasa qulakkeerneqarnissaa.

Imm. 1-imut

Ulloq unnuarlu neqeroorummiinnissamik neqerooruteqarnissaq pillugu communalbestyrelsip aalajangiinissaanut, arlalinnik piumasaqaateqartoqassasoq imm. 1-imi siunnersuutigineqarpoq.

Inuk innarluuteqarnini pissutigalugu ulluinnarni tapersorsorneqarnissamik pisariaqartitsissasoq piumasaqaataavoq, aammalu inuk innarluuteqarnini pissutigalugu nammineq angerlarsimaffimmini najugaqarsinnaassanngitsoq piumasaqaataalluni.

Piumasaqaatit taakkua marluk piumasaqaatinut najugaqaqatigiiffinnut aamma najugaqarfinnut illersugaasunut tunngatinneqartunut naapertuuttumik nassuarneqassapput.

Inuk najugaqarfimmi illersugaasumi neqeroorutigineqarsinnaasunit annertunerusumik tapersorsorneqarnissamik pisariaqartitsissasoq piumasaqaataavoq. Tapersiivigineqarnissamut pisariaqartitsineq aallaaviussaaq, inuup timikkut tarnikkulluunniit pisinnaanerata annertuumik killeqarnera peqqutaalluni, annertuumik immikkullu ittumik ulluinnarni suliassanut imaluunniit paaqqutarineqarnermut, isumassuinermut isumaginninnermulluunniit tapersiivigineqarnissamik pisariaqartitsippat, taannalu tapersiivigineqarnissamik pisariaqartitsineq taamaallaat ulloq unnuarlu neqeroorummi najugaqarnermi pineqarsinnaasoq. Tassani kommunimi najugaqarfinni illersugaasuni, communalbestyrelsip § 14 malillugu pilersuisussaatitaanera eqqarsaatigalugu inummut siunissami qanittumi inissaqartitsiviusinnaasumi, suut tapersiissutigineqarsinnaanersut naliliisoqassaaq. Aammattaaq siunissami najugaqarfinnut illersugaasunut aamma ulloq unnuarlu neqeroorutinut siunnerfiusunut tunngatillugu qalleraattoqassasoq naatsorsuutigineqarpoq. Inuk innarluutilik najugaqarfimmi illersugaasumi inissiami annertuumik tapersorsorneqarluni nammineersinnaassagaluartoq, inuup innarluutilip tamanna kissaatigippagu, communalbestyrelse ulloq unnuarlu neqeroorummiinnissamik neqerooruteqarnissamik periarfissaqarpoq. Tassani communalbestyrelsimum periarfissaliunneqartoq pineqarpoq, aammalu assersuutigalugu immikkut ilisimasalinnit tapersorsorneqarnissap periarfissarissaarnerunera imaluunniit innuttaasup qanigisaannut qaninnerusumi inisisimanera pissutigalugit, ulloq unnuarlu neqeroorummiinnissaq innuttaasup nammineerluni kissaatigissagaa pisariaqarpoq.

Inuup pisariaqartitai ulloq unnuarlu neqeroorummiinnermi naammassineqarsinnaassasut piumasaqaataavoq. Piumasaqaatip kingunerisaanik, inuup tapersorsorneqarnissamik pisariaqartitai Kalaallit Nunaanni ulloq unnuarlu neqeroorummi naammassineqarsinnaanersut, imaluunniit Danmarkimi ulloq unnuarlu neqeroorummiinnissamik inuk neqeroorfigineqassanersoq isumaliutersuutigineqartariaqaraluarnersoq, communalbestyrelsip ulloq unnuarlu neqeroorummiinnissaq pillugu aalajangiinnginnermi aammalu naleqqunerpaaq qulaajaanermut ilaattillugu paasinarsisissavaa.

Imm. 2-mut

Pisortanit siusinaartumik pensionisanik imaluunniit utoqqalinersianik pisartagaqanngippat, innuttaasoq ulloq unnuarlu neqeroorummiittoq kaasarfimmiusanik atisarsiniutissanillu pisinnaatitaaffeqassasoq, imm. 2-mi siunnersuutigineqarpoq.

Imm. 3-mut

Kaasarfimmiusat aamma atisassarsiutissat pillugit maleruagassanik erseqqinnerusunik aalajangersaanissamut Naalakkersuisut pisussaatinneqarput. Aalajangersagaq aningaasartat annertussusissaat, aningaasat atorsinnaasat pillugit, aamma ulloq unnuarlu neqeroorutip perorsaanermik pissuteqartumik aningaasanik uninngatitsinissamik periarfissaqarnera pillugit aalajangersaanermut atorneqassasoq eqqarsaatigineqarpoq.

§ 49-mut

Inuup innarluutilip ulloq unnuarlu neqeroorumiinnissamut periarfissaqarnera, ingerlatiinnarneqassasoq § 49-mi siunnersuutigineqarpoq. Inuup immikkut ilisimasaqarfiusumik tapersorsorneqarnissamik pisariaqartitsinera Kalaallit Nunaanni naammassineqarsinnaanngippat, inuup taamaakkaluartoq Kalaallit Nunaata avataani pisariaqartunik neqeroorutinik neqeroorfigineqarsinnaanera qulakkeerneqassasoq, aalajangersakkami siunertaavoq. Kalaallit Nunaanni pisariaqartunut tapersersuinissamut periarfissaarussimassasoq erseqqissarneqarpoq.

Imm. 1-imut

Kommunalbestyrelsip malitassatut pingarnertut Kalaallit Nunaata avataanut inissiinermik atuisannginnissaa aalajangersakkami aalajangersaavigineqarpoq.

Inuk innarluutilik ulloq unnuarlu najugaqarnissamik, inatsit § 46 naapertorlugu najugaqatigiiffimmi, inatsit § 47 naapertorlugu najukkami illersukkami imaluunniit inatsit § 48 naapertorlugu ulloq unnuarlu najugaqarfimmi inissaanik neqeroorfigineqassasoq, imm. 1-imu siunnersuutigineqarpoq. Piumasaqaataavoq kommunalbestyrelsip ulloq unnuarlu najugaqarneq pineqartoq Kalaallit Nunaanniissinnaanersoq qulakkiissagaa, imm. 2-mi immikkut ittumik pisoqartillugu aalajangersagaq pineqanngippat.

Imm. 2-mut

Kommunalbestyrelsit immikkut ittumik pisoqartillugu Naalakkersuisunit akuersissummik piniaqqaarlutik inissanik Kalaallit Nunaata avataaniittunik neqeroorsinnaanissaat imm. 2-mi siunnersuutigineqarpoq.

Taamaalilluni inuup innarluutilip Kalaallit Nunaata avataani ulloq unnuarlu neqeroorumiinnissamik neqeroorfigineqarnissaa kommunalbestyrelsimit inassutigineqartoq tunngavigalugu Naalakkersuisut akuersissuteqassapput. Inassutigineqartup imarisai suliamit suliamut allanngorarsinnaapput aammalu suliap suussusaa apeqquaassalluni, aammalu imarisai kommunalbestyrelsip aamma Naalakkersuisut oqaloqatigiinnerisigut paasinarsisinneqarsinnaallutik. Inassuteqaatip nassiunneqannginnerani, inuup tapersorsorneqarnissamut pisariaqartitsinerat naammattumik paasinarsisinneqarsimanissa Naalakkersuisunut aalajangiisuussaaq. Kommunalbestyrelsip inassutigisaani qulaajaaneq aamma iliussisanut pilersaarut suliarineqareersut aallaavigineqarpata iluaqutaasinnaavoq.

Imm. 3-mut

Kalaallit Nunaata avataani ulloq unnuarlu neqeroorumiinneq pillugu maleruagassanik erseqqinnerusunik aalajangersaanissamut Naalakkersuisut pisinnaatinneqassasut imm. 3-mi siunnersuutigineqarpoq. Pisinnaatitsissut ilaatigut sullissinermi suleriaatsit, kommunalbestyrelsip inassuteqaataa, malinnaaneq aamma angerlartitsinermi suleriaatsit pillugit maleruagassanik aalajangersaanermut atorneqassasut eqqarsaatigineqarpoq.

§ 50-imut

Imm. 1-imut

Piginnaannngorsaqqinnissaq imaluunniit peqqissartinnissaq siunertaralugu, kommunalbestyrelse inummut innarluutilimmut Kalaallit Nunaata avataani inissinneqarallarnissamik neqerooruteqarsinnaanermut periarfissinneqassasoq aalajangersakkami nutajusumi siunnersuutigineqarpoq.

Piginnaannngorsaqqinnejima paasineqassaaq, inummut ataatsimut pisinnaasakinnerusumut pisinnaasamilluunniit annaasaqarnissamut aarlerinaatilimmut suliniutit arlallit, sapinngisamik pisinnaasaqarlualernissaat pisinnaasaminnillu attassiinnarnissaannut tapersersuiffiusut, matumanini inuiaqatigiinnut avatangiiserisanut peqataasinnaaneq ilanngullugu. Tamatumuuna anguniagaq tassaavoq, inuit pisinnaasakinnerusut kiffaanngissuseqalissasut namminerlu aalajangiisinjaalerlutik taamatullu inuttut kiffaanngissuseqalersinnaallutik.

(Paasissutissarsiffik: World Health Organisation, 2011)

Inuup pisariaqartitaasa Kalaallit Nunaanni naammassineqarsinnaannginnerat piumasaqaataavoq, assersuutigalugu inuup innarluutilip innarluutaa pillugu immikkut ilisimasalinnik pisariaqartinneqartunik peqannginnera peqqutaassaaq.

Aalajangersagaq malillugu najugaqarallarnerit assersuutigalugu efterskoleni immikkut ittuni imaluunniit Københavnimi Instituttet for Blinde og Svagsynedemi pisinnaapput.

Aalajangersagaq malillugu neqerooruteqarneq meeqqanut aamma inersimasunut innarluutilinnut tunniunneqarsinnaavoq.

Aalajangersagaq inatsisit allat saniatigut periarfissaavoq. Tamanna ilaatigut isumaqarpoq, efterskolimut immikkut ittumi atuarnissamut ilinniartitaanermut inatsisit malillugit tapersiisoqarsinnaappat, tapersiineq ilinniartitaanermut inatsisit malillugit pissasoq aammalu aalajangersagaq manna malillugu pissanngitsoq.

Imm. 2-mut

Aalajangersagaq malillugu Kalaallit Nunaata avataani inissiigallarnissaq pillugu maleruagassanik erseqqinnerusunik aalajangersaanissamut Naalakkersuisut pisinnaatinneqassasut imm. 2-imi siunnersuutigineqarpoq. Pisinnaatitsissut ilaatigut inissiigallarnerup sivisussusissaa pillugu maleruagassanik aalajangersaanermut atorneqassasoq naatsorsuutigineqarpoq.

§ 51-imut

Imm. 1-imut

Aatsaat eqqartuussiviit aalajangiisimatillugit inuup innarluutilip ulloq unnuarlu neqeroorummi isumannaallisakkami inissinnissaa pisinnaasoq aalajangersakkami aalajangersarneqarpoq. Inissiinerup sumiissinnaaneranut eqqartuussivik aallaaviatigut

aalajangiineq ajorpoq. Kommunalbestyrelse Isumaginninnermut Aqutsisoqarfimmik suleqateqarluni inissiiffiusussamik tulluartumik politiinit akuerineqarsinnaasumik nassaartussaavoq.

§ 18-imi aalajangersakkatigut Naalakkersuisut ulloq unnuarlu neqeroorummik pilersitsisinnaanerat periarfissinneqarpoq, matumani ulloq unnuarlu neqeroorutit isumannaallisakkat ullumikkut pigineqanngitsut ilanngullugit. Taamaattoq Kalaallit Nunaanni pigineqarpat, inuup innarluutillip tigummigallagaanissamut taarsiullugu allamut inissiiffissami inissinneqartussaq ulloq unnuarlu neqeroorummi isumannaallisakkami Kalaallit Nunaanniittumi inissinnissaata isumannaarnissaa siunertarineqarpoq.

Kalaallit Nunaanni Eqqartuussisarnermik inatsimmi § 361, imm. 2, nr. 3 malillugu, takuuk § 358, inummik innarluutilimmik angerlarsimaffimmi naleqquttumi imaluunniit ulloq unnuarlu neqeroorummi tigusarinninnerup ingerlaannarnissaanik eqqartuussivik aalajangersimappat, inissiineq ulloq unnuarlu neqeroorummi isumannaallisakkami pisinnaasoq nr. 1-imi takuneqarsinnaavoq.

Kalaallit Nunaanni Eqqartuussisarnermik inatsimmi § 361, imm. 2 nr. 3 malillugu, takuuk § 359, inuk innarluutilik angerlarsimaffimmi naleqquttumi imaluunniit paaqqinniffimmi isumannaallisakkami inissinneqarsinnaasoq, eqqartuussivik aalajangersimappat ulloq unnuarlu neqeroorummi isumannaallisakkami inissiisoqarsinnaasoq nr. 2-mi allassimavoq. Erseqqissaatigineqassaaq taaguut “paaqqinniffik” eqqartuussisarnermut inatsimmi atorneqarsimammat, kisiannili matumani inatsisartut inatsisaani “paaqqinniffik” ulloq unnuarlu neqeroorutit paasineqassaaq.

Kalaallit Nunaanni pinerluttulerinermi inatsimmi kapitali 32 malillugu, tassani pinerluttunut inuusuttunut pineqaatississutit immikkut ittut pineqarput, imaluunniit kapitali 33 malillugu, tassani pinerluttunut tarnikkut nappaatilinnut pineqaatissiissutit immikkut ittut pineqarlutik, eqqartuussivik pineqaatissiinissamik aalajangersimappat, inissiineq ulloq unnuarlu neqeroorummi isumannaallisakkami pisinnaasoq nr. 3-mi takuneqarsinnaavoq

Imm. 2-mut

Tigummigallagaanissamut taarsiullugu allamut inissiivissamik, politiinit isumannaatsuunissaq pillugu illorsorneqarsinnaasutut nalilerneqarsimasumik, pissarsinissaannik aalajangersakkami kommunalbestyrelsit pisussaaffilerneqarput.

Eqqartuussivik tigusarinninnerup ingerlaannarnissaanik aalajangerpat, imaappoq akunnerni 3 x 24-ini inissiineq, tigummigallagaanissamut taarsiullugu allamut inissiivissamik kommunalbestyrelse pilertornerpaamik pissarsissasoq, aalajangersakkap massuma aalajangersarpaa, taamaalilluni inuk innarluutilik tigusarineqarnermini isertitsivimmi imaluunniit assigisaani inummut innarluutilimmut naleqqutinngitsumi tigummigallagaanissaa pissanngimmat.

Imm. 3-mut

Politiinit isumannaallisaanikkut isumannaatsutut nalilerneqartumik, tigummigallagaanermut taarsiullugu allamut inissiiffissamik pissarsissut aalajangersakkap kommunalbestyrelsit pisussaaffilerpai. Imm. 1, nr. 2 malillugu eqqartuussiviup aalajangeereernerata kingorna, kommunalbestyrelse pilertornerpaamik, kingusinnerpaamillu akunnerit 72-it qaangiutsinnagit, tigummigallagaanissamut taarsiullugu allamut inissiivissamik kommunalbestyrelse pilertornerpaamik pissarsissasoq, aalajangersakkap massuma aalajangersarppaa, taamaalilluni inuk innarluutilik tigusarineqarnermini isertitsivimmi imaluunniit assigisaani inummut innarluutilimmut naleqqutinngitsumi tigummigallagaanissaa pissangimmat.

Tassa kommunalbestyrelsip suliassaraa upalungaarsimanissaq eqqarsaatigalugu suliaqarnissaq. Isumaginninnermut Aqtsisoqarfik politiillu suleqatigalugit piffissap aalajangiunneqartup iluani tulluartumik tigummigallagaanissamut taarsiullugu aallamut inissiiffissamik nassaarnissaq pissutaatinneqassaaq, kisiannili tigummigallagaanissamut taarsiullugu allamut inissiiffissamut nooreersimanissap timitalerneqarsimanissa naatsorsuutaanani.

§ 52-imut

Aalajangersakkami nutaajusumi, eqqartuussaanerup pillarneqaatigineqarneranut atatillugu inuup innarluutillip aamma ulloq unnuarlu neqeroorummi isumannaallisakkami inissinneqarsinnaanera periarfissinneqarpoq. Inuup innarluutillip, eqqartuussaanermini pillagaasussap, pillagaanermini Kalaallit Nunaanni ulloq unnuarlu neqeroorummi isumannaallisakkamiissinnaanissaata qulakkeerneqarnissaa aalajangersakkami siunertaavoq, soorlu inatsisartut inatsisaani § 18-imi nassuiardeqartoq, taamaattoq pilersinneqarsimappat.

§ 53-imut

Inatsimmi atuuttumi aalajangersakkanik aalajangersagaq ingerlatitseqqinneruvoq, taamaalilluni kommunalbestyrelse misileraanermik pilersitsisinnaavoq, tassani inuit innarluutillit tapersiissutissatut periarfissat, Inatsisartut inatsisaanni matumani allassimasut saniatigut, tapersiissutinik neqeroorfigineqarsinnaallutik.

Misileraanermut aalajangersakkap kommunini neqeroorutit ineriaartortinneqarnerisa patajaallisarnissaat siunertaraa, isumalluutinillu pitsaanerusumik atorluaanissaq periarfissap qulakkiissallugu.

Misileraanermut aalajangersakkanit allanit misilittakkat takutippaat misiliinermik pilersitsisinnaanissaq pisariaqartinneqartoq, taamaaliornikkullu matumani inatsisartut inatsisaani eqqartorneqartumi neqeroorutit allat pilersinneqarsinnaassallutik.

Taamaallaat Naalakkersuisut akuersissuteqarnerat malillugu kommunalbestyrelse tapersiisarnermut aaqqissuussamik pilersitsisinnaavoq, taamatullu misileraanermut atugassaritaasut piumasaqaatigineqartut malinneqanngippata, misileraanerit suulluunniit unitsinneqarsinnaassallutik. Misileraanernut aalajangersimasunut, erseqqinnerusumik killissalersorneqartunut taamaallaat akuersissuteqartoqarsinnaavoq.

Misileraaneq sulianik ilisimasaqarnikkut illersorneqarsinnaasoq aammalu aningaasaqarnikkut piujuarsinnaasoq taamatullu suliassanik aalajangersimasunik misileraanermut ataqtigiissinneqarsinnaassasoq, akuersissuteqarnissamut piumasaqaataavoq.

Misileraanerup nakkutilliviigineqarnissaanut pisinnaatitaaneq pillugu aalajangersakkanik akuersissuteqarnermi aalajangersaasoqarsinnaavoq.

§ 54-imut

Imm. 1-imut

Aalajangersakkami imm. 1-imi tikeraarluni angalanissamut periarfissaqarneq pillugu maleruagassat, inunnut innarluutilinnut ataasiakkaanut piumasaqaatitaqanngitsumik pisinnaatitaaffinngorlugit allanngortinneqarput.

Imm. 1 malillugu inuk innarluutilik, 18-it sinnerlugit ukiulik, aammalu pineqartup nunagisaata avataani, tassa inuup illoqarfingisaata imaluunniit nunaqarfingisaata avataani, najugaqaqatigiiffimmiiittoq, najugaqarfimmi illersugaasumiittooq, imaluunniit ulloq unnuarlu neqeroorummiittoq, nunagisaminut akiliunneqarluni ukiumut ataasiarluni tikeraarluni angalanissamut pisinnaatitaavoq.

Inuit nunagisamik avataaniittut, nunagisaminut atassuteqarnerminnik attassiinnarnissaannik ikiorneqarnissaat aalajangersakkami siunertaavoq. Nunagisamik oqarnermi illoqarfik imaluunniit nunaqarfik, inuup najugaqarfissatut neqeroorummumt nuunnissaa sioqqullugu, inuup innarluutilip najugaqarfingisa, tikeraarluni angalanissamut tunngavilersuutigineqartoq, innersuussutigineqarpoq.

Pissutsit allat, matumani inuup innarluutilip inuttut atassuteqarfii ilanngullugit, naliliinermi ilanngunneqarsinnaapput. Assersuutigalugu inummut innarluutilimmut qanigisaasut siusinnerusukkut najugaqarfingisimasaminnit allamut nuussimapata tamanna pisinnaavoq.

Taamatut pisoqartillugu qanigisaasut najugariligaannut tikeraarluni angalasoqarsinnaatitaavoq, taamaaliornikkut qanigisanut atassuteqarneq pitsaanerpaamik qulakkeerneqassammatt.

Aapparisaq, qatanngutit, aanaat aataat, ilaqtariit paarsisartut imaluunniit inuit allat inummut qanimut attaveqartut qanigisaasutut nalinginnaasumik isigineqartarput.

Imm. 2-mut

Qanigisaasut inuup innarluutilip tikeraarluni angalasinnaatitaaneranut ilaatinneqarnissamut periarfissaq ilanngunneqassasoq imm. 2-mi aamma siunnersuutigineqarpoq. Qanigisaasut tikeraarluni angalanissamut periarfissaqarnerat inuup innarluutilip periarfissaqarneranut taarsiullugu angalaneruvoq. Qanigisaasut tikeraarlutik aningasinnaatitaanerannut taamaalilluni piumasaqaataavoq, imm. 1 malillugu inuk innarluutilik nammineerluni tikeraarluni angalasinnaassanngitsoq aamma inuk tikerarneqarnissaminik kissaatigisaqartoq. Aaqqissuussineq assersuutigalugu qitornamut 18-it sinnerlugit ukiulimmut angajoqqaat tikeraarnissamut ikiorsernissaannut atorneqarsinnaassaaq.

Imm. 3-mut

Akiliunneqarluni tikeraarsinnaatitaaneq imm. 1-2 malillugit inuit innarluutillit Kalaallit Nunaata avataani najugaqartunut aamma atuuttoq aalajangersakkami imm. 3-mi erseqqissarneqarpoq.

Inuk innarluutilik 18-it aamma 24-t akornani ukiulik, Kalaallit Nunaata avataani ulloq unnuarlu neqeroorummiikkallartoq, inuit 18-it sinnerlugit ukiullit ukiumut ataasiarlutik akiliunneqarlutik tikeraarlutik angalanissamut taamaallaat periarfissaqassasut aalajangersakkami matumani imm. 1-ip killiliinermik imaqarnera apeqqutaatinnagu, akiliunneqarluni marloriarluni tikeraarluni angalanissamut pisinnaatitaasut aalajangersakkami aammattaaq erseqqissarneqarpoq.

Imm. 4-mut

Inuk innarluutilik 18-it sinnerlugit ukiulik, 18-inik ukioqalereernermermi kingorna ukiunit 10-nit sivisunerusumik ulloq unnuarlu neqeroorummiissimasoq, tassa imappoq inuk 29-nik ukioqalereernermermi kingorna nunagisaminut, ukiut 2-kkaarlugit ataasiarluni tikeraarluni angalanissamut pisinnaatitaasoq aalajangersakkami imm. 4-imi aalajangersarneqarpoq. Aalajangersagaq ima isigineqassaaq, inunnut sivisuumik najugaqarsimasunut tunngatillugu, piffissap ingerlanerani ulloq unnuarlu neqeroorummi sulisunut najugaqartunullu ima atassuteqalersimassasoq, nunagisaminut atassutaa annikillilluni. Taamaattoq inuup tamanna suli kissaatigippagu nunagisamut atassuteqarnerup attatiinnarsinnaanissaanut aalajangersakkami periarfissiisoqarpoq.

Imm. 5-imut

Inuup imaluunniit angajoqqaasutut akisussaasup, illoqarfimmut angerlarsimaffigisaata qanittuanut, tikeraarluni angalanermik tunisisinnaanermik imm. 5-imi aalajangersakkap periarfissippaa. Takuuk imm. 1-imi “nunagisaq” pillugu paasinninneq pillugu aalajangersakkat.

Tapersiinissamut periarfissat atortullu pisariaqartut nunagisami pigineqanngippata aalajangersagaq atorneqarsinnaavoq. Imatut paasillugu, inuup innarluutillip nunagisaanut ingerlannissaanut tunngatillugu, tapersiinissamik periarfissat amigaataappata tamanna pineqartumut pitsaanerpaassanngippat. Matumani tikeraarluni angalaneq illoqarfimmut qaninnerpaamut tunniunneqarsinnaanera aalajangersakkap periarfissippaa, tassani inuup innarluutillip atortut pisariaqartitai pigineqarmata.

Iolloqarfimmut nunagisamut qanittumut tikeraarluni angalaneq tunniunneqarpat, inuup qanigisai ataaseq arlallilluunniit tassunga illoqarfimmut aallarnissaat kommunalbestyrelsimiit aaqqissuunneqassasoq taamatuttaaq aalajangersakkami aalajangerneqarpoq.

Imm. 1-imut

Meeqqanut innarluutilinnut, meeqqap nunagisaata avataani ulloq unnuarlu neqeroorumiittunut, imaappoq meeqqap illoqarfingisaata imaluunniit nunaqarfingisaata avataaniittumi, nunagisamut imaluunniit angajoqqaat najugaannut ukiumut 2-riarluni tikeraarluni angalanernut, erseqqissumik piumasaqaatitaqanngitsumillu pisinnaatitaaffiliineq atuutsinnejalissasoq aalajangersakkami imm. 1-mi siunnersuutigineqarpoq. 2-riarluni tikeraarluni angalanissamik pisinnaatitaaneq 18-inik ukioqalernissaq tikillugu ilangullugulu atuutissaaq.

Imm. 2-mut

Taamatuttaaq angajoqqaatut akisussaasut, imaluunniit qanigisaasut allat tikeraarluni angalasinnaanermut aalajangersakkap periarfissippai. Tamanna nalilersuinermi meeqqamut pitsaanerpaaajusutut isigineqarpat, angajoqqaatut akisussaasut, imaluunniit qanigisaasut allat tikeraarluni angalasinnaapput.

Meeqqap imaluunniit inuusuttup tikeraarlutik angalanerannut siunertaavoq, inuup nunagisaminut atassuteqarnerminik attassiinnarnissaa. Tikeraarlutik angalanerat nunagisamut ingerlassasoq aallaavagineqarpoq.

Taamaattoq aalajangersakkami kissaatigineqarpoq aalajangersimasumik naliliisinnaanerup ammatinneqarnissaa, tassani immikkut ittumik pisoqartillugu meeqqap pisariaqartitsineranut pitsaanerpajunnginnersoq tikeraernerup meeqqap najugaqarfingisaani pinissaa nalilersorneqassalluni.

Ulloq unnuarlu neqeroorummurut angajoqqaat tikeraareersimanngippata, taava tamanna pillugu meeqqamik ulloq unnuarlu neqeroorumi ulluinnarni inuunerisaata paasisaqrfiginissaanut ulloq unnuarlu neqeroorutip tikeraarnissaanut periarfissaq pingaaruteqarluinnarpoq.

Tikeraarluni angalaneq ilaquaasumut allamut imaluunniit inummut meeqqap ungagisaanut tunniunneqarsinnaavoq. Meeqqap angajoqqaatut akisussaasuunut atassuteqarnissaq meeqqap soqtigisaanut akerliusooq, ullup unnuallu neqeroorutip nalilerpagu, periarfissaq tamanna atorneqarsinnaavoq.

Imm. 3-mut

Meeqqap angajoqqaatullu akisussaasut akornanni attaveqarnerup attatiinnarnissaanut tamanna pisariaqartoq naliliisoqarpat, 3-jussaanik tikeraarluni angalanissamik akuersisoqassaaq. Pingajussaannik angalanissaq pisariaqarnersoq, meeqqap aamma angajoqqaatut akisussaasut imminnut attaveqarnerat ataasiakkaatigut nalilersuiffingineqarnera malillugu aalajangerneqassaaq.

“Meeqqap angajoqqaallu akornanni attaveqatigiinnerup attatiinnarneqarnissaa” pisariaqartutut isigineqarnersoq, ataasiakkaarlugit nalilersorneqartassaaq. Aalajangersakkami taamaattoq aallaaviusooq tassaavoq, tikeraarluni angalaqqinnerup meeqqap angajoqqaallu akornanni

attaveqatiginneq pitsaanerulersinnaasutut nalilerneqartoq, taava tikeraarluni angalaneq akuerineqassaaq.

Imm. 4-mut

Imm. 1-miit imm. 3-mut aalajangersakkat malillugit akilikkamik tikeraarluni angalasinnaatitaaneq aamma inunnut innarluutilinnut Kalaallit Nunaata avataani inissisimasunut atuuttortaaq imm. 4-mi aalajangersarneqarpoq. Meeqqat taakku, meeqqat Kalaallit Nunaanni ulloq unnuarlu angerlarsimaffinni najugaqartut assigalugit, tikeraarluni angalanissamut taamaalillutik pisinnaatitaaffeqarput.

Imm. 5-imut

Meeqqap nunagisaata eqqaani illoqarfimmut tikeraarluni angalanerup tunniunneqarsinnaanera imm. 5-imi aalajangersakkap periarfissippaa. Taaguut “nunagisaq” pillugu paasinninneq pillugu § 54, imm. 1-mi nassuaatit takukkit.

Nunagisami pisariaqartinneqartunik tapersiisoqarsinnaanngippat atortunillu atugassaqanngippat, aalajangersagaq atorneqarsinnaavoq. Tamanna ima paasineqassaaq, tapersorsorneqarnissamut pisariaqartinneqartumut periarfissaqannginnej pissutigalugu meeqqamut nunagisamut tikeraarnissaq pitsaanerpaaajussanngitsoq. Uani tikeraarluni angalanissap illoqarfimmut qaninnermut, meeqqap tapersorsorneqarnissamik pisariaqartitsineranik naammassinnissinnaasunik atortunik peqartumut tunniunneqarsinnaanerata periarfissinneqarnera, aalajangersakkami paarlattuanik periarfissinneqarpoq.

Tikeraarluni angalanerup illoqarfimmut nunagisap eqqaaniittumut tunniunneqassappat, taava angajoqqaatut akisussaasut imaluunniit qanigisaasut meeraq tikeraarniassammassuk, illoqarfimmut tassunga angalanissaannut kommunalbestyrelsip akiliutissagai, aalajangersakkattaaq taamaalilluni aalajangersarpaa.

§ 56-*imut*

Imm. 1-imut

Tikeraarluni angalanermut ataatillugu aningaasartuutinut akiliisussaatitaaneq kommunimi angerlarsimaffigisami kommunalbestyrelsip pisussaaffigigaa imm. 1-imi aalajangersarneqarpoq. Angalanermut aningaasartuutit tamarmiusut, matumani ingiaqataasut pisariaqartumik amerlassusillit angalanermut unnuinermullu aningaasartuutaat ilanngullugit, ullut unnuallu angalaffiusunut, tikeraarluni angalanerup sivisussusaani aningaasartuutit akiliisussaatitaanermi pineqartunut ilaapput.

Kommunalbestyrelsip akiliisussaatitaanera annerpaamik ullut unnuallu 9-t tikeraarluni angalanermut killeqarpoq. Tikeraarluni angalanerup aallartinnerani naammassineranilu piffissaq angalaffiusoq, ulluni unnuanilu 9-ni naatsorsuinermi ilaatinneqanngilaq.

Aalajangersagaq imatut paasineqassaaq, inuk ulluni unnuanilu 9-ni nunagisaminiissinnaatitaasoq illoqarfimmisinnaatitaasorluunniit, taassumalu saniatigut angalanermi piffissaq pisariaqartoq qaavatigut ilatinneqassasoq.

Tamatuma saniatigut angajoqqaatut akisussaasut imaluunniit qanigisaasut allat § 54, imm. 2 aamma imm. 5 kiisalu § 55, imm. 2 aamma imm. 5 malillugit tikeraarluni angalanissamut akuerineqarsimasut angalanerannut atatillugu aningaasartuutit kommunalbestyrelsip akilissavai. Inuup nunagisaminut angalasinnaannginnera pissutigalugu ilaquaasunut qanigisanullu nunagisaminngaanneersunut attaveqarnerup attatiinnarneqarnissaata qulakkeerneqarnissaa tamatumani siunertarineqarpoq.

Imm. 2-mut

Inuup innarluutillip § 54 aamma § 55 malillugit tikeraarnissamut akiliunneqarsinnaanngitsup nammineerluni feeriarluni angalaneq akilissavaa.

Kommunalbestyrelsilli ingallorteqarnissaq akilersinnaavaa inuk innarluutillip allamik ikiorneqarnani nammineerluni angalanissaq isumagisinnaanngippagu imaluunniit isumannaallisaaneq eqqarsaatigalugu timmisartuutileqatigiiffiup umiarsuaatileqatigiiffiulluunniit piumasaqaatigippagu.

Meeqqanut inuusuttunullu angajoqqaaminni suli najugalinnut tunngatillugu angajoqqaat feeriarnissanut aalajangiissapput, angalasoqassappallu tamanna nammineq akilissallugu. Innarluuteqarneq pissutigalugu meeraq angajoqqaat saniatigut ingallortissamik pisariaqartitsissappat kommunalbestyrelsip ingallorteqarnissaq akilersinnaavaa.

Imm. 3-mut

Ingallortaasunut qanigisaanngitsut akuersissutigineqarsinnaapput,

- billetsinut aningaasartuutit
- najugaqarnermut aningaasartuutit
- ullormusiat, isumaqatigiissut malillugu ingallortaanermut akissarsiat pisariaqarsimappallu sulinermi akissarsiassatut annasat

Ingallortaasoq, assersuutigalugu paaqqinniffimmi sulisuuppat, ingallortaanerullu nalaani isumaqatigiissut naapertorlugit akissarsiaqarpat, taava sulisoq sulinermi akissarsiassanik annaasaqarnersiutinik pisinnaassanngilaq.

Qanigisaasoq ingallortaasimappat kommunip makku akilerneqarnissaat akuersissutigisinnavaai:

- billetsinut aningaasartuutit
- najugaqarnermut aningaasartuutit

Qanigisaasut sulinermi akissarsiassanik annaasanut taarsiiffigineqarsinnaanngillat, tassami ingallorteqarnermi siunertaammat qanigisaasoq annertuumik innarluutilimmik peqateqarluni feeriartutut isigineqarnissaa, taamaammallu feeriarnini siunertamut tassunga atortussaallugu.

Imm. 4-imut aamma 5-mut

Inummut innarluutilimmut 18-it inorlugit ukiulimmut ingiallorqeartitsinissamut kommunalbestyrelse ukiumut ataasiarluni akuersissuteqarsinnaavoq. Inunnut annertuumik innarluutilinnut 18-it qaangerlugit ukiulinnut ingiallorqearnissamut ukiut pingasukkaarlugit kommunalbestyrelse taamaallaat akuersissuteqarsinnaavoq.

Imm. 6-imut

Imm. 1 malillugu, aamma imm. 2 malillugu tikeraarluni angalanissamut periarfissaq, taamaallaat naalagaaffeqatigiit iluanni tikeraarluni angalasinnaatitaaneq aalajangersakkami aalajangersarneqarpoq. Tamanna isumaqarpoq Kalaallit Nunaata, Danmarkip Savalimmiullu akornanni tikeraarluni angalanerit akiliunneqassasut.

Imm. 7-imut

Tikeraarluni angalanerit aaqqissuunneqarnerannut aningaasartuutilu akilerneqarnissaannut Naalakkersuisut erseqqinnerusunik malittarisassiussasut aalajangersakkap imm. 7-iani pisussaaffilerneqarput, matumani ilaatigut ingiallortit angalanerannut atatillugu aningaasartuutit pillugit, matumani ullormusiat, ingiallortaanermut akissarsiat aamma ingiallortaasunut ilaquaanngitsunut sulitilluni akissarsiassaraluani annaasaqarnermut taartisiassat ilanngullugit.

§ 57-imut

Imm. 1-imut

Aalajangersakkami imm. 1-imi inuit innarluutillit, pineqartup nunagisaata avataani najugaqaqtigiffimmiittut, najugaqarfimmi illersugaasumiittut imaluunniit ulloq unnuarlu neqeroorummiittut, qanigisaasut annertuumik napparsimanerannut, toqunerannut ilisaanerannullu ataattillugu angalanissamut pisinnaatinneqarput.

Pisimasut tamarmik immikkut angalanermik tunisiffiqineqarsinnaapput. Imaappoq, nappaatip paasineqarnerani angalaneq ataaseq tunniunneqarsinnaavoq, kiisalu angalaneq ataaseq tunniunneqassaaq inuup nappaamminik toqquteqarnerani ilisaanissaanilu. Toqu tikeraarnerup nalaani pisimappat angalaneq taamaattoq angalanerup siulliup ingerlanerata sivitsornerusinnaavaa.

Ilungersunartumik napparsimanermi pineqartunut ilaapput ilaatigut kræftimik nappaatit annertuut amerlanersaat aamma qaratsami tinusoornerit aalajangersimasut, uummammi nappaatit annertuut aalajangersimasut aamma uummammi qaratsamilu taqqatigut nappaatit, timip atortuini unittoorneq taartissaannik ikkussinissaq pisariaqartinneqalerluni, sianitikkut nappaatit aalajangersimasut ajorsiartortut, ataavartumik isigisaarunneq, tusaasaarutivinneq. Allattukkat tamakkiisuunngillat. Itisiliisumik allattukkanut innersuussutigineqarsinnaavoq

Naalakkersuisut: Qanigisaasut qaninnerpaat annertuumik napparsimanerat aamma/imaluunniit toqunerat ilisaanerallu pillugit ilitsersuut.

Angalanissamik pisinnaatitaaneq, inuk nunap killeqarfisa iluanni avataanniluunniit inissisimanersoq apeqquatainnagu, atuuppoq.

Angalanissaq aalajangersagaq manna malillugu akuerineqartoq, siunnersummi §§ 54 aamma 55 naapertorlugit tikeraarluni angalanissamik pisinnaatitaanermut sunniinngilaq.

Imm. 2-mut

Qanigisaasut annertuumik napparsimanerannut, toqunerannut ilisaanerannullu tikeraarluni angalanermut atatillugu kommunalbestyrelse akiliisussaatitaasoq imm. 2-mi aalajangersarneqarpoq.

Imm. 3-mut

Tikeraarluni angalanerit aaqqissuunneqarnerannut aningaasartuutillu akilerneqarnissaannut Naalakkersuisut erseqqinnerusunik malittarisassiornissaat pillugit aalajangersakkap imm. 3-iani imarineqarput.

§ 58-mut

Imm. 1-imut

Imm. 1 malillugu, inuk annertumik napparsimalerpat imaluunniit immikkut ittunut nalliuottorsiorernut atatillugu, taassuma ataani akunnaatsuliilluni inuuissiornermut, kuisittoornermut, apersortitsinermut, katittoornermut, 25-liilluni katiffisornermut ilisinernullu assigisaanilluunniit inummut innarluutilimmut, sumiiffiup angerlarsimaffigisap avataani najugaqarfissatut neqeroorumiittumut, kommunimi angerlarsimaffigisami kommunalbestyrelse, inuup qanigisaannut qaninnerpaanut angalanissamut tapersiinissamik neqerooruteqassasoq.

Imm. 1 naapertorlugu tapersiineq qanigisaasumut ataatsimut arlalinnulluunniit ikiorsiissutigineqassaaq.

Kommunalbestyrelsip imm. 1 malillugu tapersiisinnaanissaanut piumasaqaataavoq, inuup tikerarneqartup siunnersummi §§ 54 aanna 55-imi inunnut pineqartunut ilaasuunissaa.

Aalajangersakkap kommunalbestyrelse taamaallaat tapersiinissaanut pisinnaatimmagу Oqaatigineqassaaq, kisianni matumani pisussaaffimmik peqanngilaq.

Imm. 2-mut

Tikeraarluni angalanerup aaqqissuunneqarnera aamma tassunga aningaasartuutinik akiliisarneq pillugit maleruagassanik aalajangersaanissamut Naalakkersuisunut pisinnaatitsisummik imm. 2 imaqarpoq. Aalajangersakkamut nassuaatit naapertorlugit maleruagassat § 56, imm. 7-mi pisinnaatitsissutitulli pissutsinut tassaniittut assinginut tunngassuteqarsinnaapput.

§ 59-imut

Aalajangersaaneq malillugu kommunimit angerlarsimaffigisamit inummut innarluutilimmut, nunagisap avataani najugaqarfissatut neqeroorummi najugaqartumut, tassa inuup illoqarfia nunaqarfialuunniit, illerfiup assartorneqarnissaanut tamakkiisumik ilaannaasumilluunniit, communalbestyrelse ikorsiisinnaavoq. Imaappoq najugaqaqtigiiffik, najugaqarfik illersugaasoq imaluunniit ulloq unnuarlu neqeroorut. Najugaqartoq nunagisap avataani najugaqarfissatut neqeroorummiinnermini toquppat, aalajangersagaq atutissaaq. Kommunalbestyrelse tapersiinissamik pisussaaffeqanngilaq, kisianni toqukkut qimaguttup imaluunniit taassuma qanigisaasa nunagisami ilisinissaq kissaatigalugu oqaatigisimappagu aammalu piviusumik tapersiinissaq pissutsit pisariaqartippassuk, tamakkiisumik ilaannaakoortumilluunniit matussusiinissaq isumaliutersuutigineqarsinnaavoq. Aalajangersagaq Kalaallit Nunaanniinnaq atuutinngilaq, taamaattumik naalagaaffeqatigiinnerup iluanuit nunanillu allaniit Kalaallit Nunaannut illerfimmik angallassinissamut akiliutissamik ikorsiisoqarsinnaavoq.

§ 60-imut

Inuup innarluutilip tapersiivigineqarnissamut pisariaqartitsinera piffissap ingerlanerani ajornerulersimanersoq imaluunniit pitsaunerulersimanersoq apeqquatainnagu, inuit innarluutillit inuup sukkulluunniit pisariaqartitsineranut naapertuuttumik tapersiivigineqarnissaasa qulakkeerneqarnissaa aalajangersakkami siunertaavoq.

Imm. 1-imut

Det fastsættes i stk. 1, at når en communalbestyrelse får kendskab til, at en person med handicap ikke modtager den rette støtte, er communalbestyrelsen forpligtet til at træffe afgørelse om ændring eller ophør af støtten.

Inuk innarluutilik eqqortumik tapersorsorneqanngitsoq communalbestyrelsip ilisimalerpagu, taava communalbestyrelse tapersiissutip allangortinnissaanut unitsinneqarnissaanulluunniit aalajangiissalluni pisussaatitaasoq aalajangersakkami imm. 1-imi aalajangersarneqarpoq.

Imm. 2-mut

Tapersiinerup allangortinneqarnissaa pillugu aalajangiisoqassanissaanut nalilersuinermut atatillugu, communalbestyrelsip inuk innarluutilik aamma inuup angajoqqaatut sinniisua

imaluunniit angajoqqaatut akisussaasui, tusarniaaffigissagai imm. 2-mi aalajangersarneqarpoq. Kommunalbestyrelse taamaalilluni kommunimi sulisut atorfeqartut imaluunniit sullisisut allat suliatigut nalilersuinerat taamaallaat tunngavigalugu, tapersiinerup allanngortinneqarnissaq pillugu aalajangiisinnaanngilaq. Inuk innarluutilik suliamti tusarniaaffigineqassaaq. Tusarniaaneq oqaloqatigiinnikkut ingerlanneqassaaq. Siunnersummi § 23-mut oqaaseqaatit innersuussutigineqarput, tassani peqataatitsineq aamma inunnik innarluutilinnik oqaloqateqarnermut tunngasut itinerusumik suliarineqarsimapput.

Tapersiinermi iliuutsit, inummut innarluutilimmut tapersiissutitut ikorsiissutigineqartut, taakkununnga siunnerfiusoq anguneqarpat unitsinneqassapput.

Siunnerfiusup anguneqarsimaneranik nalilersuineranik, innuttaasunut allanut naleqqiullugu inuup qanoq pisinnaasai annikinnerutiginersut ukkatarineqassaaq, inuup ulluinnarni inuuneranik ingerlasinnaanera takuneqarsinnaalerpat, matumani inuaqatigiinni inuuneq ilanngullugu.

Taamaalilluni inuk suli tapersiissummik tigusartakkaminik pisinnaatitaanersoq, inuup taarteqartitsinissamik pisariaqartitsineranik peqquteqassaaq.

Inummut innarluutilimmut tapersiineq allatut iluseqartoq, maannamut tapersiissutaasumut taarsiullugu atorneqassanersoq, kommunalbestyrelsip tapersiinermi iliuusissat unitsinneqarnissaat pillugu aalajangiinermi nalilersuissaaq. Inuk tapersiivigineqarnissamik suli pisariaqartitsippat, inuup pisarialimmik tapersiivigineqarnissaa kommunalbestyrelsip isumagissavaa.

Imm. 3-mut

Kapitali 8 malillugu immikkut ittumik tapersiinerup unitsinneqarnissaq pillugu aalajangiisoqannginnerani, § 26 malillugu inummut innarluutilimmut iliuusissanut pilersaarummik aamma § 23 malillugu oqaloqatiginninnermik kommunalbestyrelse suliaqarsimassasoq imm. 3-imti aalajangersarneqarpoq.

Aalajangersakkattaaq kommunalbestyrelse iliuusissanut pilersaarummik suliaqaqqullugu pisussaaffilerpaa, taamaalilluni tapersiineq unippat siumut isigisumik susoqarnissaq qularnaarneqassamat.

§ 61-imut

Inuup innarluutilip najugaqarfissatut neqeroorummiinnerata unitsinneqarnissaq imaluunniit najugaqarfissatut neqeroorummut allamut nuutsinneqarnissaq pillugu kommunalbestyrelsip aalajangiinerata, mianerisassat attuumassuteqartut isiginiarlugit, kinaassusersiunngitsumik nalilersuineq tunngavigalugit pinissaata qulakkeernissaq aalajangersakkami siunertaavoq.

Imm. 1-imut

Kommunalbestyrelsip ilisimalerpagu inuk innarluutilik najugaqarfissatut neqeroorutip eqqortumik tapersiiviginngikkaa, communalbestyrelse inuup innarluutillip najugaqarfissatut neqeroorummiinnerata unitsinnejarnissaa imaluunniit najugaqarfissatut neqeroorummut allamut nuutsinnejarnissaa pillugu aalajangiinissamut pisussaaffeqartoq imm. 1-im i aalajangersarneqarpoq.

Imm. 2-mut

Aalajangersakkami imm. 2 malillugu communalbestyrelsip piffissami misissuiffiusumi, tassalu inissiinerup allanngortinnejarnissaa unitsinnejarnissaaluunniit pillugu aalajangiisoqarsinnaanissaa sioqqullugu, pissutsit pingaaruteqartut sisamat paasinarsarsimassagai piumasaqaatigineqarpoq.

Pissutsit normuni 1-imit 4-mut allattorneqarput.

Nr. 1-imut

Inuup najugaqarfissatut neqeroorummit angerlartinnejernerata imaluunniit najugaqarfissatut neqeroorummut allamut nuutsinnejernerata kingorna, inuup pisariaqartitsineranik naammassinninnissamut pisariaqartumik kapitali 8 imaluunniit 9 malillugu, tapersiivigneqernerata ingerlaannarnissaanik qulakkeerinninnissamut communalbestyrelsip pisussaaffeqerneranik aalajangersagaq imaqarpoq.

Nr. 2-mut

Iliusissanut pilersaarummik suliaqarnissamik communalbestyrelsip pisussaaffeqarnera aalajangersakkap imaraa.

Taamatuttaaq angerlartsinissaq imaluunniit najugaqarfimmut allamut nuutsinissaq sioqqullugu, suliassat tamaasa communalbestyrelsip erseqqissarsimassavai.

Najugaqarfissatut neqeroorummut allamut nuunnermi, ilaatigut najugaqarfissatut neqeroorutip inuup nuuffigisaanut, inuup immikkut pisariaqartitai isumagisinnaagai, kiisalu tapersiineq pisariaqartoq tunniussinnaagaa inigisallu aaqqissuunneqarnera pisariaqartoq isumagisinnaagaa il.il. communalbestyrelsip qulakkiissavaa.

Najugaqarfissatut neqeroorummiinnerup unitsinnejernerani, angerlartsinissaq sioqqullugu, taassuma nalaani kingornalu ilaatigut inummut innarluutilimmut aamma angerlarsimaffimmi pisariaqartitanut communalbestyrelse isummersorsimassaaq.

Taamatuttaaq inuup nammineq angerlarsimaffimmi tapersorsorneqarnissamut pisariaqartitsinera isummersuutigineqassaaq, tassunga ilanngullugit tapersersuisoq, sammisassaqtitsinermik ataatsimoornissamillu neqeroorutit inigisallu aaqqissuunneqarnera il.il.

Najugaqarfissatut neqeroorummiinnerup unitsinnejernerata kingorna, inuk innarluutilik nammineq angerlarsimaffimmi qanigisaasunit isumassorneqaraangat, qanigisaasut oqilisaassinermik tunineqartassanersut aammattaaq isummersuutigineqartassaaq.

Taagorneqartut tamakkiisuunngillat.

Nr. 3-mut

Najugaqarfissatut neqeroorumiinnerup unitsinneqarnissaa imaluunniit najugaqarfissatut neqeroorummuit allamut nuunnissaq pillugu aalajangiisoqannginnerani, inuup innarluutilip angajoqqaatut oqartussaasui imaluunniit taassuma angajoqqaatut sinniisua misissuinermut ilaatillugu tusarniarneqassasoq aalajangersakkami siunertarineqarpoq.

Oqaloqtiginninnej ingerlanneqarsimasoq aammalu inuk innarluutilik aamma angajoqqaatut sinniisusoq tassunga tunngatillugu qanoq oqaaseqarsimanersut, kommunalbestyrelsip uppernarsarsinnaassavaa. Tamanna assersuutigalugu oqaloqateqarnerup allaganngorlugu imaqarniliorneratut iluseqarsinnaavoq. Kommunalbestyrelse inuup innarluutilip kissaataanik malinninnissamik pisussaaffeqanngilaq, kisianni inuup oqariartutai kommunalbestyrelsip aalajangiinerani ilaatinneqassapput.

Siunnersummut § 23-mut oqaaseqaatinut inunnik innarluutilinnik oqaloqtiginnitarerit pillugit oqaaseqaatit itisilikkat innersuussutigineqarput.

Nr. 4-mut

Kommunalbestyrelse ulloq unnuarlu neqeroorummit allaganngorlugu oqaaseqaammik piniassasoq aalajangersakkami piumasaqaatigineqarpoq. Oqaaseqaat inissiinerup unitsinneqarnera pillugu aalajangiinermut kiisalu inuup innarluutilip ataatsimut isigalugu atugarissaarnerata killiffianik aammalu inuk angerlarsimaffiup avataaniinnissamik iluseqartumik tapersiivigineqarnissamik suli pisariaqartitsinersoq, inissiiviusup isummerneranik imaqassaaq.

Imm. 3-mut

Meeraq innarluutilik kapitali 8 naapertorlugu, meeqqap ulloq unnuarlu neqeroorummiit angerlartinneqareernerata kingorna meeqqap pisariaqartumik pisariaqartitaasa naammassineqarnissaanut suli tapersiinermik pisassasoq kommunalbestyrelsip quakkeerinninnissaanut aalajangersakkap pisussaaffinitippaa.

Aammalu sapinngisamik pitsaanerpaamik ulloq unnuarlu neqeroorummiit angerlarsimaffimmut nuunnissaq siunertaralugu meeqqamut angajoqqaatullu akisussaasunut tapersiinermi iliuusissanik neqeroorfingineqarnersut, aalajangersakkap kommunalbestyrelse pisussaaffilerpaa.

Imm. 4-mut

Imm. 2, nr. 4 naapertorlugu najugaqarfissatut neqeroorutip oqaaseqaammini inassutigippagu, inuk innarluutilik najugaqarfissatut neqeroorumiiginnassasoq, pissutsit taakkua pillugit Inunnut innarluutilinnut Sullissivik Nunamut Tamarmut Atuuttoq oqaaseqaateqassasoq imm. 4-mi aalajangersarneqarpoq. Aammattaaq suliami inaarutaasumik aalajangiisoqannginnerani

Inunnut innarluutilinnut Sullissiviup Nunamut Tamarmut Atuuttup oqaaseqaataa kommunalbestyrelsip utaqqimaassavaa.

Inunnut innarluutilinnut Sullissivimmit Nunamut Tamarmut Atuuttumit oqaaseqaat kommunalbestyrelsimit pituttuisuunngilaq, kisianni communalbestyrelsip oqaaseqaat aalajangiinissaq sioqqullugu naliliinermini ilaatisavaa.

Imm. 5-imut

Inuup innarluutilillip aamma najugaqarfissatut neqeroorutip angerlartitsinissamut imaluunniit najugaqarfissatut neqeroorummut allamut nuunnissamut piareersarnissamut piffissaqarnissaat qulakkeerniarlugu aalajangersagaq ilanngunneqarpoq.

Aalajangersagaq minnerpaaffissanut aalajangersagaavoq, taamaattumik communalbestyrelse sivisunerusumik angerlartitsinissamut ilimasaarinermik nalunaaruteqarnissaanut akornutaanani. Assersuutigalugu inuk innarluutilik Kalaallit Nunaata avataani inissinneqarsimasoq angerlartinneqartussanngorpat, imaluunniit inuk imaluunniit angerlarsimaffik angerlartitsinissamut sivisunerusumik pitsaanerusumik piareersartussaappat, sivisunerusumik ilimasaarinissaq naleqqussinnaavoq.

Inuk pineqartoq, taassuma angajoqqaatut sinniisua imaluunniit angajoqqaatut akisussaasui kiisalu najugaqarfissatut neqeroorut, angerlartitsinissaq najugaqarfissatulluunniit neqeroorummut allamut nuunnissaq pillugu ilimasaarinermik tigusaqarsimasussaapput. Sapaatit akunneri 12-it taakkua ulloq angerlartitsinissaq pillugu nalunaaruteqarnerup, suliaqartuuusunut marlunnut apuunnera aallarnerfigalugu kisinneqassapput. Nalunaaruteqarneq apuussimasoq communalbestyrelsip uppernarsartussaavaa.

Taamaattoq mianerisassat annertuit eqqarsaatigalugit pisariaqassappat, ilimasaarinissamut killissaliussaq saneqqunneqarsinnaavoq. Mianerisassat pingaaruteqartut tassaasinnaapput inuk nammineq eqqarsaatigalugu, tassunga ilanngullugu tapersiinermik allaanerujussuarmik pisariaqartitsinera, assersuutigalugu najugaqarfissatut neqeroorutip inuup isumaginissaapilerpagu, tassani najugaqartut allat sulisullu tungaatigut isumannaassuseq atugarissaarnerlu eqqarsaatigalugu. Aningaasaqarnikkut mianerisassat sapaatit akunnerini 12-ini killissaliinerup saneqqunneqarnissaanut tunngavilersuutigineqarsinnaanngillat.

Imm. 6-imut

Kalaallit Nunaata avataani najugaqarfissatut neqeroorummiinnermut tunngatillugu, kommunimi angerlarsimaffigisami communalbestyrelse, angerlartitsinissaq pillugu aalajangiineq pisinnagu, Kalaallit Nunaata avataani kommunimit najugarisamit nassuiaammik piniaassasoq, aalajangersakkami aalajangersarneqarpoq. Sapaatit akunnerini 12-ini ilimasaarinissaq pillugu imm. 5-imi aalajangersagaq taamatuttaaq atuuppoq.

Imm. 1-imut

Kommunalbestyrelse inuup innarluutillip, najugaqarfissatut neqeroorumiittup, tassa imaappoq Kalaallit Nunaanni najugaqaqtigiffimmi, najugaqarfimmi illersugaasumi imaluunniit ulloq unnuarlu neqeroorummi, atugaannik inummut sammisumik, nakkutilliissasoq imm. 1-imi siunnersuutigineqarpoq.

Najugaqarfissatut neqeroorumiinnermi inuup timikkut, tarnikkut inooqatigiinnikkullu pisariaqartitat suli naammassineqartassasut, communalbestyrelsip nakkutilliinermut ilaatillugu qulakkiissagaat siunnersuutigineqarpoq.

Imm. 1 malillugu communalbestyrelsip inummut sammisumik nakkutilliinerani, sakkussaassaaq § 28-mi aalajangersagaq siunnersuutigineqartoq naapertorlugu ulloq unnuarlu neqeroorumiit killiffimmut nalunaarusiaq. Kommunalbestyrelsip inummut sammisumik nakkutilliinissamut pisussaaffiminik naammassineqarnissaanut, killiffimmut nalunaarusiaq naammanngilaq. Tamatumunnga taarsiullugu killiffimmut nalunaarusiaq nakkutilliinerup aaqqissuunneqarneranut sakkussaassaaq.

Imm. 1 malillugu inummut sammititamik nakkutilliineq Annertuumik innarluutillit ikiorserneqartarnerat pillugu Inatsisartut peqqussutaanni § 21 a malillugu communalbestyrelsip nakkutilliinissamut pisussaaffianik ilaannakortumik ingerlatitseqqinneruvoq. Taamaattoq aalajangersakkami, pissutsit inuup atugaasa kisimik nakkutilliivigineqannginnisaat kissaatigineqarpoq, kisianni aamma, ulloq unnuarlu inisisimaneq kiisalu tapersiinerit aallartinneqartut allat inuup timikkut, tarnikkut inooqatigiinnikkullu pisariaqartitaannik naammassinnifiunerat suli ingerlanersoq communalbestyrelse nakkutilliinermini isummissasoq. Taamaalilluni nakkutilliineq, suliniuteqarnerup allanngortinnissaa tunngavissaqarnersoq nalilersuinermut tunngavigineqassaaq.

Imm. 2-mut

Imm. 1 malillugu nakkutilliineq nalunaarutigereerlugu aammalu nalunaaruteqarani nakkutilliinertut ingerlanneqarsinnaasoq imm. 2-mi siunnersuutigineqarpoq. Nalunaarutigereerlugu nakkutilliineq ima paasineqassaaq, nakkutilliilluni pulaartoqarniartoq, najugaqarfissatut neqeroorut sioqqutsisumik paasitinnejareerluni. Nalunaaruteqarani nakkutilliineq ima paasineqassaaq, nakkutilliilluni pulaartoqarniartoq, najugaqarfissatut neqeroorut sioqqutsisumik paasitinnejarnani. Nalunaaruteqarani nakkutilliilluni pulaarneq maannakkorpiaq pisunik takutitsisinnaavoq, nalunaarutigereerlugu nakkutilliilluni pulaarnermut atatillugu aammalu ulluinnarni misigineqartartut imminnut naapertuunnersut, nalilersuinerfullu atorneqarsinnaalluni. Taamaattumik nalunaaruteqarani nakkutilliilluni pulaarneq, sumiiffiup inissiiviusup ataatsimut isigalugu paasiniarneranut tapertaasussatut aammalu allatut takunissaanut, atorneqarsinnaavoq.

Imm. 3-mut

Kommunalbestyrelse Naalakkersuisunit qinnuigineqarnermini paasissutissanik
kommunalbestyrelsip inummut sammititamik nakkutilliinermik isumaginninnera pillugu
Naalakkersuisut kissaatigisimasinnaasaannik tamaginnik nassiuassinissamut
pisussaaffeqassasoq imm. 3-mi siunnersuutigineqarpoq. Taamaalilluni sammisanut
sukumiissusaanullu tunngatillugu aalajangersakkami killilersuisoqanngilaq.

Imm. 4-mut

Naalakkersuisut inummut sammititamik nakkutilliinermut ingerlatsinermullu sammititamik
nakkutilliinissaq maleruagassanik erseqqinnerusumik aalajangersaanissamut
pisinnaatinneqassasut, ilanggullugit nakkutilliinerup ingerlanneqarnera, aaqqissuunneqarnera,
nakkutilliinermut nalunaarusianik suliaqarnermut atugassarititaasut piumasaqaatillu pillugit
maleruagassat aalajangersassagaat imm. 4-mi aalajangersakkami siunnersuutigineqarpoq.
Nakkutilliinermut nalunaarusiaq, allakkiamut pisortat ingerlatsinerannut maleruagassat
naapertorlugit, ilanggullugu allattuisussaatitaaneq, nakkutilliinermut sumulluunniit atatillugu
suliarineqartussamut, taaguutaavoq.

§ 63-*imut*

Imm. 1-imut

Nakkutilliinermik ingerlatsivik Inatsisartut inatsisaanni kapitali 3 malillugu inunnut
innarluutilinnut najugaqaqtigiiffinni aamma najugaqarfinni illersugaasuni ingerlatsinikkut
nakkutilliissaaq.

Najugaqarfissatut neqeroorutip tamakkiisutut isigalugu aammalu najugaqartut
najugaqarfissatut neqeroorummiittut atugarisaat nalinginnaasut, ingerlatsinermut
sammititamik nakkutilliinissaq kisimi tassani pineqarpoq. Taamaalilluni najugaqartut
ataasiakkaat najugaqarfissatut neqeroorummiittut nakkutilliivigineqarnissaat tassani
pineqanngilaq.

Imm. 2-mut

Imm. 1 malillugu nakkutilliineq nalunaarutigereerlugu aammalu nalunaaruteqarani
nakkutilliinertut ingerlanneqarsinnaasoq imm. 2-mi siunnersuutigineqarpoq.
Nalunaarutigereerlugu nakkutilliineq ima paasineqassaaq, nakkutilliilluni pulaartoqarniartoq,
najugaqarfissatut neqeroorut sioqqutsisumik paasitinneqareerluni. Nalunaaruteqarani
nakkutilliineq ima paasineqassaaq, nakkutilliilluni pulaartoqarniartoq, najugaqarfissatut
neqeroorut sioqqutsisumik paasitinneqarnani. Nalunaaruteqarani nakkutilliilluni pulaarneq
maannakkorpiaq pisunik takutitsisinnaavoq, nalunaarutigereerlugu nakkutilliilluni
pulaarnermut atatillugu aammalu ulluinnarni misigineqartartut imminnut naapertuunnersut,
nalilersuinermullu atorneqarsinnaalluni. Taamaattumik nalunaaruteqarani nakkutilliilluni
pulaarneq, sumiiffiup inissiiviusup ataatsimut isigalugu paasiniarneranut tapertaasussatut
aammalu allatut takunissaanut, atorneqarsinnaavoq.

Imm. 3-mut

Kommunalbestyrelse Naalakkersuisunit qinnuigineqarnermini paasissutissanik kommunalbestyrelsip nakkutilliinermik isumaginninnera pillugu Naalakkersuisut kissaatigisimasinnaasaannik tamaginnik nassiuressinissamut pisussaaffeqassasoq imm. 3-mi siunnersuutigineqarpoq. Taamaalilluni sammisanut sukumiissusaanullu tunngatillugu aalajangersakkami killilersuisoqanngilaq.

Imm. 4-mut

Naalakkersuisut nakkutilliinermut ingerlatsinermullu sammititamik nakkutilliinissaq maleruagassanik erseqqinnerusumik aalajangersaanissamut pisinnaatinneqassasut imm. 4-mi aalajangersakkami siunnersuutigineqarpoq, matuman i nakkutilliinerup ingerlanneqarnera, aaqqissuunneqarnera, nakkutilliinermut nalunaarusianik suliaqarnermut atugassarititaasut piumasaqaatillu pillugit maleruagassat ilanngullugit.

Nakkutilliinermut nalunaarusiaq, allakkiamut pisortat ingerlatsinerannut maleruagassat naapertorlugit, ilanngullugu allattuisussaatitaaneq, nakkutilliinermut sumulluunniit atatillugu suliarineqartussamut, taaguutaavoq.

§ 64-imut

Imm. 1-imut

Kommunalbestyrelsit ingerlatsiviini aamma Inatsisartut inatsisaannik matuminnga aqutsinerannik nakkutiginninnissamik kiisalu najugaqarfissatut neqeroorutini ingerlatsinermik nakkutilliinermik suliaqartussamik, immikkut nakkutilliinermut immikkoortortaqarnissamik, Naalakkersuisut pisussaaffilerneqassasut imm. 1-imi siunnersuutigineqarpoq.

Imm. 2-mut

Inatsisartut inatsisaanni matuman i aalajangersakkat ingerlatsivimmi aqunneqarnerannik aammalu Inatsisartut inatsisaanni matuman i pisussaaffiit pisinnaatitaaffiillu allassimasut kommunimit naammassineqarsimanerannik, nakkutilliisussani Naalakkersuisut qullersasut aalajangersakkami imm. 2-mi siunnersuutigineqarpoq. Maannamut inatsisini aalajangersagaanngitsumik Naalakkersuisut inunnut innarluutilinnut suliassaqarfimmi immikkuullarissumik nakkutilliisarnerat aalajangersakkami ingerlateqqinnejarpoq.

Imm. 3-mut

Nakkutilliinermik ingerlatsiviup ulloq unnuarlu neqeroorutinik ingerlatsinermut tunngasumik nakkutilliisarnerat erseqqinnerusumik maleruagassiivigineqassasoq, imm. 3-mi aalajangersakkami nutajusumi siunnersuutigineqarpoq. Aalajangersagaq §§ 67-68-imi aalajangersakkanut siunnersuutigineqartunut ataqtigiissillugu atuarneqassaaq.

Nakkutilliinermik ingerlatsivik Inatsisartut inatsisaanni § 18 malillugu inunnut innarluutilinnut ulloq unnuarlu neqeroorutinut ingerlatsinikkut nakkutilliissaaq.

Ulloq unnuarlu neqeroorutip tamakkiisutut isigalugu aammalu najugaqartut ulloq unnuarlu neqeroorummiittut atugarisaat nalinginnaasut, ingerlatsinermut sammititamik nakkutilliinissaq kisimi tassani pineqarpoq. Taamaalilluni najugaqartut ataasiakkaat ulloq unnuarlu neqeroorummiittut nakkutilliivigineqarnissaat tassani pineqanngilaq. § 62 naapertorlugu inummut sammititamik nakkutilliinissamik pisussaaffeqarneq kommunalbestyrelsimiippoq.

Imm. 4-mut

Nakkutilliinermi suliassaq misissuinermut aammalu pitsaassutsinik inerisaanissamut tunngatinneqassasoq imm. 4-mi aalajangersakkami siunnersuutigineqarpoq. Tamatuma kingunerisaanik Nakkutilliinermik ingerlatsiviup siullermik ulloq unnuarlu neqeroorummi pissutsit misissussavaa, matumanil illutanut, aningaasaqarnermut sulisoqarnermullu tunngasut kiisalu najugaqartunik isumassuinerup isumagineqarnera, ulloq unnuarlu neqeroorutitut akuerineqarsinnaanissamut piumasaqaatinik naammassinniffiuersoq ilanggullugit. Aamma tassaniippoq ulloq unnuarlu neqeroorutip assersuutigalugu ulloq unnuarlu neqeroorutip akuerineqarnerani najugaqartussat amerlassusissaannit najugaqartut amerlanerunninginnerat misissorneqassasoq. Aappaattut aalajangersagaq isumaqarpoq, ulloq unnuarlu neqeroorutip pitsaassusaata ineriartortinnejarneranik, ulloq unnuarlu neqeroorutip suliaqarnerani, Nakkutilliinermik ingerlatsivimmit qanoq tapersersuisinnaanersut, ulloq unnuarlu neqeroorutip oqaloqatiginerani Nakkutilliinermik ingerlatsiviup nakkutilliinerminni ukkatarissagaa. Oqaloqatigiinneq ulloq unnuarlu neqeroorummi pitsaassutsinik attassiinnarnissamut ineriartortitsinissamullu iluaqutaassaaq.

Imm. 5-imut

Imm. 2 aamma 3 malillugit nakkutilliineq nalunaarutigereerlugu aammalu nalunaaruteqarani nakkutilliinertut ingerlanneqarsinnaasoq imm. 5-imi siunnersuutigineqarpoq. Nalunaarutigereerlugu nakkutilliineq ima paasineqassaaq, nakkutilliilluni pulaartoqarniartoq, najugaqarfissatut neqeroorut sioqqutsisumik paasitinneqareerluni. Nalunaaruteqarani nakkutilliineq ima paasineqassaaq, nakkutilliilluni pulaartoqarniartoq, najugaqarfissatut neqeroorut sioqqutsisumik paasitinneqarnani. Nalunaaruteqarani nakkutilliilluni pulaarneq maannakkorpiaq pisunik takutitsisinnaavoq, nalunaarutigereerlugu nakkutilliilluni pulaarnermut atatillugu aammalu ulluinnarni misigineqartartut imminnut naapertuunnersut, nalilersuinermullu atorneqarsinnaalluni. Taamaattumik nalunaaruteqarani nakkutilliilluni pulaarneq, sumiiffiup inissiiviusup ataatsimut isigalugu paasiniarneranut tapertaasussatut aammalu allatut takunissaanut, atorneqarsinnaavoq.

Imm. 6-imut

Ingerlatsinermut sammisumik nakkutilliinerup aaqqissuunneqartarnera imarisaalu pillugit maleruagassanik erseqqinnerusunik Naalakkersuisut aalajangersaassapput. Pisinnaitisissut ilaatigut Nakkutilliinermik ingerlatsivik pissutsit erseqqinnerusut suut nakkutigissanerai, aalajangersaanissamut atorneqassaaq.

§ 65-imut

Nakkutilliinermik ingerlatsivik peqqissaartumik kinaassutsimut uppernarsaammik aammalu eqartuussivimmit aalajangiinertaqanngitsumik, kommunip ingerlatsiviani Nakkutilliinermik ingerlatsiviup nakkutilliinerup ingerlanneqarnissaanut attuumassuteqartutut naliliiffisaannut, isersinnaatitaasut aalajangersakkami imm. 1-imi siunnersuutigineqarpoq. Nakkutilliinermik ingerlatsivik matumani inuk pillugu paasissutissat mianerisariaqartut kiisalu suliffiup iluani allattugaatigineqartut ilanngullugit, pissarsinissamut pisinnaatitaapput. Aalajangersakkami siunertaavoq, § 64, imm. 2-mi aalajangersagaq siunnersuutigineqartoq malillugu sunniuteqarluartumik nakkutilliinermik ingerlatsinissaasa qulakkeerneqarnissaa.

§ 66-imut

Aalajangersakkami § 64, imm. 2 malillugu Nakkutilliinermik ingerlatsiviup nakkutilliisarnerannut erseqqinnerusunik maleruagassiisoqassasoq siunnersuutigineqarpoq. Taamaalilluni aalajangersagaq, Nakkutilliinermik ingerlatsivik communalbestyrelsip ingerlatsiviani aammalu communalbestyrelsip Inatsisartut inatsisaanni matumani maleruagassanik allaffissornikkut aqtsineranik nakkutilliisarnerannut erseqqinnerusumut, tunngassuteqarpoq.

Siullertut siunnersuutigineqarpoq Nakkutilliinermik ingerlatsivik nakkutilliineq pillugu communalbestyrelsimit nakkutilliinermut allaganngorlugu nalunaarusiamik suliaqartassasut.

Aappaattut siunnersuutigineqarpoq Nakkutilliinermik ingerlatsivik nakkutilliinermut nalunaarusiami ilitsersuissutaasunik innersuussutinik aammalu peqqussutinik communalbestyrelsimit pisussaaffiliisunik saqqummiinissamut pisinnaatitaatinneqassasut. Taakkua communalbestyrelsip ingerlatsivianut aammalu Inatsisartut inatsisaanni maleruagassanik allaffissornikkut aqtsinerannut ilitsersuussutitut innersuussinernut aammalu communalbestyrelsip peqqussutinut pisussaaffiliisunut tunngassuteqassapput. Taamaallaat nr. 1-3-mi aalajangigaasunik imaqartumik pisussaaffiliisumik peqqussuteqartoqarsinnaavoq.

Kommunalbestyrelse inunnut innarluutilinnut tapersiisarneq pillugu suliani ataatsimi arlalinniluunniit Inatsisartut inatsisaanni § 25-mi aalajangersakkat malillugit qulaajaanermik aallartitsissasoq imaluunniit inatsisartut inatsisaanni § 26-imi aalajangersakkat malillugit iliusissanut pilersaarummik suliaqassasoq, Nakkutilliinermik ingerlatsivik nr. 1 malillugu pisussaaffiliisumik peqqusinissaminut periarfissaqarpoq. Tamanna naleqquppat, communalbestyrelse qulaajaanermik aallartitsissasoq aammalu iliusissanut pilersaarummik suliaqassasoq peqqussuteqarnissamik Nakkutilliinermik ingerlatsivik periarfissaqarpoq. Taamaattoq communalbestyrelse qulaajaanermik aallartitsereersimappat suliaqareersimappallu iliusissanik pilersaarummik suliaqarnissaq pillugu peqqussuteqarnissaq taamaallaat naleqqutissaaq. Suliassamik suliarinninnissaq peqqussutigineqartoq qaqugu naammassisanersoq, piffissamut killissaliussamik Nakkutilliinermik ingerlatsivik aalajangersaasinnaavoq. Kommunalbestyrelsip suliaq imaluunniit suliap ingerlanera pillugu Nakkutilliinermik ingerlatsivik ingerlaavartumik

ilisimatittassagaa, peqqussuteqarnermut ilaattillugu Nakkutilliinermik ingerlatsivik aalajangersaasinjaavoq. Inuk Inatsisartut inatsisaat manna malillugu tapersiivigineqarnissamik maannakkut pisariaqartitsinersoq paasiniarneqarneqassasoq qulaajaanermi siunertaavoq, matumani najugaqarfissatut neqeroorumiinnissamik neqerooruteqarneq pisariaqartinneqarnersoq ilanngullugu.

Kommunalbestyrelsip inunnut innarluutilinnut tapersiinissaq pillugu suliaq ataaseq arallilluunniit nutaamik suliarineqartussanngorlugit qaqqeqqissagai, nr. 2 malillugu Nakkutilliinermik ingerlatsivik aamma peqqussuteqarnissamik periarfissaqarpoq. Kommunip Inatsisartut inatsisaanni aalajangersakkat naammassisimanngikkai peqqussuteqarnermut piumasaqaataavoq. Tamanna assersuutigalugu § 25 malillugu qulaajaanani, inummut innarluutilimmut immikkut ittumik tapersiinissaq itigartinneqassasoq aalajangiisimaneranut tunngassuteqarsinnaavoq.

Nakkutilliinermik ingerlatsivik naliliippat inuk innarluutilik, suliassaq tassunga tunngasoq ingerlaasoq imaluunniit naammassineqareersimagaluartoq, najugaqarfissatut neqeroorumiinnissamik pisariaqartitsisoq, kisiannili tamanna neqeroorutigineqarsimanani, taava nr. 3 malillugu Nakkutilliinermik ingerlatsivik periarfissaqarpoq communalbestyrelse peqqussallugu § 25 malillugu qulaajaanermik aallartitseqqullugu. Inuk Inatsisartut inatsisaat malillugu tapersiivigineqarnissamik maannakkut pisariaqartitsinersoq paasinarsarnissaa peqqussuteqarnermut piumasaqaataavoq, matumani najugaqarfissatut neqeroorumiinnissamik pisariaqartitsineq ilanngullugu. Nakkutilliinermik ingerlatsivik peqqussuteqarnermut ilaattillugu communalbestyrelse § 25 malillugu qulaajaanermik qaugu aallartitsissanersoq pillugu, piffissaliussamik aalajangersaasinjaavoq.

§ 67-imut

Aaqqissuussineq siunnersuutigineqartoq malillugu Nakkutilliinermik ingerlatsivik ulloq unnuarlu neqeroorummit ingerlatsinermut sammititamik nakkutilliisinnaanissamut paasissutissanik pisariaqartunik tunineqarsinnaatitaavoq. Nakkutilliinermik ingerlatsiviup ingerlatsinermut sammititamik nakkutilliinermik suliaqarsinnaanissaannut suut pisariaqarnersut, § 64, imm. 3 naapertorlugu Nakkutilliinermik ingerlatsivik naliliisussaavoq.

§ 68-imut

Imm. 1-imut

Nakkutilliinermik ingerlatsivik ulloq unnuarlu neqeroorummut peqqussuteqarnissaq pillugu aalajangiisinjaassasoq imm. 1-imi siunnersuutigineqarpoq. Peqqussuteqarneq Nakkutilliinermik ingerlatsiviup ulloq unnuarlu neqeroorummik ingerlatsinermut sammititamik nakkutilliineranut ilaattillugu pissaaq. Ulloq unnuarlu neqeroorutip peqqussuteqarnermk naammassinninnissaanut piffissamut killissaliussamik Nakkutilliinermut ingerlatsivik aalajangersaasinjaavoq.

Pisuni, assersuutigalugu sulisut pingaaruteqarnerpaat soraarsimaneranni, aammalu sulisut sinneruttut kisimiillutik suliassaq naammassisinnaagaat naatsorsuutigisinnaanngikkaanni, ikippallaarnerat pissutaalluni imaluunniit ulloq unnuarlu neqeroorummi siunnerfigineqartut ulloq unnuarlu neqeroorutip akuerineqarfigisaasa sullinnissaannut pisariaqartunik pisinnaasaqartunik sulisuerussimaneranni peqqussuteqarneq atorneqarsinnaavoq. Taamaattoqarpat peqqussuteqarneq sulisunik naleqquttunik atorfinititsinissamut tunngassuteqarsinnaavoq. Assersuutissaq alla tassaasinnaavoq, neqeroorummi naleqqutinngitsumik amerlasuunik pissaanermik atuisoqarsimasoq. Taamaattoqarpat siunissami pisariaqanngitsumik pissaanermik atuisarnissaq pinngitsoorniarlugu, najugaqarfissatut neqeroorut iliuusissanut pilersaarummik saqqummiissasoq aammalu sulisut naleqquttumik ilinniaqqissasut, Nakkutilliinermik ingerlatsiviup peqqussutigisinnaavaa.

Peqqussutip neqeroorummi tamatuma naammassinissaanut periarfissaqartumik iluseqartinnissaa tunngavissaritinneqarpoq. Peqqussut naammassiniarlugu neqeroorummi qanoq iliortoqassanersoq ersarilluinnartariaqarpoq.

Pissutsit peqqussuteqarnissamik pissutissaqalersitsisimasut aallaavigalugit peqqussutip naammassinissaanut piffissamut killissaliussap sivisussusissaanik, Nakkutilliinermik ingerlatsivik aalajangersaasinjaavoq. Assersuutigalugu sulisoq ulloq unnuarlu neqeroorummi najugaqartunut kinguaassiutitigut atornerluisimappat, sulisoq taanna ulloq unnuarlu neqeroorummi atorfeqaqqusaajunnaassasoq peqqussutigineqarsinnaavoq. Peqqussut taamaattoq ingerlaannaq naammassineqassaaq, aammalu tamanna malillugu piffissamut killissaliussaq aalajangersarneqarsinnaavoq. Sulisunik aalajangersimasunik pisinnaasaqartunik atorfinititsinissamik peqqussuteqarnermi, pisariaqartunik pisinnaasaqartunik sulisoqannginneq qanoq ilungersunartiginersoq apeqquataillugu, piffissamut killissaliussaq sivisunerutillugu aalajangersarneqarsinnaavoq.

Imm. 2-mut

Ulloq unnuarlu neqeroorutini ataasiakkaani pissutsit tamanna pisariaqartippassuk, annertusisamik nakkutilliinissaq pillugu Nakkutilliinermik ingerlatsivik aalajangiisinjaassasoq imm. 2-mi aalajangersakkami siunnersuutigineqarpoq.

Piffissap aalajangersimasup taaneqartup iluani immikkut nassuiagaasumik annertuumik nakkutilliinissaq pisariaqartinneqartoq Nakkutilliinermik ingerlatsivimmit naliliisoqartillugu, annertusisamik nakkutilliineq takussutissaavoq. Annertusisamik nakkutilliineq annertunerusumik nakkutilliinermut takussutissaavoq aammalu qanoq pisoqaraluarpalluunniit nakkutilliilluni takusaanerit amerlanerusut ingerlanneqarnerannik malitseqassalluni. Soorlu Nakkutilliinermik ingerlatsiviup ataatsimut isigalugu pissutsit malillugit nakkutilliinerit aaqqissuutussaagaat, taamatuttaaq Nakkutilliinermik ingerlatsiviup annertusisamik nakkutilliineq pissutsit piviusumik pisut malillugit, aammalu pissutsit annertusisamik nakkutilliinissamut pissutaasut malillugit aamma aaqqissuutussaagaat.

Annertusisamik nakkutilliinissaq pillugu aalajangiinissaq sioqqullugu Nakkutilliinermik ingerlatsivik aamma ulloq unnuarlu neqeroorut pissutsit annertusisamik nakkutilliineq pillugu aalajangiinissamut tunngaviusut, oqaloqatigiissutigisariaqarpaat. Taamaattoq assersuutigalugu pissutsit pinerlunnermut tunngasut pillugit tassanngaannartumik ilisimasaqalerneq tunngavigalugu aalajangiisoqarpat, tamanna atutissangnilaq.

Imm. 3-mut

Nakkutilliinermik ingerlatsivik ulloq unnuarlu neqeroorummi pissutsinik aarlerinartunik misigisaqarunik, kommunalbestyrelsit, inuit ataasiakkaat ulloq unnuarlu neqeroorummiinnerannut akisussaasuusut ilisimatinnissaannut Nakkutilliinermik ingerlatsiviup pisussaaffeqarnera atuutsilerneqassasoq imm. 3-mi aalajangersakkami siunnersuutigineqarpoq.

Paasissutissat Nakkutilliinermik ingerlatsivimmit kommunimut inuup ulloq unnuarlu neqeroorummiinnissa pillugu aalajangiisimasumut ilisimatitsinermi ilaatinneqartut, amerlanertigut tassaassapput neqeroorummi pissutsit nalinginnaasut, kisianni aamma inuup nammineq inuttut atugai pillugit paasissutissaasinnaallutik.

Pissutsit aarlerinartut Nakkutilliinermik ingerlatsiviup misigisaani, nalinginnaasunut tunngassuteqartut, aammalu assersuutigalugu ulloq unnuarlu neqeroorutip annertusisamik nakkutigineqarnissaanut pissutissaqalersitsisimasut, pisuni taakkunani paasissutissat kommunalbestyrelsinit, ulloq unnuarlu neqeroorummiinnissamik innuttaasup neqeroorfigneqarnissa pillugu aalajangiisimasunut tamanut attuumassuteqassapput. Kisianni aamma tassaasinnaapput paasissutissat kommunalbestyrelsinit aalajangersimasunut taamaallaat attuumassuteqartut, assersuutigalugu ulloq unnuarlu neqeroorummi immikkoortortaqarfimmi aalajangersimasumi ajornartorsiutinut tunngassuteqartut.

Taamaalilluni aalajangersakkami siunertaasoq pingarneq tassaavoq, Nakkutilliinermik ingerlatsiviup neqeroorut pillugu ilisimasaasa communalbestyrelsimit, innuttaasup ulloq unnuarlu neqeroorummiinnissa pillugu aalajangiisimasumut tunniunneqarnissaasa qulakkeerneqarnissaat, taamaalilluni communalbestyrelsip taassuma inummut sammititamik nakkutilliinermiinut atillugu pissutsit taakkua sillimaffigisinjaassallugit. Paasissutissat, innuttaasup ulloq unnuarlu neqeroorummi inisisimanerata eqqortuuneranik nalilorsornissaanut, communalbestyrelsip atorsinnaavai.

Imm. 4-mut

Nakkutilliinermik ingerlatsivik qaqugukkut imm. 2 malillugu aalajangiisinnaanersoq aammalu imm. 3 malillugu annertusisamik nakkutilliinerup aallartinneqarnissa pillugu aalajangiisinnaanersoq, pillugit maleruagassanik erseqqinnerusunik aalajangersaanissamut, Naalakkersuisut peqquneqassapput.

Imm. 1-imut

Imm. 1-imi aalajangersakkami kommunalbestyrelsit ataasiakkaat Inunnut innarluutilinnut siunnersuisooqatigiinnik pilersitsinissamut pisussaaffilerneqarput, aammalu siunnersuisooqatigiit suliassai pisinnaasaqarfiilu aalajangersarneqarlutik. Inunnut innarluutilinnut siunnersuisooqatigiinnut siunertaavoq inunnut innarluutilinnut suliassaqarfimmi tunaartarisassaat pingarnerit suliarineqarnissaat, aammalu ilaatigut kommunalbestyrelsip inunnut innarluutilinnut politikkiani aamma suliassaqarfimmi allaffissornikkut aqtsineranik ineriertortitsinermi eqeersimaartumik sulinissamik suliaqarnissaq, kiisalu kommunimi politikkikkut apeqqutini siunnersuinermik ikuunnissaq siunertarineqarluni. Inunnut innarluutilinnut siunnersuisooqatigiit aamma apeqqutit nalinginnaanerusunut tunngasut oqallisigisinnaavaat aammalu politikkikkut taamatullu allaffissornikkut suliniutissanut siunnersuuteqarsinnaallutik.

Imm. 2-mut

Inunnut innarluutilinnut siunnersuisooqatigiit suliniutit inunnut innarluutilinnut tunngassuteqartut tamaasa pillugit tusarniartarnissaannik kommunalbestyrelse pisussaaffeqartoq imm. 2-mi aalajangersakkami aalajangersarneqarpoq, tassani ilaalluni inunnut innarluutilinnut politikki. Tusarniaasussaatitaaneq taamaallaat ataatsimut isigalugu suliniutinut tunngassuteqarpoq, tassami imm. 3 naapertorlugu Inunnut innarluutilinnut siunnersuisooqatigiit pisuni aalajangersimasuni inuit ataasiakkaat pillugit sullissinissamut pisinnaatitaanngimmata.

Imm. 3-mut

Inunnut innarluutilinnut siunnersuisooqatigiit naammagittaalliutinik suliassanik ataasiakkaanik suliarinnissinnaanngitsut imm. 3-mi aalajangersakkami erseqqissarneqarpoq. Inunnut ataasiakkaanut tunngasut aalajangersimasut, ataatsimut isigalugu apeqqutitut isikkoqartunik pissutissaqalersitsisimappata, Inunnut innarluutilinnut siunnersuisooqatigiit ataatsimut isigalugu isummersinnaapput, aammalu ajornartorsiummut ataatsimut isigalugu apeqqutitut isikkoqartumut tassunga taamaallaat isummersinnaallutik.

Imm. 4-mut

Imm. 4-mi aalajangersakkami Inunnut innarluutilinnut siunnersuisooqatigiit katitigaanerat maleruagassiivigineqarpoq.

Inunnut innarluutilinnut siunnersuisooqatigiit amerlaqatigiinnik amerlassusilinnik ilaasortaqtillugit pilersinneqassasut piumasaqaataavoq, inuit innarluutillit kattuffiisa kommunalbestyrelsillu soqtigisaat pillugit aallartitaqassallutik, matumani kommunalbestyrelsimut sullisisut ilanngullugit. Kommunalbestyrelseli Inunnut innarluutilinnut siunnersuisooqatigiinni aallartitaqassaaq.

Imm. 5-imut

Kommunalbestyrelse Inunnut innarluutilinnut siunnersuisoqatigiinnut pisariaqartillugu allattoqarfitsigut ikiutissasoq imm. 5-imi aalajangersakkami aalajangersarneqarpoq. Allattoqarfitsigut ikiorteqarnerup, ilaatigut ataatsimiinnerit ingerlanneqarnissaannut aggersaanissamut aammalu ataatsimiinnerit ingerlanneqarneranni ikiuunnissamut kiisalu ataatsimiinnerit imarisaat pillugit imaqtarniornermut paasissutissiinermullu il.il. atorneqarnissaa siunertarineqarpoq.

Imm. 6-imut

Imm. 6-imi aalajangersakkami ilaatigut Inunnut innarluutilinnut siunnersuisooqatigiit suleriaasi, aningasarsiaqartinneqarneri pillugit, kiisalu ataatsimiitaliap sulianik paasinarsisitsinissamut suliarinninnissamullu atugassaannik immikkut ilisimasalinnit oqaaseqaatinik piniartarneq il.il. pillugit maleruagassanik erseqqinnerusunik aalajangersaanissamut kommunalbestyrelse akuerineqarpoq.

§ 70-imut

Imm. 1-imut

Aalajangersakkami imm. 1-imi, kommunimi inunnut innarluutilinnut tapersiisarnermi sapinngisamik qaffasinnerpaamik pitsaassuseqartitsinissap qulakkeerneqarnissaa siunertaralugu, communalbestyrelsip inunnut innarluutilinnut politikkimik ataqtigiiissumik ilusilersuinissamut pisussaaffeqarnera aalajangersarneqarpoq. Ataqatigiissoq paasineqassaaq tassaasoq, kommunimi inunnut innarluutilinnut tapersiinermet atatillugu, pisortat suliassaqarfisa akornanni, qanoq sapinngisamik pitsaannerpaamik sullissisoqarsinnaanersoq pillugu, inunnut innarluutilinnut politikkimi isummertoqarnissaa. Inunnut innarluutilinnut politikki, ilaatigut inunnut innarluutilinnut suliassaqarfimmi suliniutit pillugit suliassaqarfuit immikkullarissut akornanni suleqtigiiinnissamut, ilaatigut innuttaasut innarluutillet sivisunerpaamik namminneq angerlarsimaffimminniiginnarsinnaanissaannut kommunimi sullissinermet siunnerfinnut il.il., tunngassuteqarsinnaavoq.

Imm. 2-mut

Imm. 1 malillugu aalajangersakkami imm. 2-mi, communalbestyrelsip kommunip inunnut innarluutilinnut politikkianik suliaqarnermet atatillugu Inunnut innarluutilinnut siunnersuisooqatigiinnut tusarniaasarnissamik pisussaaffeqarnera erseqqissarneqarpoq.

Imm. 3-mut

Inunnut innarluutilinnut politikki allaganngorlugu ilusilersorneqassasoq aammalu kommunip nittartagaani tamanut saqqummiunneqassasoq aalajangersakkami imm. 3-mi aalajangersarneqarpoq. Tamanna inunnut innarluutilinnut politikkip kommunimi innuttaasunit tamanit pissarsiarineqarsinnaaneranut iluaqutaassaaq.

Kommunalbestyrelsip aamma inunnut innarluutilinnut politikki suliarineqartoq pillugu Naalakkersuisut ilisimatissavai, taamaalilluni Naalakkersuisut nuna tamakkerlugu inunnut

innarluutilinnut periusissamik suliaqarnissaq siunertaralugu kommunimi inunnut
innarluutilinnut suliassaqarfimmi tamakkiisumik isiginnissinnaaniassammata.

Imm. 4-mut

Inunnut innarluutilinnut politikki sivisunerpaamik ukiut sisamakkaarlugit iluarsineqartassasoq imm. 4-imik aalajangersarneqarpoq. Inunnut innarluutilinnut politikkip iluarsisarneranut siunertaavoq, ullutsinnut naleqquttumik inunnut innarluutilinnut politikkeqarnissap qulakkeerneqarnissaa, kiisalu inunnut innarluutilinnut politikkimik, kommunimi sullissinermut siunnerfinnik ingerlaavartumik aalajangersaaviusumik, peqarnissaq. § 71 naapertorlugu inunnut innarluutilinnut politikki pitsaassutsinut malitassat pillugit siunnerfinnik imaqarsinnaavoq.

§ 71-imut

Imm. 1-imut

Kapitali 8 malillugu tapersiisarnermut, kommunip innuttaasunut innarluutilinnut ikiorsiissutigisagaannut, pitsaassusissanut malitassanik aalajangersaanissamik kommunalbestyrelsip pisussaaffeqarneranik aalajangersagaq imm. 1 imaqarpoq. Pitsaassusissanut malitassat atortutigut tapersiisarnermut tunngasut, assersuutigalugu teknikkikut atortut ikuutaasussat qanoq akulikitsigisumik taarserneqartassanersut, taamatullu atortutiguunngitsoq tapersiisarnermut, assersuutigalugu tapersersortit sulianut pisinnaasaqarfii imaluunniit ingiaqataasartut nalunaaquutak akunneri atortagassaanut attuumassuteqarsinnaapput.

Pitsaassusissanut malitassat Inatsisartut inatsisaani killissaliussat iluaniissapput. Taamaalilluni pitsaassusissanut malitassanik, piumasaqaatinik naammassinninngitsunik, imaluunniit inatsimmi suliassaqarfiiup avataaniittunut, aalajangersaanissamut inatsimmi tunngavissaliisoqanngilaq.

Imm. 2-mut

Kommunalbestyrelsip Inatsisartut inatsisaat manna malillugu tapersiisarnerinut tamanut imaluunniit aalajangersimasumik suussuseqartunik piviusunngortitsisarneranut pitsaassusissanut malitassanik aalajangersaasoqarnissaa pillugu communalbestyrelse aalajangersaasinnaasoq aalajangersakkami imm. 2-mi aalajangersarneqarpoq. Taamaalilluni inunnut innarluutilinnut tapersiissutinut tamanut, kommunimi ikiorsiissutigineqartartunut, pitsaassusissanut malitassanik aalajangersaanissaq pisussaaffiunngilaq.

Pitsaassusissanut malitassat inatsimmi killissaliussat iluaniissapput. Taamaalilluni pitsaassusissanut malitassanik, piumasaqaatinik naammassinninngitsunik, imaluunniit inatsimmi suliassaqarfiiup avataaniittunut, aalajangersaanissamut inatsimmi tunngavissaliisoqanngilaq.

Imm. 3-mut

Imm. 1 aamma 2 malillugit pitsaassusissanut malitassat allaganngorlugit suliarineqassasut aammalu kommunip nittartagaani tamanut saqqummiunneqassasoq aalajangersakkami imm. 3-mi aalajangersarneqarpoq. Pitsaassusissanut malitassat inunnut tapersiivigineqarsinnaatitaasunut pisinnaatitaaffittut isikkoqarnissaannut, tamanut saqqummiussineq iluaqutaassaaq. Pitsaassusissanut malitassat tamatuma saniatigut kommunalbestyrelsip inunnut innarluutilinnut politikiata ilaatut tamanut saqqummiunneqassapput.

Pitsaassusissanut malitassat aammattaaq Naalakkersuisunut ilisimatitsissutitut nassiunneqassapput taamaalilluni Naalakkersuisut qaqguluunniit inunnut innarluutilinnut suliassaqarfimmi nuna tamakkerlugu pitsaassutsinut malitassat pillugit tamakkiisumik isiginnissinnaaniassammata.

Imm. 4-mut

Pitsaassusissanut malitassat sivisunerpamik ukiut marlukkaarlugit iluarsineqartassasut aalajangersakkami imm. 4-mi aalajangersarneqarpoq. Pitsaassusissanut malitassat ullutsinnut naleqquttuunissaasa qulakkeerneqarnissaat, pitsaassusissanut malitassanik iluarsiisarnermi siunertaavoq.

Imm. 5-imut

Aalajangersakkami imm. 5-imi, pitsaassusissanut malitassanik, imm. 1 naapertorlugu, maleruagassanik aalajangersaanissamut tunngatillugu Naalakkersuisut pisinnaatinneqarput.

§ 72-imut

Imm. 1-imut

Aningaasartuutit assigiinngitsut Inatsisartut inatsisaat aammalu peqqussutit Inatsisartut inatsisaat naapertorlugu aalajangersagaasut naapertorlugit, qanoq aningaasalersorneqassanersut, aalajangersakkami maleruagassiiivigineqarpoq. Inatsisartut inatsisaat manna naapertorlugu inunnut innarluutilinnut tapersiinermut atatillugu aningaasartuutit tamaasa akilernissaannut kommunit pisussaaffeqartut aalajangersakkami siunnersuutigineqarpoq.

Imm. 2-mut

Ulloq unnuarlu neqeroorummik pilersitsinissamut ingerlatsinissamullu kina aningaasaqarnikkut akisussaasuunersoq aalajangersakkami maleruagassiiivigineqarpoq.

Imm. 3-mut

Ulloq unnuarlu neqeroorutinut aningaasalersuineq akigititamik akiliuteqarnikkut ingerlanneqassasoq aalajangersakkami aalajangersarneqarpoq, taamaalilluni oqartussaasoq inissiisoq inissanut ataasiakkaanut ulloq unnuarlu paaqqinniffimmi atukkaminnut akiliisassalluni.

Imm. 4-mut

Najugaqaqatigiiffinnik aamma najugaqarfinnik illersugaasunik pilersitsinermut ingerlatsinermullu kina aningaasaqarnikkut akisussaasuunersoq aalajangersakkami maleruagassiivigineqarpoq.

Imm. 5-imut

Naalakkersuisut nunani allani ingerlatsivimmi oqartussanik allanik isumaqatigiissuteqarsinnaasut aalajangersakkami aalajangersarneqarpoq, tassani iliuuseqartussaatitaaneq aammalu inatsit malillugu tapersiinernut aallartinneqartunut aningaasartuuteqarnermut atatillugu utertillugit akiliisarneq pillugu maleruagassat erseqqinnerusut aalajangersarneqassallutik. Isumaqatigiissutit taakkua, inuk Kalaallit Nunaanni oqartussaasut tapersiinissamik iliuuseqarnerisigut Kalaallit Nunaata avataani inissinneqarpat, isumaqatigiissutigineqarsinnaapput.

§ 73-*imut*

Imm. 1-imut

§ 48 malillugu inunnut innarluutilinnut ulloq unnuarlu inissinneqarsimasunut kommunalbestyrelsit akiliisarnissaat aalajangersakkami malittarisassiuunneqarpoq. Tassunga ullormut unnuamullu ataatsimut inissiiviusumut kommunit akigititaq akiliutissaat naatsorsorneqassaaq.

Imm. 2-mut

Ulloq unnuarlu neqeroorutip ineqartuminut kaasarfimmiusat atisarsutiissallu akilertassagai taamaattumillu communalbestyrelsip taakku akilertassanngikkai aalajangersakkami aalajangersarneqarpoq. Akigititaq Naalakkersuisunit aalajangerneqartartoq, aammalu ukiumoortumik akigititat pillugit kaajallaasitami nalequssarneqartartoq, Naalakkersuisunillu tamanut saqqummiunneqartartoq, tunngavigalugu ulloq unnuarlu neqeroorutip kaasarfimmiusat atisarsutiissallu akilertassavai.

Imm. 3-mut

Imm. 1 malillugu communalbestyrelsip ulloq unnuarlu neqeroorummut akiliutaanit ulloq unnuarlu neqeroorutip kaasarfimmiusat atisarsutiissallu ulloq unnuarlu neqeroorummi najugaqartunut tunniuttassavai. Taamaammat communalbestyrelse ulloq unnuarlu neqeroorummut kaasarfimmiusanut atisarsutiissanullu akileeqqissanngilaq. Allatut oqaatigalugu aningaasat amerlassusaat taakku ullormut unnuamullu akigititami ilaareerput.

Imm. 4-imut

Imm. 1-imi akigititat akilerneqartussat pillugit Naalakkersuisut erseqqinnerusunik malittarisassiorsinnaanermik piginnaatinneqassasut aalajangersakkami aalajangersarneqarpoq. Matumani kommunit akiliutaanni suut ilaanersut pillugit malittarisassat ilanggullugit.

Imm. 5-imut

Imm. 2 malillugu kaasarfimmiussat aamma atisassarsiutissat pillugit maleruagassanik erseqqinnerusunik aalajangersaanissamut Naalakkersuisut pisussaatinneqarput, matumani akiliisarneq aningaasallu annertussusissaat ilanngullugit.

§ 74-imut

Inatsisartut inatsisaat malillugu akigititat aalajangerneqarsimasut qaqugukkut naleqqussarneqartarnissaat tamanullu saqqummiunneqartarnissaat aalajangersakkap aalajangersarpaa.

§ 75-imut

Imm. 1-imut

Naammagittaalliuuteqartarneq pillugu malittarisassat atuuttut ingerlateqqinnejarnissaat imm. 1-imi siunnersuutigineqarpoq. Taamaalilluni Isumaginninnermi Naammagittaalliuuteqartarfimmut naammagittaalliortoqassatillugu, Isumaginnitoqarfiup aquunneqarnera aaqqissuussaaneralu pillugit Inatsisartut peqqussutaanni malittarisassat atorneqassapput.

Imm. 2-mut

Inuup innarluutillip taassumalu sinnisaata naammagittaalliuuteqarsinnaaneq pillugu Inunnut innarluutilinnut Sullissivimmi Nunamut Tamarmut Atuuttumi siunnersorneqarnissamik ilitsorsorneqarnissamillu ujartuisinnaanerat imm. 2-mi siunnersuutigineqarpoq.

§ 76-imut

Imm. 1-imut

Naalakkersuisunit piumaffigineqarnikkut kisitsisit atorlugit nassuaasianik kommunalbestyrelsit naassiussisassasut aalajangersakkap imm. 1-ani pisussaaffilerneqarput. Taamaalillutik Naalakkersuisut inuit innarluutillit amerlassusaat, matumani innarluuteqarnerup suussusai, ukioqqortussutsit agguarsimaneri pissutsillu allat, suliassaqarfimmi ineriertornerup malinnaavigineqarnissaanut pingaaruteqartut, pillugit ingerlaavartumik kisitsit atorlugit nassuaasianik atuisinnaanngussapput.

Kisitsisit atorlugit nassuaasiat communalbestyrelsintuttaaq kommunimi inunnut innarluutilinnut suliassaqarfik pillugu paassisutissanut atorneqarsinnaavoq, tassuunakkullu inunnut innarluutilinnut suliassaqarfimmut kommunip ineriertortitsineranut pilersaarusiornaranullu tunngavissiisinnaalluni.

Imm. 2-mut

Kisitsisitigut paassisutissat annertussusissaat pillugu aammalu taakkua qanoq nutarterneqartassanersut nassiuunneqartassanersullu pillugit, maleruagassanik aalajangersaanissamut Naalakkersuisut aalajangersakkami imm. 2-mi tunngavissalerneqarput.

§ 77-imut

Imm. 1-imut

Inatsisartut inatsisaat naapertorlugu ingerlatsivimmi oqartussatut kommunalbestyrelsip pisussaaffiisa naammassineqarnissaanni annertuumik imaluunniit arlaleriarlugu sumiginnarneqarneranni imaluunniit peqqissaarunneqannginneranni, Naalakkersuisut kommunalbestyrelsip pinngitsaaliisummik akiliisinneqarnissaanik pisussaaffiliisinnaasut aalajangersakkami imm. 1-imi, nutajusumi, aalajangersarneqarpoq.

Kommunalbestyrelsimut pisussaaffiliineq aamma pinngitsaaliisummik akiliisitsinerit akilersinniarneqarnerat il.il. politiit aqqutigalugit pissanngilaq, kisianni pisortat ingerlatsinerannut inatsisitigut aamma inuinnaat akornanni eqqartuuusseriaaseq aqqutigalugit pissalluni.

Imm. 2-mut

Pinngitsaaliisummik akiliisitsinerit Nunap karsianut tutsinneqassasut aalajangersakkami imm. 2-mi aalajangersarneqarpoq.

§ 78-imut

Imm. 1-imut

Inatsisartut inatsisaat manna ulloq 1. januar 2020 atuutilissasoq imm. 1-imi siunnersuutigineqarpoq.

Ulloq atuutsitsilerfissaq, siunnersuutip Inatsisartuni suliarineqarsinnaanissaa aammalu atuutilernissaa sioqqullugu piffissaqtitsiviulluartumik akuerineqarsinnaanissaa eqqarsaatigalugu aalajangersarneqarpoq. Nalunaarutinik ilitsersuutinillu suliaqaqqaarnissaq uani eqqarsaatigalugu, kiisalu kommunini inunnut innarluutilinnut suliassaqarfimmi sullisisunik pikkorissartitsinerit ingerlanneqarnissaat eqqarsaatigalugu taamaaliortoqarpoq, taamaalilluni inatsit atuutilerpat, suliassaqarfimmi sulisut inatsit nutaaq pillugu ilisimasaqalereerniassammata.

Imm. 2-mut

Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq, kiisalu kingusinnerusukkut allannguutai, atorunnaarsinneqassasut, aalajangersakkami imm. 2-mi aalajangersarneqarpoq.

Imm. 3-mut

Allaffissornikkut maleruagassat imm. 2-mi taaneqartumi Inatsisartut peqqussutaanni inatsisitigut tunngaveqartumik aalajangersagaasut, taakkua maleruagassanik Inatsisartut inatsisaanni matumani imaluunniit Inatsisartut inatsisaanni allani inatsimmi tunngaveqartumik aalajangersagaasunik, taarserneqarnissamik imaluunniit atorunnaarsinnejarnissamik tungaanut, atuutiinnassasut imm. 3-mi siunnersuutigineqarpoq.